

جريدہ عدلیہ

۶ رجب ۱۳۲۹ بازار ایرتسی ۲۰-۲۱ بران ۱۳۲۷

نومرو ۳۸

ایکینجی سنہ

قِسْمَتِ سَنَجَانِی

نوبہرات عدلیہ

مجدداً تشکیل ایدیلان قوایہ قضاسی بدایت محکمہ سی جزا دائرہ سی ریاستہ خیرہ بولی قضاسی بدایت محکمہ سی مدعی عمومی معاونی علی رضا خیرہ بولی قضاسی بدایت محکمہ سی مدعی عمومی معاونی مکتب حقوق عثمانی اعلی درجہ مآذونلرندن محمد عزیز و كذلك مجدداً تشکیل ایدیلان مذکور قوایہ قضاسی بدایت محکمہ سی مدعی عمومی معاونی مکتب حقوق عثمانی اعلی درجہ مآذونلرندن عاصم ومنجل بولنان قرق کلیسا سنجانی بدایت محکمہ سی اعضا الغنہ کو، امجنہ سنجانی بدایت محکمہ سی اعضا سندن محمد علی و کو، امجنہ سنجانی بدایت محکمہ سی اعضا الغنہ اینہ بولی قضاسی بدایت محکمہ سی جزا رئیس مصطفی عاصم و اینہ بولی قضاسی بدایت محکمہ سی جزا ریاستہ قسطہ ونی ولایتی استیناف محکمہ سی اعضا ملازمی سعید و کذا منجل اولان نابلس سنجانی بدایت محکمہ سی اعضا الغنہ مکتب حقوق عثمانی اعلا درجہ مآذونلرندن عبدالغنی و خداوندکار ولایتی مرکز بدایت محکمہ سی اعضا سندن ذکی شکری افندیٹک مستعفی عدیلہ مذکور اعضا الغنہ کوتاہیہ سنجانی بدایت محکمہ سی اعضا سندن سروری و سیواس ولایتی مرکز بدایت محکمہ سی مدعی

عمومیلکنک منحل اولان معاونلکنه مکتب حقوق اعلى درجه مأذونلرندن لطف الله وارزنجان سنجاجى بدایت محکمه سی اعضاسندن کامل افرینک وقوح وفاته مبنی منجل قالان مذکور اعضالغنه لوائى مذکور بدایت محکمه سی اعضا ملازمی رجب وجبل برکت سنجاجى بدایت محکمه سی اعضاسندن صادق افندینک مستغنی عدلیه مذکور اعضالغنه ارکری سنجاجى بدایت محکمه سی اعضا سابقه سندن نوری ومناسیر ولایى مرکز بدایت محکمه سی مدعی عمومیلکنه ایلبان سنجاجى بدایت محکمه سی جزا دائره سی رئیسى رشدی ایلبان سنجاجى بدایت محکمه سی جزا دائره سی ریاسته قوصوه ولایى محکمه استینافیه سی اعضاسندن خیرالدین قوصوه ولایى محکمه استینافیه سی اعضالغنه طاشوز قضاسی بدایت محکمه سی رئیسى عبدالرحمن شرف طاشوز قضاسی بدایت محکمه سی ریاسته کوملجنه سنجاجى بدایت محکمه سی اعضاسندن حسنی عماره سنجاجى بدایت محکمه سی مدعی عمومی معاونلکنه مالیه نظارتی حقوق مشاورلکی کتبه سندن ومکتب حقوق عثمانی علی الاعلى درجه مأذونلرندن شفیق بصره استیناف محکمه سی اعضالغنه بغداد ولایى مرکز بدایت محکمه سی اعضاسندن مثنی حکیم بغداد ولایى مرکز بدایت محکمه سی اعضالغنه بصره ولایى استیناف اعضالغندن مستغنی غزراغاله برغمه قضاسی بدایت محکمه سی جزا ریاسته رقهلر قضاسی بدایت محکمه سی جزا دائره سی رئیسى حازم روحی رقهلر قضاسی بدایت محکمه سی جزا دائره سی ریاسته حلب ولایى مرکز بدایت محکمه سی سرمستطلفلغندن مستغنی امین افندیلر نقل وتعیین اولبشاردر

اشبو اراده نیهنک اجراسنه عدلیه نظارتی مأمورد در فی ۲۸ مایس سنه ۳۲۷ فی ۱۲ جمادی الاخر سنه ۳۲۹

نمده رش:

عدلیه ناظری صدر اعظم

نجم الدین ابراهیم صفی

تبلیغات عمریه

عدلیه نظارت جلیله سندن تسطیر بیوریلان ۲۶ مایس سنه ۳۲۷ تاریخی تحریرات عمومیه صورتیدر:

« مأمورین عدلیه نکه عهده لرینه مودوع وظائى قوانین ونظامات موجوده ایله

اوامر ومقررات مبلغه احکامنه توفیقاً ایفا ایتلری لزومه ووظیفه مأموریتى احوال وترانخی

ایدن مأمورینک کسب قطعیت ایدن قانون جزا موجبجه مسئول ایدیلر بکرینه دائره

قوانین ونظامات موجوده ایله اوامر ومقررات مبلغه احکامی دائره سنده ایفای وظیفه یه مجبور اولان

مأمورین ومستخدمین عدلیه دن بر چوقلرینک اصول موضوعیه توفیق معامله خصوصنده التزام تساهل ونساح ایتدکری کوریلوب ایشیدلمکده در . ازجهاله بالعموم حکام ومأمورین عدلیه نکه مرکزده اولدینی کبی هرکون بر ساعت تعطیلدن ماعدا آلتی ساعت منتظماً ومتماً ووظائف مودوعه لرینه اشتغال یینه وصورت دوام لرینه ، حبسخانه وتوقیفخانه لک منتظماً معاینه سنه ، جرائم مشهوده وقوعنده مدعی عمومی ویامعاونلرینه مستطفلرک محل جریمه عزیمت لرینه ، اوراق ودفاتر عدلیه نکه تعریفات قانونیه یه ونمونه لرینه توفیقاً ترتیب وتنظیمه ، معاملات اجراییه نکه حسن تعقیبه ، امانات واشیانک صورت حفظه ، حاصلات وحروف حج وایستاتستیق جدوللرینک میعادنده تنظیم وارسانه ، تیمورباش کتب واشیا وادواتک وحسابات مالیه نکه سلفدن خلفه دورینه ، نظارتدن وقوع بولان استعلام واستفسارلره وقت وزمانیه جواب اعطاسنه وبونلره نمائل تأمین انتظام ومراقبه یی متکفل اوامر صادره احکامنک اکثریسنه ریات ایدلمدی واک شدیدالمفاد اخطاراتک واک سهل التطبیق تبایفانک بیلکه پک آز مدت ایچنده کوشه اهل وتسیبه آتیلدینی جریان حال ومعاملاتدن مع التأسف آکلا- شلمه قدردر . هیچ بر صورتله تأسیس وتأمین انظامه امکان بر اقایان شو سوء اعتیاداته فقدانی مسئولیتدن بشقه مؤثر تصور اولنه مدیغندن هیأت عالیة تشریعه دن کچرک اکتساب قانونیت ایتش اولان جزا قانونیه سی مواد معدله وقائمیه سی میانیه وظیفه مأموریتى بلاسبب مقبول اهل وترانخی ایدن ویا آمرینک احکام قانونیه یه مستنداً اعطا ایدلمدی اوامری کذا بر سبب مقبول اولقمیزین اجرا ایلیان مأمورینک درجه سنه کوره اوچ لیرادن یوز ایرایه قدر جزای نقدی واشبو اهل وتراخیدن ویا آمرک قانونه مستند اولان اوامری عدم اجرادن دولتجه بر حضرت حصوله کلیدی تقدیرده درجه سنه کوره بر هفتهدن اوچ سنه یه قدر حبس جزاسیله برابر مؤبداً ویا موقتاً رتبه ومأموریتدن محرومیت جزاسیله اجرای مجازانلری متضمن احکام قانونیه وضع اولنه رق وظیفه یه قارشى متحسس اولدقلری حس لاقیدی ایله معاملات عمومیه حکومتک سلامت جریانی اخلال ایدن مأمورینک انتباه ومسئولیتلری تحت تأمین انمشدر . ولایات معاملات عمومیه عدلیه نکه انتظام جریانسه ، احکام قانونیه ومقررات موضوعه ایله مقام نظارتدن وقوع بوله جق تبلیغات وواامرک حسن تطبیق وانفاذینه دقت وتفتیش ونظارت ایتک طوغربدن طوغری یه استیناف مدعی عمومیلرینه عائدومالحقات مأمورین عدلیه نکه بوخصوصده کی مکلفیت ومسئولیتلری ده مدعی عمومیلره منتهی اولسیله قوانین موضوعه وواامر مبلغه نکه صورت تطبیقاتنده ارأه اولنه جق آثار اهل ولاقیدیدن طولانی توجه ایده جک مؤاخذه ومسئولیتک ایلك هدفی بالطبع استیناف مدعی عمومیلری اوله جقدر . بناء علیه شو مسئولیت متحققه پیش تأمله آلنه رق ومقام مأموریتکزه قارشى مسئول اولان ملحقات مأمورین عدلیه سنه اخطارات مقتضیه بالا یفا آنلرکده نظر دقتلری جلب اولنه رق احکام موضوعه قانونیه نکه وواامر مبلغه نظارتک حسن تطبیق وانفاذینه

صوك درجه دقت واعتنا ايله مسئوليت احواله ميدان ویرللمسى صورت مخصوصه ده اخعار اولنور .

عدليه نظارت جليله سندن تسطير بيو يلان ۲۹ ميس سنه ۳۲۷ تاريخلى تخريرات عموميه صورتيدر :

« مفردات دفترلينك هر آي نهايتنده مأمورين ماليه اعطاسى لزومنيك بتكرار توصيه سنه دائر »

اعلامات جزائيه نيك محتوى اولديني جزاي تقديرله رسوم سائر نيك تحصيلي مأمورين ماليه توديع ايدايكي تاريخدن برى تحصيلدارل طرفندن لايقيه ابراز فعاليت ايديله مامسى يوزندن بقايا يگوننيك تزايد ايتديكي كورلديكندن وبونك ده ضرر خزينه يي بادي اولديغندن بختله سريعاً تلافى مافانه وبعدما دخی امر تحصيلاتده صورت جديده ابراز آثار غيرت وفعاليتله چالشامسى لزومى سبق ايدن اشعار اوزرينه ماليه نظارت جليله سندن ۳۰ مارت ۳۲۷ تاريخلى تخريرات عموميه ايله مأمورين ماليه تبليغ ايدلمشدر . ۱۲ تموز ۳۲۶ تاريخنده تعميمياً اشعار اولنديني وجهله جهت عدليه چه مفردات دفترلينك هر آي نهايتنده منتظماً مأمورين ماليه اعطاسى لزومى تكرار توصيه اولنور .

عدليه نظارت جليله سندن تسطير بيوريلان ۵ حزينان سنه ۳۲۷ تاريخلى تخريرات عموميه صورتيدر :

« رضى به متعلق موادك تعقيبى ضمننده رضى اداره سندن اعطا اولنان ورقه لرك تمغا رسمنه تابع ورقه لرك تمغا رسمنه تابع طوبيله جقلى سنه دائر »

رضى به متعلق موادك تعقيبى ضمننده رضى اداره سندن اعطا اولنان ورقه لرك تمغا رسمنه تابع اولوب اولماديغي بعض محللردن استفسار ايدلمسى اوزرينه سبق ايدن عرض واستيدانه جواباً شرفوارد اولان ۱۹ نيسان سنه ۳۲۷ تاريخلى ويوزاون سكز نومرولى تذكرة ساميه ده رضى شرفنامه سنك بشنجي ماده سنك برقره سنه كرك حكومت سنه وكرك افراد اهالى ايله تعاطي ايديله جك سنداتك تمغا رسمندن معفو طوتلىسى كوسترلمش ايسه ده فقره مذ كورده كي سندات تعبيرينك رضى اداره سندن اعطا اولنان ورقه لره شمولى اولميه جنى جهته مذ كور ورقه لرك تمغا رسمنه تابع طوتلىسى شوراي دولت تنظيمات دائره سندن اعطا اولنان مضبطه ده كوسترلمش وماليه نظارت جليله سنه ده بودا رده اجرأ تبليغات ايدلمش اولديني بيانيله بر موجب قرار ايفاي مقتضاسى امر واشعار بيورلمش ودائرة مأموريتلري داخلى بولنان محاكم ودوائر لاجل التوديع اشبو تخريراتك نسخ مطبوعه كافيه سى لفا ارسال قلمشدر .

محكمة تميز مقراني

محكمة تميز هيئت عموميه سندن صادر اولان ۱ ميس سنه ۳۲۷ تاريخلى ۷۲۸ نومرولى اعلام صورتيدر :

ا - مجرميت قرارلرينك هانكي نوع اكثريتله اتخاذا قلدنيك تصریح ايدلمسى لزومنه دائر .

ب - مهتمك معذور عد ايديله بيلمسى ايچون قنلك فعل شنيع زنا اثاسنده وقوع بولديغنيك ثبوتنه متوقف اولديغنه دائر .

سلانيك ولايتي استيناف محكمه سى جنابت دائره سندن صادر اولان ۱۰ شوال سنه ۳۲۸ و ۲۹ ايلول سنه ۳۲۶ تاريخلى ويوز آلمش يدي نومرولى اعلامك تميزاً تدقيقى حقنده محكمه مذ كوره مدعى عموميلكي طرفندن مدت قانونيه سى ظرفنده ويربان استدعائمه ايله اوراق سائر دعوى باش مدعى عموميلك مأموريت عليه سندن ۲۵ ذى الحجه سنه ۳۲۸ و ۱۴ كانون اول سنه ۳۲۶ تاريخ وبش بيك ايكيوز يكرمى درت نومرولى تبليغنامه ايله محكمه تميز جزا دائره سنه اعطا قلمش وعائديتي جهتيه هيئت عموميه چه بالتدقيق اصراي محتوي اولديني متفقاً تحت قراره آلمش اولمغه اولبابده كي اوراق مطالعه وتدقيق اولندي .

اعلام مذ كورك خلاصه مالى اوچوز يكرمى بش سنه سى كانون اولك برنجي كيجه سى كسندره قضاسه تابع روانه قريه سى اهالي سندن ني قوله اطناشك ماده جرح وقتلندن دولاي جنابتله اتهام اولنان قريه مرقومدن قسطنطين ولد طودورينك غيابة واوغلى ديمتريك وجاهاً اجرا قلمسان محاكمه عليه لري نتيجه سنه مهتمان مرقومانندن ديمتريك والده سنى مرقوم ني قوله ايله فعل شنيع زنا حالنده كورده رك مهوراً بالظ ايله جرح وقتل ايدليكي شهودك شهاداتي وضبط ورقه سى ومعينه راپورى مندرجاتي ايله ثابت اولديغندن حركته توافق ايدن قانون جزاك يوز سسكسان سكزنجي ويوز طقسانجي ماده لرينه توفيقاً برسنه حبسنه وختام مدتنده بش سنه ضبطه نظارتى آلتته آلمسنه وديكر مهتم قسطنطينك برائته دائر مقدما ويربان اعلام محكمه مذ كوره مدعى عموميلكندن سبق ايدن تميز دعوى اوزرينه بالتدقيق فعل قتل مذ كورك اولوجهله فعل شنيع زنا حالنده اجرا اولنديغنى مثبت اولان دلائل قانونيه توضيح ايدلمكسيزين قاتل معذور اولمق اوزره تجريمنده اصابت قانونيه اولماسندن ومجرميت قرارنده دخی قرار مذ كورك هانكي نوع اكثريت ايله اتخاذا قلدنيك كوسترلماسندن وجهات مذ كوره يي تضمن ايدن لايحه محتوياتك بجا بولمسندن دولاي نقض واعاده

اولمسی اوزرینہ بو کرہ جریان ایدن محاکمہ فعل مذکورک محافظہ عرض مقصدیله ایقاع ایدلدیکی امرنده حصول قناعتی ایجاب ایتدیرن احوال واسباب اعلام سابقه بسط و تمهید ایدلدیکی وهانکی نوع اکثریتله قرار ویرلدیکنک تصریح اولنامسی اسباب نقضیه دن بولنمادینی محکمه تمیزک بر اعلامیه قبول ایدلمش مسائلدن اولدینی بیانیله حکم سابقه اصراره ۱۴ ایلول سنه ۳۲۶ تاریخنده قرار ویرلدیکندن عبارتدر.

مدعی عمومیلک لایحه تمیزیه نده دخی نقض واقع دأر مسنده ایفای معامله اولمیه رق قرار سابقه اصرار اولمسی مخالف قانون بولندیغندن وسائر دن بجه اعلام اخیر مذکورک دخی نقضی استعدا قلمشدر.

سالف الذکر تبلیغنامه دخی قتلک فعل شذیع زنا ائناسنده وقوع بولدیغنی مثبت اولان دلائل قانونیه نک توضیحی وهانکی نوع اکثریتک اجتماعیه اتخاذ قرار اولندیغنسکده متن قراردده تصریحی لازمدهن بولنسینه کوره نقض سابق مصیب و اسباب قانونیه مسند اولدینی حالده قرار اولده اصرار اولمسی یولمز اصول وقانونه مغایر وتمیز لایحه سی وارد بولندیغنی بیانیله اعلام مذکورک نقضی استعدا اولمشدر.

ایجاب کیفیت مذاکره اولندقدده محکمه محلیه جه فعل قتل مذکورک محافظه عرض یولنده ایقاع ایدلدیکی امرنده حصول قناعتی ایجاب ایتدیروب اعلام سابقه بحث و تمهید ایدلدیکی بیان اولنان احوال متهم مرقومک والدیه سی ایله مقتول مزبورک مناسبات غیر مشروعه دده بولمقدده اولدقلرینه دأر دوران ایدن شایعه دن متأثر اولان متهم مرقومک ونه کونی والدیه سی خاهاهنده بوله مامسندن او جوارده تصادف ایدلدیکی مقتولی بالطه ایله جرح و قتل ایتسندن عبارت اولوب مقتولک وقعه زمانده طونک صیوانمش اولدینی حقسنده کی مشهودات و بیانات فعل قتلک مدار حکم اتخاذ اولنان یوز سکسان سکزنجی ماده قانونیه نک تعریفاتی دأر مسنده ومدافعه عرض یولنده وقوعنه دلالت ایدمه ماکده و بوباده متهم مرقومی معذور عدایده بیلمک صراحت قانونیه وجهله طرفینک جرم مشهود حالنده کورلسنه متوقف اولوب بوایس مرتبه ثبوته ایصال ایدیلهمامکه اولسنه نظراً بوقطعیه وبرده مجرمیت قرارلرینک هاکی نوع اکثریتله اتخاذ قلندیغک تصریحی لزوم قانونیه مخالف اوله ققرر مذکورده صراحت کورلماش اولسی جهته عاڈ اولان نقض واقع بجا بولندیغنی حالده روجه محرر مطالبات غیر صائبه بیانیله حکم سابقه اصرار ایدلمسی مخالف قانون ومستلزم نقض اولدیغندن اصول محاکمات جزایه قانونک وچ یوز اون دردنجی ماده سنه توفیقاً اعلام اخیر مذکورک دخی نقضیه واحکام قانونیه دأر مسنده ایفای معامله اولمق اوزره اورا قنک محله اعاده سنه ۱۰ مارت سنه ۳۲۷ تاریخنده متفقاً قرار ویرلدی.

محکمہ تمیز استعدا دأر مسندن صادر اولان ۴ ایلول سنه ۳۲۶ تاریخلی ۱۷۱۱ نومرولی اعلام صورتیدر:

محکمہ تمیز استعدا دأر مسندن صادر اولان ۴ ایلول سنه ۳۲۶ تاریخلی ۱۷۱۱ نومرولی اعلام صورتیدر:

۱ - خلاف حقیقت شهادتده بولمق اوزره رشوت و برمش و مقابله استنطاق دأر مسنده یلان یرہ بیاناتده بولمش اولان مظنونلرک مستنطق حضورنده کی اخباراتک مدار حکم اولمیه جنی جهته شهادت کاذبه فعلی موجود اولدیغندن هیئت اتهامیه جه منع محاکمه لرینه قرار ویرلمش ایسه ده بوایسده نظر دفته آله جق جهته مظنونلر آره مسنده تعاطی اولندیغنی مثبت بولنان اچقنک تعریفات قانونیه وجهله ترویج مرام ایچون ویراش و دیگر طرفدن دخی بوسورتله آلمش اولسی نقطه سنده ایشده جرم موجود اولوب اولدیغنک ومظنونلری محکمه یه سوجه کافی اسباب ودلائل بولوب بولندیغنک تعینندن عبارت بولمش ایکن هیئت اتهامیه جه استظافاً وقوع بولان شهادتک مدر حکم اولمیه جنی بیانیله مظنونلرک منع محاکمه سنه قرار ویرلمش مضبوطک نقضی مستلزمدر.

سلانیک ولایتی هیئت اتهامیه مسندن تنظیم واعطا قلنان ۱۴ تموز سنه ۳۲۶ تاریخ و ایکوز یتش اوچ نومرولی مضبوطک تمیزاً تدقیق طلبی حاوی ولایت مذکورده استیناف محکمه سی مدعی عمومیلکی جانبندن معطی استعدا نامه واوراق متفرعه سی باش مدعی عمومیلک مأموریت بهیه مسندن باتبلیغنامه محکمه تمیز استعدا دأر مسنده تودیع اولمش ولدی التدقیق مذکور استعدا نامه نک مدت معینه قانونیه سی طرفسنده اعطا قلندیغنی اکلاشلمش ایدوکندن بالقبول تدقیقات تمیزیه اجراسنه ایتدار ایدلدی.

مذکور مضبوطک خلاصه مفادی محمد اندی علیهنده اقامه اولنان جزا دعواسنده یلان یرہ شهادت ایتک اوزره یاریم لیرا رشوت اخذ ایدلدیکی ادعا قلنان یوان ولد او-توئیل ایله دعوی مذکوردهن طولانی یلان یرہ شهادت ایتدیرمک اوزره مرقوم یوانه رشوت اوله رقی یاریم ایرا اعطا ایدلدی ادعا-یله مظنون علیه اولان طوموناچو حققرنده اجرا قلنان تحقیقات استنطاقیه نتیجه سننده مظنون مرقومانک فعل مدعا بهه جرأتلری اخبارات وکندولرینک اقرارلری ایله تحقیق ایتدیکندن بجهله بولردن طوموناچوک قانون جزانک ایکوز اوتوزنجی ماده سی دلائله التمش طقوزنجی و یوانک حرکتیه التمش سکزنجی ماده لرینه مطابق افعال جنایتیه دن اولدغنه دأر مستنطق طرفندن تنظیم واعطا قلنان قرارنامه علیهنده وقوع بولان اعتراض اوزرینه هیئت اتهامیه جه اجرا قلنان تدقیقات نتیجه سننده دأر استنطاقیه ده وقوع بولان شهادتک مدار حکم اولدیغنی جهته دأر مذکورده ارتکاب اولنان کذبک شهادت کاذبه جرمی تشکیل ایتمه سنه و رشوت دنیلان جرم قانونی ترکیب ایدن شرائطک باشلیجه بر مأموری بر وظیفه قانونیه سی عدم ایضا ویا خود وظیفه سی تجاوز ایلک ویا خود مأموریندن اولیان برکیمه سی جزایی مستلزم اولان جرمی ایشله مک اطماع

واعمال ايله نائل مرام اولمق ايچون بر مقدار شي تعهد واعطاسي كيفيتلرندن بري بولمش اولمسه و مظون عليهمايه اسناد ايديلان حرکات ايسه جرمندن معدود اوليان بر شهادت کاذبه نك يعنى مخالف اخلاق بر فعلك اجراسي ايچون بر مقدار اچه اخذ واعطاسندن عبارت اولغله مستلزم جزا بولمديغنه بناءً مرقومانك منع محاکمه ليزه قرار ویرلدیکنى متضمندر .

لايحه تمیزیه ده مظنون یوان مرقوم طومونك تعلیم و تشویق وجهله هم پاره یی آلمش و همدە بیانات کاذبه ده بولمش ایدوکی اخبارات و کندوسنك اعترافیه تین ایتش و شواله کوره اساساً مزبور طومونك مقصد و مرامی اولان بیانات واقعه شریک جرمی اولان یوان طرفندن مستنطق حضورنده افاده اولمسیله ترویج واجرا ایدلمش و قانوناً شهادت حکم و قوتی حائر اولمسه بیله شخص مظنونك جنسایت محکمه سی حضورینه قدر حال موقوفیتده اوله رق سوقی و بوسورتله حریت شخصی نی اخلاص ایدن بو قیل بیانانك مستنطق حضورنده صرفی اکال مقاوله یی متضمن اولمسه و قانوناً ترویج مرام ایچون آلمان اچه و اشیایه اطلاق اولنان رشونك آلوب ویرلمسی اساساً جرم اولدینی جهته خلاف حقیقت بیانانده بولمق املی ترویج ایچون یارم لیرا ویرن مرقوم طومانك صفت قانونیه سی راشی و آلدینی اچه منابلنده مستنطقلکده اولوجهله بیانات کاذبه ده بولمقلا کمال تعهد ایدن مظنون یوانك صفی دخی مرتشی اولدیغندن اولوجهله اهاملری مقتضی ایکن هیئت اتهمیه جه بوجه محرر قرار ویرلمسی مخالف قانون ایدوکنه دائر سرد اعراض ايله ذکر اولنان مضبطه نك نقضی استدعا قلدینی کی تبلیغنامه ده دخی شهادتندن مقصد انشای محاکمه ده وقوعبولان شهادت اولوب پاره اخذیه دائره استنطاقیه ده یالان یره اخبارانده بولمق شهادت کاذبه جرمی تشکیل ایدیه جه کی درکار اولمقلا برابر پاره ویروب آلمق صورتیه لغرض اسنات و مفتریانده بولملری جهتیه افعال ممنوعه دن اولوب متضرر طرفندن ویریه جک استدعاى شخصی اوزرینه تعقیبات قانونیه اجراسی لازمه دن اولمسه نظرآ استدعا وقوعده معاملات قانونیه یه توسل اولمق اوزره مظنونلرک تخلیه سیلیریه اوراقل مدعی عمو میلکه اعاده سنه قرار ویرلمسی مقتضی ایکن بو دائره ده ایفای معامله ایدلمه سی یولسز و قانونه مغایر و لایحه مندرجاتی بو طریقله بجا اولدیغندن بحثله مذکور مضبطه نك نقضی لزومی مرقم بولمشدر .

ایجاب لدی المذاکره اوراق تحقیقه مندرجاتندن استنباط اولدینی 'اوزره امنیتی سوء استعمال ماده سندن طولانی خلاف حقیقت شهادتده بولمق اوزره یاریم لیرا رشوت ویرمش و مبلغ مزبور مقابلنده استنطاق دائره سنده یالان یره بیانانده بولمش اولان یوان ايله طومو ناچونك مستنطق حضورنده واقع اولان اخبار راتك مدار حکم اوله میه جنى جهته مسئله ده شهادت کاذبه فعلی موجود اولمادیغندن بحثله هیئت اتهمیه جه مظنونلرک منع محاکمه سنه قرار ویرلمش ايسه ده جرم واقع ترویج مرام ضمننده رشوت تعاطیسندن عبارت اولمسه کوره بو بایده وقوعبولان شهادتک حکم و قوتی درجه سنی تدقیق و تحرییه لزوم اولمایوب شو ایشده

نظر دفته آله جق جهت مظنونلر آراسنده تعاطی اولدینی مثبت بولنان آچه نك اولسایده کی تعریفات قانونیه وجهله ترویج مرام ایچون ویرلمش و دیگر طرفدن دخی بو صورتله آلمش اولسی نقطه سندن ایشده جرم موجود اولوب اولمادیغنك و مظنونلری محکمه یه سوجه کافی اسباب و دلائل بولنوب بولمادیغنه تعیینندن عبارت بولمش ایکن هیئت اتهمیه جه استنطاقاً وقوعبولان شهادتک مدار حکم اوله میه جنى بیانیله مظنونلرک بوجه محرر منع محاکمه سنه قرار ویرلمسی یولسز و اصول و قانونه مغایر اولوب لایحه تمیزیه مندرجاتی بو وجهله وارد و بجا کورنش ایدوکندن اصول محاکمات جزایه قانوننك اوچیوز اون دردنجی و اوچیوز اون طقوزنجی ماده لری مندرجه ذکر اولنان مضبطه نك سبب مذکوردن طولانی نقضیه احکام قانونیه دائره سنده ایفای معامله اولمق اوزره اوراق متعلقه سنك هیئت مذکوره اعاده سنه و ایکوز غروش اعلام خرچنك تعرفه و تعلیقات مخصوصه سنه توفیقاً ایلروده حتمسز چیه جق طرفدن استیفا سنه ۲۱ اغستوس سنه ۳۲۶ تاریخنده متفقاً قرار ویرلدی .

محکمه تمیزاستدعا دائره سندن صادر اولان ۵ ایلول سنه ۳۲۶ تاریخلی و ۱۷۲۵ نومرولی اعلام صورتیدر :

- ۱ — عام استیفا نك مقررات ابتدائی یی قبل الفسخ رأساً اعطای حکمه صلاحیتدار اولدیغنه دائر .
- ب — رسوم عدلیه تعرفه سنده استنطاق خرچیه سائر بوکی رسومک صورت مطابقه ده مجرمه عائدتی حرر ایکن مصارف محاکمه نك حقسز چیه جق طرفدن اخذیه قرار ویرلمسی نقض حکمی مستلزمدر .

خداوندکار ولایتی مرکز بدایت محکمه سی جزا دائره سندن استیفاً تنظیم واعطا قلنان ۱۵ مایس سنه ۲۲۶ تاریخ ویکرمی نومرولی اعلامک تمیزاً تدقیق طلبی حاوی قومیسینو نجی آرنیف افندی جانبندن معطی استدعایه و اوراق متفرعه سی باش مدعی عمومیلک مأموریت بهیه سندن باتبلیغنامه ۱۰ اغستوس سنه ۳۲۶ تاریخنده محکمه تمیز استدعا دائره سنه تودیع قلنش ولدی التدقیق مذکور استدعا نامه نك مدت معینه قانونیه سی ظرفنده اعطا و شرائط لازمه سائر سنك دخی ایفا ایدلدیکی اکلاشلمش ایدوکندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی مستدعی آرنیف افدینك خانه سندن برطاقم حلیات سرقت ایتسدکاری ادعاسیه مظنون علیهما اولان ارمنیوهی و افتیانك بررسنه و مزبورانه یتاقلق ایتدیکی ادعا اولنان کلیوغولوصک دخی آلتی ماء مدتلرله حبس لیزه دائر ویریلان اعلام ابتدائینك تعدیلاً تصدیقنی متضمن مقدمه بالتظیم واعطا قلنان اعلام استیفا نك اسباب قانونیه دن طولانی تمیزاً نقض واعاده ایدلمکه بو کره نقض واقعه اتباعاً اجرا قلنان محاکمه استیفا یه نتیجه سنده فقدان دلائل و اخباراته بناءً یتاقلق فعلندن مرقوم کلیوغولوصک برائنه و مصارف محاکمه نك دخی حقسز چیقان طرفدن تحصیلنه قرار ویرلدیکنى متضمندر .

تميز استدعائيه سنده مضمون مرقومك انشائي محاکمه ابتدائيه مضمون ايتيائي اصلا طائيديني بيان ايلديكي حاليه شهود مستمع افادتيه بينلرنده مخبره ومكتبه وقوعى تحقيق ايتش وبوجهتى بالاخره كندوسيده اعتراف ايتش ودلائل سائرته انضمامى دخى فعل سرقة اجتساريني مؤيد بولنش اولدينى حاله برمنوال محرر فقدان دلائل ناشى مرقومك برائته قرار ويرلسى ومصارف محاکمه دخى كندوسنه تحميل ايدلسى مخالف قانون ايدوكندن بحمله اعلام اخير استينافينك دخى تقضى استدعا ايدلش تبليغنامه ده دخى اعتراضات مذكوره نك مندرجات اعلامه نظراً غير وارد ايدوكى بيانيله تميز استدعائيك ردى لزومى كوسترلمشدر بولنش ايجابى لى المذكوره محاكم استينافيه نك مقررات ابتدائيه نى قبل الفسخ راساً اعطاي حكمه عدم صلاحيتى دركار و اعلام استينافى نكض ايدلش اولديغندن بوكوره نقض واقعه اتباعاً جريان ايدن محاكمه استينافيه اناسنده حكم ابتدائى حقه على الاصول تدقيقات اجرا واول باده طرفينك ادعا ومدافعاتى استماع اولنه ورق حكم مستأنف بهك فسخيله نتائج حاصله كوره كيفيتك درجه ثانيه ده حكمه ربطى لازم كلوركن محكمه استينافيه جه حكم ابتدائيك فسخى يولنده برقرار اتخاذا اولنفسزين راساً حكم اعطا اولنسى يولسر اولدينى كى رسوم عدليه تعرفه سنك آلتش دردنجى ماده نده استنطاق خرجيله سائر بوكى رسومك صورت مطلقه ده مجرمه عايدى محرر بولنش ايكن مصارف محاكمه نك حقسز حيقه جق طرف ن اخذينه قرار ويرلسى دخى مغاير اصول وقانون اولوب تميز استدعائيه سنده سرد وبيان ايدلن اعتراضات بوصورتله وارد و بجا كورونمش ايدوكندن اصول محاكمات جزائيه قانونك اوچيوز اون دردنجى واوچيوز اون طقوزنجى ماده لرى احكامنه توفيقاً اعلام استينافينك اسباب محرره دن ناشى تقضيله احكام قانونيه دائره سنده ايفاي معامله اولنق اوزره اوراق متعلقه سنك محكمه مذكوره به اعاده سنه وايكى يوزغروش اعلام خرجنك تعرفه وتعليقات مخصوصه سنه توفيقاً بالاخره حقسز حيقه جق طرفدن استيفاسنه ۱۶ اغستوس سنه ۳۲۶ تاريخنده متفقاً قرار ويرلدى .

محكمه تميز استدعا دائره سندن صادر اولان ۲۳ اغستوس سنه ۳۲۶ تاريخلى و ۱۷۴۲ نومرولى اعلام صورتيدر:

- ۱ - امنيتى سؤاستعماله متعلق افعال جرميه دن طولاني تعقيبات قانونيه اجراسى ادعاى شخصى وقوعنه متوقف بولنديغه دائر .
- ب - محكمه استينافيه جه حكم ابتدائى ادعاى شخصى موجود اولماسى نقطه سندن فسخ ايداش اولسه نظراً بويولده مراجعت وقوعنه تعلق تعقيبات صورتيه اتخاذا قرار اولنق ايجاب ايدر كن محاكمات استينافيه نك عدم مسؤليت قراريله نتيجه لنديرلسى موجب نقضدر .

در سعادتده استيناف محكمه سى جنحه دائره سندن تنظيم واعطا قلنان ۲۰ حزينان ۳۲۶ تاريخلى اعلامك تميزاً تدقيقى طلبنى حاوى محكمه مذكوره مدعى عمومى ايله چولاق نيقولاي طرفلرندن معطى ايكي قطعه

استدعا نامه واوراق متفرعه سى باش مدعى عمومىك مأموريت بهيه سندن بتبليغنامه ۲۸ تموز ۳۲۶ تاريخنده محكمه تميز استدعا دائره سنه توديع اولنش ولدى التدقيق مذكور استدعائيه لك مدت معينه قانونيه سى ظرفنده اعطا ومرقوم نيقولاي جانبدن شرائط لازمه سائرته سنك دخى ايفا قلندينى آكلاشلمش اولمغله بالقبول تدقيقات تميز به اجراسنه ايتدار ايدلدى .

اعلام مذكورك خلاصه مالى ذكبه سلطان حضرتلرينك اوتوز بش بيك غروشدن عبارت اولان معاشى ماليه خزينه سندن آلهرق كتم واضرار ايله امنيتى سوء استعما ايلديكى ادعا اولنان سلطان مشار اليهانك خدمه سندن ادهم افندى ايله خا سنده قومان اوينا تدفينى ادعا سيله مضمون عليه بولنان مستدعى چولاق نيقولايك بداية اجرا قلنان محاكمه لرى نتيجه سنده مضمون ادهم افنديك سلطان مشار اليهانك معاشى اولان مبلغ مزبورى ماليه خزينه سندن آلهرق جيبينده اولدينى حاله قومانده شروع ايلديكى اعتراف ايلسى مودوع يداماتى اولان آقچى صرف واستهلاك كنديسنجه حاصل اولان قرار وقصدى تضمن ايلسنه بناء امنيتى سوء استعمال فعلنه كافه شرائطى جامع اولق اوزره مباشرتى ثابت كورلديكى كى مرقوم نيقوليك دخى خلقى خانه سنه دعوت وجع ايله قومان اوينا دقلى و اوتو دنيرو قومان لعب مذمومنى اعتياد ايلديكى مرقومك اقرار واعترافى واحول سائر دلائلريله ثابت اولديغندن بحمله بولنردن ادهم افنديك قانون جزائيك يوز اوتوز آلتنجى ماده سنك فقره اخيره سى موجبجه برسنه مدته حبسيله برابر مذكور اوتوز بش بيك غروشك كندوسندن بالتحصيل سلطان مشار اليهايه اعطاسنه وربعك دخى جزاى اولهرق كنديسندن استيفاسنه ونيقوليك دخى قانون مذكورك ايكي يوز قرق ايكنجى ماده سى حكمه نجه آلى آى حبسنه و قرق آلتون جزاى نقدينك كنديسندن آلتسنه دائر بداية ويريلن اعلام محكوم مرقومان جانبدن استيناف ايدلكله بعد الفسخ اولباده اجرا قلنان محاكمه وتدقيقات استينافيه نتيجه سنده امنيتى سوء استعمال فعلندن طولاني مضمون عليه تعيين جزاسى متضررك شكايته وقصد اضرار شرائطك وجود و تحققنه متوقف اولوب حالوكه بيلمه يكي برقومان بحله رفقاسنك سوقيه كيدرك قومارده غائب ايلديكى تحقيقات واخبارات واقعه دن مستبان ولان ادهم افندى حقه مارالذكر شرائط قانونيه متحقق اولماديني حاله صورت محكوميتى موافق قانون كوريله مديكندن بالبحث مرقومك حال حاضرده عدم مسؤليتته ونيقوليه كلنجه مرقومك اقامتگاهى برقومان خانه اولق اوزره متعارف اولوب قومان معاملاتى كنديسنك اداره سنده دوام وجيان ايلديكى بداية واستينافاً اجرا اولنان تحقيقات وضبط ورقه سى مندرجاتى واخبارات ايله تبين ايلديكى بيانيله مذكور ايكي يوز قرق ايكنجى ماده قانونيه حكمه توفيقاً مرقومك درت ماه حبسنه واوتوز ليرا جزاى نقدى ايله محكوميتته قرار ويرلديكى متضمندر .

نيقولانك لايحه تميز بهيه سنده شخص ثالثه ايجارله مرقومك مع عائله اقامت ايلديكى آپارتمانده واقع اوطه نك قومارخانه اتخاذا قلنش دنيلسى عمومى كشاده اولماسى اعتباريله تطبيق اولنان ايكي يوز قرق ايكنجى ماده ده

تعريف اولان بر محل مخصوص قیدینه مخالف اولدینی کبی ماده مسد کوره حکمنه توفیقاً تعیین جزایی قوما بارانی صنعت اتخاذایدیکنک و قوما بارانقله مألوف اولدینک ثبوت و تحقیقنه وابسته اولوب شرائط مذکوردهن برینک فقدان حالده مسئولیت جزائییه نك تحمیلی غیر جائز ایدوکنه و مدعی عمومینک لایحه سنده دخی حکم ابتدائینک فسخندن صکره اساس دعوی حقنده محاکمه اجرا و مدعی عمومینک نتیجه مدعای سؤال اولنق لازمکلورکن ادهم افندی به متعلق اولان قسم ایچون بوجهت قانونیه دن ذهول اولنسی و امنیتیه سوء استعمال فعلندن طولانی مظنونک تعیین جزایی شخص متضررک شکایتیه و کتم و ضیاعک قصد اضرارده ابتدایی شرائطنک وجود و تحقیقنه متوقف اولوب حالبوکه بومسئلهده شرائط مذکورده موجود بولنمادیغندن بحکله ادهم افدینک عدم مسئولیتیه قرارویرلمش ایسهده امنیتیه سوء استعمال جرمی حقوق عمومیه دن معدود اولغله برابر ذاتاً سلطان مشارالیهانک امرلریله دیگر خدمه لری طرفندن حکومت عدلییه اخبار ماده و شکایت وقوعبولق صورتیه حقوق عمومیه نامنه علی الاصول، دعوی اقامه و تعقیب ایدلمش اولدینی جهته محکمنک بو نظریه سنده اصابت قانونیه کورلیه مدیکنه و سائرهمیه دائر اعتراضات سردیله اعلام استینافینک نقضی طلب و استدعا اولنمش تبلیغنامهده دخی نیقوله خانه سنی قوما ر محلی اوله رق اتخاذ ایله قوما ر اویناندینی حقنده محکمه مذکوردهک استناد ایلدیکی دلائل و اخباراته نظراً جرمک عدم ثبوتندن بحکله وقوعبولان اعتراضات محکمنک اعتراضدن مصون اولان تقدیراته تعلق اعتباریه و جرمک شرائط ترکیبه قانونیه سی اشبو مسئلهده موجود بولنسی جهته مرقوم نیقولی طرفندن معطی لایحه مندرجاتی غیر وارد اولدینندن مرقومه عائد استدعاییه ردی و دیگر مظنون ادهم افندی یدنده امانت بولان پارهی صاحبنه اعطا ایتیه رک غیر مشروع برحکله صرفله صاحبی اضرار قصدیه استهلاک ایلش اولسنه کوره امنیتیه سوء استعمال جرمک اوصافی موجود اولدینی و بو قبیل دعاوبنک اقامه و تعقیبی هر حالده متضررک استدعای شخصیه متوقف اولدینی حقنده امر قانونی موجود بولنمادینی جهته غیرقانونی اسباب درمیانیله مومی الیهکده عدم مسئولیتیه قرار ویرلمسی یولسز و قانونه مغایر و مدعی عمومینک لایحه تمیزیه سی مندرجاتی بجای و وارد ایدوکی بیانیله اعلام مذکورک نقضی لزومی کوسترلمشدر .

ایجابی لدی المذاکره مندرجات اعلامدن استنباط اولدینی اوزره محکمه استینافیه جه اعلام ابتدائینک مستدعی نیقولی به عائد فقره سنک نواقص اصولیه دن طولانی فسخنی متعاقب جریان ایدن تدقیقات انساننده افاده لرینه مراجعت اولنان حقوق عمومیه شاهدلرینک وقوعبولان اخباراتی و اصول سائر دلالتیه مزبور نیقوله نك خانه سنی خلقی دعوت ایدرک قوما ر اویناندینی مرتبه ثبوتیه واصل اولمندن ناشی تحدید جزایی یولنده اتخاذ قرار اولنمش و محاکم اخبارات و دلائل موجوده نك تعیین درجه حکم و قوتی اساسیه مستنداً وقوعبولان و تعرضدن مصون اولان تقدیراته قارشو لایحه تمیزیهده سرد و بیان اولنان اعتراضات غیروارد کورونمش ایدوکنندن اعتراضات واقعیه نك ردیله اعلام استینافینک تحقیقات حاضره نتایجیه و اصول و قانونیه

موافق اولان بو بابده کی فقره حکمیه سنک تصدیقنه و مظنون دیگر ادهم افندی به عائد قرار استینافی به کلنجه بوکی امنیتیه سوء استعماله متعلق افعال جرمیه دن طولانی تعقیبات قانونیه اجرایی ادعای شخصی وقوعنه متوقف اوله رق مسئله حاضرده ایسه شخص متضرر طرفندن شکایتیه اعطاسی صورتیه دعوی شخصی اقامه ایدلمش اولدینی جهته مدعی عمومینک مقامنک لایحه سنده عکسی صورتی متضمن سرد و بیان اولنان اعتراضات اسباب نقضیه تشکیل ایدمه یوب آنحق محکمه استینافیه جه حکم ابتدائی ادعای شخصی موجود اولماسی نقطه سندن فسخ ایدلمش اولسنه نظراً بو یولده طلب و مراجعت وقوعنه تعلیق تعقیبات صورتیه اتخاذ قرار اولنق ایجاب ایدرکن محاکمات استینافیه نك عدم مسئولیت قراریه نتیجه لندیرلمسی اسباب موجبیه سیله قابل توفیق اولمایوب بوده مستلزم نقض اسبابدن کورنمش ایدوکنندن اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری منظومیه اعلام استینافینک یالکیز مظنون مومی الیه ادهم افندی حقنده کی فقره حکمیه سنک سبب مذکوردهن طولانی نقضیه احکام قانونیه دائره سنده ایفای معامله اولنق اوزره اوراق متعلقه سنک محکمه مذکورده اعاده سنه و ایکی یوز غروش اعلام خرجنک تعرفه و تعلیمات مخصوصه سنه توفیقاً ایلروده حقسز جیه جق طرفندن و یوز غروش تصدیق اعلام خرجنک دخی مستدعی تمیز نیقوله دن اخذینه ۲۳ اغستوس سنه ۳۲۶ تاریخنده متفقاً قرار ویرلدی .

محکمه تمیز استدعا دائره سندن صادر اولان ۴ ایلول سنه ۳۲۶ تاریخلی ۱۷۲۶ نومرولی اعلام صورتیدر :

۱ — اعلام استینافینک مدعی عمومینک مقامندن تشهیر سلاح فعلنک تشبث درجه سنده قالدیننه دائر وقوع بولان ادعائک ردینه متدائر جهتی تمیز ایدلمش اولوب درجه ثانییهده اجرا قلنان تدقیقات نتیجه سنده مظنونک قاسنی تماماً قینندن چیقارمق صورتیه تشهیر سلاح فعلنه جرائی مرتبه ثبوتیه واصل اولسلیله تشبث درجه سنده قالدیننه دائر اولان ادعائک ردی حقنده ویریلان قرار موافق قانون بولنمش اولدینندن بوبابده وقوع بولان اعتراضاتک ردینه قرار ویرلدیکنه دائر .

سالنیک ولایتی استیناف محکمه سی جنجهده دائره سندن تنظیم واعطا قلنان ۱ تموز سنه ۳۲۶ تاریخ و اوچیوز طقسان الی نومرولی اعلامک تمیزاً تدقیق طلبی جاری محکمه مذکورده مدعی عمومینکی جانبندن معطی استدعاییه اوران متفرعه سیله برلکده باش مدعی عمومینک مأموریت به سندن با تبلیغنامه ۵ اغستوس سنه ۳۲۶ تاریخنده محکمه تمیز استدعا دائره سنه تودیع ایدلمسکله ولدی التدقیق مذکور استدعاییه نك مدت معینه قانونیه سی ظرفنده اعطا قالدیننی آ کلاشلغمغله بالقبول تدقیقات تمیزیه اجراسنه ایتدار ایدلدی .

اعلام مذکورک خلاصه مالی پولیس مأموری حسن تحسین افندی به اجرای وظیفه حالنده تشهیر سلاح

ايدليكي ادعاسيله مظنون عليه اولان عربجي مراد بن عبدنيك اجراقانان محاكمهسي نتيجهسنده فغل مذكوره جرائي اولبايدهكي شهود مستمعنهك شهادتيله ثابت اولديغندن بحثله قانون جزانك يوز اون اوچنجي مادهسي حكمنه توفيقاً التي ماه حبسنه دائر لاحق اولان حكم ابتدائي اعلامي محكوم مرقوم جانبندن استيناف ايدلمسي اوزرينه حكم ابتدائيك فسجيله سبق ايدن محاكمه نتيجهسنده مرقوم مرادك تشهير سلاحه جرائي ثابت ايسده بونك اجرائي مأموريت خالنده وقوعي اكلاشيله ماديئي بيانيله تشهير سلاحه تشبث درجهسنده قالديني حقندهكي ادعانك رديله مرقومك قانون جزانك يوزيتمش طقوزنجي مادهسك ذيلي موجبجه اوچماه حبسنه قرار ویرلدیكنی متضمندر .

لايحه تمیزیهده مظنون مرادك سائقه عشرتله دوکونده برال روولور انداخت ایتسی اوزرينه مأمورین ضابطه طرفندن در دستيله قره غوله سوق ایدیلورکن اثنای راهده مرقومك ارقه طرفده بلنده بولان قیای قینندن چیقاردینی انده پاسیا رجب وژاندارمه رامن طرفلرندن اخذ ایدلیکی مرقومان جانبندن بیان ایدیلوب عندالحا که وقوعبولان استیضاح اوزرينه پولیس تحسین افندیك اوکده اولق حسیبيله قنانك چیقارلمسي مومی اليه قارشو اولمسي لازم کله چکنی درمیان ایتش ايسده قنانك هنوز قینندن چیقارلمسي متعاقب در دست ایدلمسه نظراً قنانك موجود کساندن هانکیسینه قارشو تشهير ایديله چکی تحقق ایدمهديکی کبی تسلیم ایتك اوزره چیقارلمسي دخی محتمل بولنش و محکمه جه تطبیق ایدیلان ماده قانونیهده اخافه قصدی شرط قلندیئی خالده تشهیردن خبردار اولمیان کیمسهده اخافه موجود اوله میه جنی امرطییبی و مظنونك یا لکز قیای قینندن چیقارلمسي برجرم ایقاعنه تشبث و تصدی دیمك اولوب تشهير سلاحه تشبث فعلی قانون تجزیه ایتدیکی خالده مظنون مرقومك محکومیتی جهته کیدلمسي یرلنر و مغایر قانون اولدیغندن بحثله اعلام استینافی مذکورك نقضی طلب ایدلیکی کبی تبلیغنامهده دخی مظنون علیه قناسی قینندن تماماً چیقاردینی هجوم ایدمه چکی براننده لندن اندینی اعلام محتویانندن اكلاشلمقهده بولندینی جهته کیفیت تشهيرك مستلزم مجازات اولمقله تشبث خالنده قالدینی تضمن ایدن لایحه مندرجاتی غیروارد و اعلام مذکور اسباب موجبیه مستند ایدوکی بیانيله ذکر اولنان تمیز استدعاهسك بوسیدن ناسی ردی لزومی مرقم بولنشدر .

ایجابی لدی المذاکره محلی مدعی عمومیسك بالاده بیان و حکایه قنانان لایحه اعتراضیهسي مندرجاتنه نظراً اعلام استینافینک تمیز اولنان جهتی مظنون مرادك مرتبه ثبوتد کوریلان تشهير سلاح فعلی تشبث درجهسنده قالمش ایکن شویولده وقوعبولان ادعانك ردینه متدائر بولان فقره حکمیسهسي اولوب بوباده استینافاً درمیان اولان اعتراضات تمیزاً دخی تکرار ایدلمکده بولنش ايسده مندرجات اعلامدن استنباط اولندیئی وجهله محکمه استینافیه جه نواقص اصولیه دن طولای حکم ابتدائيك فسخی متعاقب درجه ثانییهده اجرا قلنان تدقیقات اثناسنده جلب واستماع اولنان حقوق عمومیه شهودینک تفصیلاتی اعلامده محکی افادات واقعهسینه

نظراً مظنون مرقومك پولیس حسن تحسین افندی به قارشو بلنده بولنان قناسی تماماً قینندن چیقارمق صورتيله تشهير سلاح فملنه جرائی مرتبه ثبوته واصل اولمسيله فعل مذکورك تشبث درجهسنده قالدیغه دائر اولان ادعانك ردی حقندهکی قرار بولنده و اخبارات واقعه ايله تحقیقات جاریه نتایجنه موافق صورتده بولنش اولدیغندن اعتراضات مسرودهنك رديله اعلام استینافینک یا لکز تمیزی طلب اولنان سالف الذکر فقره حکمیسهسك تصدیقه ۲۱ اغستوس سنه ۳۲۶ تاریخنده متفقاً قرار ویرلدی .

محكمة تمیز حقون در ربه قیای

محکمه تمیز حقون دائرهسندن صادر اولان ۱۰ نیسان سنه ۳۲۷ تاریخلی و ۳۱۹ نومرولی اعلام صورتیدر :

۱ — لوا مرکزی بولنان هر قضانك بدایت محکمهسي او قضاده وقوع بولان دعوالری بدایت ولویه مربوط دیگر قضا محکمه لرینک قابل استیناف اعلاملرینی استینافاً رؤیت ایدمه چکی تشکیل محاکم قانوننده مصرح اولسنه کوره مرسین تجارت محکمهسندن صادر اولان اعلامك استینافاً مرجع رؤیتی اطننه تجارت محکمهسي ایکن محکمه مذکورجه رؤیت دعوی وظفه خارجنده اولدیغندن بحثله استدعانك ردینه قرار ویرلای نقض حکمی مستلزمدر .

صور اهالیسندن اولوب موقتاً مرسینده مقیمان تجاردن عبدالغنی نغناعه ايله مصالح عاقل افسندی بیننده منکون دعوايه دائر اطننه تجارت محکمهسندن استیناف صفی و ۵ کانون اول سنه ۳۲۶ تاریخلی و اوچوز آلتش آلی عددی ايله ویریلان اعلام مومی اليه عبدالغنی نغناعه افندی طرفندن تمیز ایدلمش واوراق تمیزیه صورتلری محلنجه دیگر طرفه تبلیغ اولندیئی خالده جواب لایحهسي ویرلماش اولمقله یا لکز مستدعی تمیزك اعتراض لایحهسيله بالمطالعہ تدقیقات تمیزیه اجراسنه ابتدار اولندی .

اعلام مذکورك خلاصه مندرجاتی مومی اليه مصالح عاقل افندی ايله عبدالغنی بیننده متحدث گور مبايعهسي دعواسندن دولایي مرسین تجارت محکمهسندن صادر اولان اعلام غیابی حکمنه عدم قناعتله مرقوم عبدالغنی طرفندن استیناف دعواسی اقامه ایدلمسي اوزرينه مدعی عمومی حضوريله جریان ایدن محاکمه و تدقیقات استینافیه نتيجهسنده ۷ شباط سنه ۳۲۴ تاریخيله تصحیحاً تعمیم قلوب ۱۱ شباط سنه ۳۲۴ تاریخنده محکمهيه ورود ایدن امر تلغرافی نظارتیناهی موجبجه مرکز ولایت استیناف حقوق محکمه لرینک با اراده پادشاهی طشره محاکم تجارتی ایچون مرجع استیناف اتخاذ قلمش وشو خالده امر مذکورده برکونا مهمیت موجود اولدیئی کبی اراده پادشاهی به اقتران ایدن مقرراتك قانون حکم وقوتی حائر بولندیغه واستیناف

استدعاسنك ۱۴ مارت سنه ۳۲۵ تاريخن مؤخرو ویرلديكي عندالتدقيق آكلاشلايدغنه مبنی اولوجهله مرجعك غیریسنه ویرلش اولان استیناف استدعاسنك وظیفه نقطه سندن ردینه حکمدن ومستدعی تمیزك اشبو حکم علیهنده لایحه سنده محرر خلاصه اعتراضاتی امر تلغرافینك ماقبلنه شمولی اوله میه جفی کبی جریده عدلیه نك یکریمی اوچنجی نومروس سنده مندرج ۲۵ ایلول سنه ۳۲۶ تاریخلی اعلامده قضا بدایت محکمه سندن تجارت صفتیه ویرلوب اون بیک غروش ویاخود دها زیاده قیمت اوزرینه تکیون ایدن دعاوینك مرجع استینافی اوقضاتك مربوط اولدینی لوا بدایت محکمه سیله مرکز ولایت تجارت محکمه سی اولوب تجارت محکمه سی لغو ایدیلان ولایتلرده استیناف حقوق محکمه سی اولدیغنه دائر ویریلان صراحت نظراعتبارده آنقسنزین بروجه محرووظیفه نقطه سندن استیناف استدعاسنك ردینه قرار ویرلمسی یولسزومغایر قانون اولدیغندن بجه اعلامك نقضی استدعاسندن و آلف الیمان مطالعه نامه مفادی دخی عندالحاکمه درمیان ولتان وظیفه اعتراضی اوزرینه محکمه مذکوره جه اتخاذ اولتان قرار اسباب موجب قانونیه مستند واصوله موافق وتمیز لایحه سنده درمیان اولتان اعتراضات غیروارد کورلمکله مذکور اعلامك تصدیقی طلبندن عبارتدر .

ایجابی مذاکره اولندقدده خصوص مدعا برمنوال محرر بالرؤیه اعلامه ربط اولمش ایسه ده ولایات تشکیلات عدلیه سنجه اجرا اولسان تعدیلاتی حاوی اولان قانونك اوچنجی ماده سنده مرکز ولایت ولوا تجارت محکمه لرینك مرجع استینافی بولندینی دائره نك استیناف حقوق محکمه سی بولندینی مصرح اولوب قضا بدایت محکمه لرندن تجارت صفتی ایل ویریلان حکم وقرارلرک مرجع استینافی حقنده ماده معدله ده برکونه صراحت اولماسنه وتشکیل محاکم قانونك یکریمی اوچنجی ماده سنده لوا مرکزی بولتان هر قضاتك بدایت محکمه سی سکر واون برواون اوچنجی ماده لرده محرر اولدینی اوزره اوقضاده وقوعبولان دوالری بدایت وسنجاغنه مربوط دیگر قضا محکمه لرینك قابل استیناف اعلاملرینی استینافاً رؤیت ایده چکی مصرح اولسنه کوره دعاوی واقع نك استینافاً مرجع رؤیتی مذکور آظنه تجارت محکمه سی یکن محکمه مذکوره جه خلاف قانون اوله رق اولباده کی استیناف استدعاسنك ردینه قرار ویرلمسی یولسزومغایر قانون اولدیغنه بنسأ اصول محاکمه حقوقیه قانونك ایکی یوز اوتوز ایکنجی ماده سی موجب سنجه اعلام مذکورك نقضیه قانون مزبورك ایکی یوز قرق دردنجی ماده سی حکمنه توفیقاً کیفیتك رؤیت وتدقیقی ضمنتده عائد اولدینی آظنه مرکز تجارت محکمه سنه اعاده سنه وزیرده مفرداتی مرقم اولوب اولجه مستدعی تمیز طرفندن ویریلان غروش بو کره طرفندن اعطا قلتان غروش که جمأ غروش مصارف تمیزی نك ایلروده حقسنز حقیقه جق طرفه عائد اولسنه ۱۰ نیسان سنه ۳۲۷ تاریخنده متفقاً قرار ویرلدی .

محکمه تمیز حقوق دائره سندن صادر اولان ۸ مایس سنه ۳۲۷ تاریخلی و ۲۹۹ نومرولی اعلام صورتیدر :

۱ - اصول محاکمه حقوقیه موجب سنجه مرور زمان دعاوی علی الاطلاق قابل استیناف اولدیغندن استیناف محکمه سنجه رؤیت ایدلمسی لازم کلودر ایکن اساسی قابل استیناف اولان دعاوی به متعاق مرور زمان قرارلری قابل استیناف بولندیغنه مبنی بشدیک غروشدن دون بولتان دعاوی حقنده اتخاذ اولتان مرور زمان قرارینك قابل استیناف اولمادیغنی بیانیله رد دعاویه قرار ویرلمسی مستلزم نقضدر .

امیت صندوقی ایله سلیمانیه ده خواجه حمزه محل سنده اون نومرولی خانه ده مقیم عدلیه نظارت جلیله سی لوازم مدیر سابق حلمی افندی بیننده متکیون دعاویه دائر درسعدت استیناف محکمه سی حقوق قسم سندن ۲۰ شباط سنه ۳۲۶ تاریخلی و اوچیوز الی یدی عددی ایل ویریلان اعلام صندوق مذکور دیگر طرفندن تمیز اولمغله باش مدعی عمومیلک مأموریت علیهنك مطالعه نامه سی الندقدن صکره اعلام مذکور طرفینك اعتراض وجواب لایحه لرله برابر بالمطالعه تدقیقات تمیزی به اجرا سنه ابته دار اولندی .

اعلام تمیز بهك خلاصه مآله کوره مذکور صندوق وکیلی رائف افندی درسعات بدایت محکمه سی برنجی حقوق دائره سنه باعرضحال مراجعتله حلمی افندیك امیت صندوقین باسند استقراض ایلدیکی اوچیک غروشی تسویه دن امتناع ایلکده اولدیغندن مبلغ مذکورك صندوق نظامنامه سنه توفیقاً حساب اولنه جق فائضیه برابر تحصیلنی ومدعی علیهنك چقور خنده ترهین ایلدیکی بر اوطه کدکی مقابلنده ۱۳ اغستوس سنه ۳۰۳ تاریخندن اعتباراً برسنه مدته اخذ ایتدیکی مذکور اوچیک غروشی تسویه ایتامش و مرهوندن استیفای مطلوب قابل اوله مامش اولدیغندن سیغورطیه ویریلان الی یوزیتش برغروشله برلکده تحصیلنی علاوه بیان وادعا ومذکور سندی ابراز واعطا ومدعی علیه حلمی افندی دخی مبرز سند تاریخنه نظراً دعوی مرور زمان حدینه بالغ اولدیغندن عدم استماعی لازم کله جکنی مدافعه انبا ومدعی صندوق وکیلی دخی ۱۶ مایس سنه ۳۱۷ تاریخنده ومدعی علیه کوندر بلان اخبار نامه یی قبول ایتدیکی و مرهون حقنده ۲۳ مایس سنه ۳۱۱ تاریخنده مزایده دوام ایتدیکی جهتله دعاوی واقعده مرور زمان اولمادیغنی افاده ایتیمی اوزرینه جریان ایدن محاکمه وتدقیقات نتیجه سنده فی الحقیقه تاریخ مداینه اولان ۱۳ اغستوس سنه ۳۰۳ تاریخندن دعوانك اقامه اولندیغنی اشبو تاریخه قدر ارادن یکریمی ایکی سنه یی متجاوز زمان مرور ایتش وبوجهتله خصوص مدعا مرور زمانه تابع اوله رق مجله نك بیک الی یوز التمشجی ماده سی موجب سنجه غیر مسموع بولمش اولدیغندن مدعینك اولباده کی استدعاسنك ردینه دائر محکمه مذکوره دن ویریلان اعلام علیهنده صندوق مذکور وکیلی طرفندن استیناف دعاویه قیام ایدلمش ایسه ده برمنوال محرر ذات دعوی اوچیک غروشك تحصیل طلبندن عبارت اولسنه ومحاکم ابتدائیهدن آنجی بشدیک غروش ودها

زیاده مبلغ حقنده تکون ایدن دعاوی به دائر ویریلان حکملاک قابل استیناف اولدینی اصول محاکمه نیک یوز یتیش برنجی ماده سنده محرر اولسنه کوره آنجق اساسی قابل استیناف اولان دعاوی به متعلق ویریلان مرور زمان قرارلری اصول مذکورک یوز یتیش طقوزنجی ماده سی موجبنه قابل استیناف اولق لازم کله چکنه ومدعابه ایسه اوجیک غروشدن عبارت اولوب اساساً قابل استیناف اولمامسنه منی مستأنفک اولبابده کی استیناف عرضحالک ردینه حکم اولدینی آکلاشلمشد .

مستدعی تمیز صندوق وکیلک بوکا قارشو لایحه سنده محرر اعتراضاتک خلاصه سی استیناف محکمه سنه کتوریلان نقطه مدعابه اوجیک غروش اولوب اعلامک حاوی اولدینی مرور زمان قرارلری اولدینی وشو صورتله آرتق اساسک نظر اعتباره آلتامسی احکام قانونیه اقتضاسندن بولندینی حالده استیناف محکمه سنجه بورسی نظر اعتباره آلتامسزین برمنوال محرر استدعایه قرار ویرلمسی یولسز ومغایر قانون اولدیغندن بحالده اعلامک نقضی وجواب لایحه مؤداسی دخی اعتراضات مسروده نک غروارد اولقله اعلامک تصدیق استدعاسندن و آتق البیان مطالعه نامه مألیده مقررات ابتدائیه نک مدعابه مبالغت مقداری نظره آلتامسزین علی الاطلاق قابل استیناف اولدینی حقنده تمیز لایحه سنده بیان ایدیلان اعتراض وارد کورلدیکندن مذکور اعلامک نقضی لازم کله چکی بیانندن عبارتدر .

ایجابی مذاکره اولندقدده اعلام مذکور مألندن منفهم اولدینی اوزره دعاوی واقعه مرور زمانه متعلق اولدیغنه واصل محاکمه حقوقیه قانوننک یوز یتیش طقوزنجی ماده سنده مرور زمان دعواسی قابل استیناف بولندینی صورت مطلقده مذکور اولوب بونک قابل استیناف دعاوی ضمتنده اتخاذاولان مرور زمان دعواسی ایدوکی حقنده هیچ برقید قانونی بولندیغنه ومطلق اولان حکمک اطلاقی اوزره جاری اولسی قواعدعمومیه ایجاباتندن بولندیغنه کوره دعاوی مذکوره قابل استیناف دعاویدن اولقله استیناف محکمه سنجه رؤیت ایدلمسی لازم کلور ایکن قابل استیناف اولدینی بیانیه رد دعاویه قرار ویرلمسی یولسز ومغایر قانون اولدیغندن اصول محاکمه حقوقیه قانوننک ایکی یوز اوتوز ایکسجی ماده سی موجبنه اعلام مذکورک تفضیل قانون مذکورک ایکی یوز قرق دردنجی ماده سنک فقره ثانیه سی حکمنه توفیقاً کیفیتک محکمه استینافیه جه یکیدن بالرؤیه اعلامه ربطی ضمتنده قسم مذکوره اعاده سنه وزیرده مفرقاتی مرقم اولوب اول و آخر مستدعی تمیز امنیت صندوقی وکیلی طرفندن ویریلان اوجیوز سکسان آلتی بچق غروشه مع بول جواب لایحه سی قیدیسی اوله رق بمنز علیه طرفندن اعطا قلنان یدی غروشکه جمعاً اوجیوز طقسان اوج بچق غروش مصارف تمیزیه نک ایلروده حقسنز چیه جق طرفه عائد اولسنه ۸ مایس سنه ۳۲۷ تاریخنده متفقاً قرار ویرلدی .

محکمه تمیز حقوق دائره سندن صادر اولان ۳ شباط سنه ۳۲۶ تاریخی و ۳۱۵۷ نومرولی اعلام صورتیدر :

۱ — مفلس حقنده آیری آیری محکمه لردن افلاس قرارلری ویرلمش وهرایکی محکمه دن مستقل اوله رق سندیکر تعیین ایدلمش بولندیغنه کوره بر محکمه دن انتخاب ایدیلان سندیکر دیکر محکمه ده کی افلاس معامله سندن طولانی اتخاذ ایدیلان مقرراته قارشو اعتراض الغیر ایتک حق اولدینی حالده محکمه جه کیفیت بر محکمه دن تعیین و انتخاب ایدیلان سندیکره قیاس ایدیله رک خصوصتک عدم توجه نه قرار ویرلمسی نقض حکمی مستلزمده .

بغدادک قریه پاشا محله سنده مقیم محمد رفعت افندی وکیلی اسکندر بن مسیح افندی ایله بغدادک ال بویاجیلر محله سنده ساکن مفلس حاجی سلیمان بن ملاقدو واوغلی داود ماصه سی سندیکلری بغدادده مقیمان جعفر چلی وکیروب استپان افندی یئنده متکون دعاویه دائر بغداد استیناف محکمه سندن ۱ ایلول سنه ۳۲۶ تاریخی واون یدی عددیله ویریلان اعلام مومی الیه محمد رفعت افندی وکیلی اسکندر افندی طرفندن مدت قانونیه ظرفنده تمیز ایدلمکله باش مدعی عمومیلک مأموریت علیه سنک مطالعه مامه سی آلتدقدنصکره اعلام مذکور طرفینک اعتراض وجواب لایحه لریله برابر بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مائی مومی الیه رفعت افندی وکیلی اسکندر افندی موصک باب آلتی محله سی اهالیسندن اولوب موقتاً بغدادده اقامت ایدن حاجی سلیمانک بغداد وموصل تجارت محکمه لرنبجه افلاسنه قرار ویرلمش ایسه ده مفلس مرقومک مصالح افلاسیه سنک رؤیتی ضمتنده موکلی موصل تجارت محکمه سنده سندیک تعیین اولندقدن صکره مرقوم حاجی سلیمانک بغداد تجارت محکمه سنجه دخی افلاسنه قرار ویرلمش و طالبوکه محکمه مذکوره دن افلاس قرارلری ویرلدیکی تاریخده مرقوم حال افلاسنه اولوب بناء علیه بر مفلس سرتنده ایکی دفعه افلاس قرارلری ایسه غیر جائز بولندیغندن ومفلس مرقومک اقامتکاهی ایسه موصل اولدیغندن بحالده ماسه نک موصله تقلیه معاملات افلاسیه نک اوراجه رؤیتی بغداد تجارت محکمه سنده بالمراجعه اعتراض الغیر طریقله طلب ودعوی واوراق دعوانک اولجه افلاس قرارلری ویرن موصل تجارت محکمه سنه لزوم ارسالی آمرعدلیه نظارت جلیله سنک برقطعه تحریراتی اولدیغنی بیان وافاده ایتسنه قارشو مدعی علیهما جعفر چلی وکیروب افندی دخی مفلس مرقومک اقامتکاهی بغداد اولقله برابر مرقومک موصلده مصطفی چلییدن ماعدا کیسه سیه دخی اولدیغندن ومنزبور مصطفی چلینک ده مفلس مرقومک شریکی اولوب مرقومک افلاسنه تشبیه کندی نفسنی افلاسن قورتارمق دیمک اولدیغندن و طالبوکه مفلس سلیمانک اموالنک موصله نقلی معامله سی ایسه بغدادده کی داینلرک استیفای حقندن محرومیتی موجب اولدینی کی بر محکمه دن ویریلان وحکمی تنفیذ ایدیلان برقرارک مافوقی محکمه سنجه فسخ ونقض ایدلمکجه مرعی اوله جنی احکام قانونیه اقتضاسندن بولندیغندن ونظارتک بوابده کی تبلیغاتی ایسه حکم قانونی تغییر ایدمه جه کندن و اخیراً وارد اولان امرتلفرافی ده معاملات

افلاسيه به دوام ايله بوندن متضرر اولانلرك طرق قانونيه به مراجعت ايتىي يولنده اولارق اساساً مغازه موجوديله دايىنلرك اكثرى بغدادده بولنديغندن ماسهك موصله نقلى مخالف قانون اولديغنى واعتراض الغير استدعاسنك دخى مدت قانونيه سى ظرفنده ورمليديكندن ردينى مدافعة بيان وتذكار ايلملى اوزرينه اجرا قلنان محاكمه وتديققات نتيجه سنده اعتراض الغير استدعاسنك شايد قبول اوله بيلمك ايجون معتضك ماده متضرر اولمى ايجاب ايدى جكنندن قانون تجارتك ايكى ز سكسان التيجى وايكوز سكسان يدنجى اصول محاكمه حقوقيه قانونك يوز آلتش برنجى ماده لرى موجبجه اعتراض الغير دعواسنك ردينه وماسهك موصله نقلى مسئله سنك كنججه هر قدر عدليه نظارت جليله سنك ۱۷ شربن اول اول سنه ۳۲۵ تاريخلى تحرير اتي ماسهك موصله نقلى جهتي آمر ايسه ده مفلس مرقومك مركز تجارت ومعاملاتى بغداد اولوب دايىنلرك اكثرى ده بغدادده اولمسنه موصله يالكز برداين بولمسنه كوره الف الذكر نظارت مشار ليهانك اولابده كي امرى حكم قانونى تغيير ايدى ميه جكنه واخيراً وارد اولان نظارتك امر تلغرافيسيده قرار محكمه دائره سنده معاملات افلاسيه به دوام ايله بولابده متضرر اولانلرك طرق قانونيه به مراجعت ايتىي يولنده اولقله ماسه معاملاتك كاكان بغداد تجارت محكمه سنججه تعيين اولنان سنديكلر معرفتيه رؤيت ايدلمسنه دائر ورييلان اعلامك عند الاستيفان اسباب قانونيه به بناء فسحيله جريان ايدن محاكمه وتديققات استيفان نتيجه سنده اعتراض الغير دعواسى شخص ثالثه مخصوص اولوب بر مفلسك سنديكلرى تعدد ايتسه بيله احدها آخرك مقامنه قائم و جمله سى شخص واح حكمنده اولملى رينه بناء اصول محاكمه حقوقيه قانونك يوز آلتش برنجى ماده سى حكمسنه توفيقاً مستأنف مومى اليه سنديك رفعت افنديك سالف الذكر اعتراض الغير دعواسنك ردينه حكمسندن واشبو حكم عليهنده مستدعى تميزك لايحه سنده مندرج خلاصه اعتراضاتى مفلس مرقومك افلاسنه دائر موصل تجارت محكمه سندن صادر اولان قرار بغداد تجارت محكمه سنك قرارندن مقدم اولديغى كبي مفلس مرقومك اقامتگاه اصليسى دخى موصل بولنديغى و بناء عليه معاملات افلاسيه سنك موصل محكمه سنججه تعيين اولنان سنديكلر معرفتيه اجراسى مقتضى اولديغى حالده معاملات مذ كورهك بغدادده رؤيته قرار ورملى وكندوسى موصل تجارت محكمه سندن ومومى اليهما جعفر چلبى وكوروب افندى بغداد تجارت محكمه سندن سنديك تعيين ايديلهرك شخص واحد حكمنده عد ايديله ميه جكلرى بيدار ايكن محكمه به سالف الذكر سنديكلرك شخص واحد حكمنده طوتيله رق كندوسنك اعتراض الغير دعواسنك ردينه قرار ورملى مغاير قانون اولديغندن بختله اعلامك نقضى استدعاسندن ولايحه جوابيه مؤداسى سرد اولنان اعتراضاتك واهى وبن اساس اولديغى بيانيله ردى وموافق اصول وقانون اولان اعلام مذ كورك تصديق طلبندن وآلف البيان مطالعه نامه مفادى دخى لايحه تميزيده درميان اولنان اعتراضاتك وارد وبجا اولمديغى بيانندن عبارتدره.

ايجابى مذا كره اولنديقه خصوص مدعا بر منوال محرر حكم واعلامه ربط اولمى ايسه ده مفلس مرقوم حقنده آرى آرى محكمه لردن افلاس قرارى ورملى وهر ايكى محكمه دن مستهل اوله رق سنديكلر تعيين ايلمش بولنديغنه كوره موصله انتخاب ايديلان سنديكلر بغداد محكمه سنده جريان ايدن افلاس معامله سندن دلايلى آلتش ايديلان مقررته قارشو اعتراض الغير ايتك حق آشكار اولديغى حالده محكمه به كيفيت بر محكمه دن آيين و انتخاب ايديلان سنديكلره قياس ايديلهرك بوجه محرر خصوصتك عدم توجهنه قرار ورملى بولمى ومغاير قانون اولديغندن اصول محاكمه حقوقيه قانونك ايكى يوز اوتوز ايكنجى ماده سى موجبجه اعلام مذ كورك نقضيله قانون مذ كورك ايكى يوز قرق درنجى ماده سى حكمنه توفيقاً كيفيتك بالرؤيه اعلامه ربطى ضمنتده محكمه مذ كوره به اعاده سنده وزيرده مفرداتى مرقم اولوب اول و آخر مستدعى تميز طرفندن ورييلان درت يوز سكسان سكز غروشه مع بول جواب لايحه سى قيديه سى اولمق اوزره تميز عليهما طرفلرندن ورييلان يدى غروشه جمعا درت يوز طقسان بش غروش مصارف تميزيه نك ايلروده حقسنر چيقه حق طرفه عائد اولمسنه ۳ شباط سنه ۳۲۶ تاريخنده متفقاً قرار ورملى.

محكمه تميز حقوق دائره سندن صادر اولان ۲۰ نيسان سنه ۳۲۷ تاريخلى ۱۷ نومرولى اعلام صورتيدر:

- ۱ مختلف قطمانده كي اراضى مختلف الجنس اولديغندن متقاسمين راضى اولمقلى حالده قسمت جمع ايله تقسيم اولمق غير جائز وتلارك هر بر قطعه سى قسمت فرد ايله تقسيم اولمق مقتضى اولديغى حالده متقاسمينك رضالرى اولديغى كوسترلىكسزين قسمت جمع ايله تقسيم اولمى موجب نقضدر.

برله قصبه سنك آق مسجد محله سنده مقيمه متوفى ابراهيم آغا ورثه سندن كريمه سى پنه خانم ايله ديكر كريمه سى چارشو محله سنده ساكنه ام كلثوم خانم واوغلارى خليل وحافظ عيسى وديكر اوغلى متوفى راشد آتاك ورثه سندن مخدوملرى على افندى وامين ومصطفى وكريمه لرى شقيقه وعصمت خانم بيننده متحدث دعوايه دائر برله قضاسى بدايت محكمه سندن ۲۵ ايلول سنه ۳۲۶ تاريخى ويوز بكرمى اوچ عدليه ورييلوب مزبورون پنه خانم طرفنده تميز ايديلان اعلام يالكز مبرزه مرقومك اعتراض لايحه سيله بالمطالعه تدقيقات تميزه اجراسنه ابتدار قلندى.

اعلام مذ كورك خلاصه ماله كوره مزبوره ام كلثوم خانم باعرتحال محكمه مذ كوره به مراجعتله كندوسيله مزبوره پنه خانم وورثه مرقومهك پدر وجدلرى متوفى مرقوم ابراهيم آغادن انتقالاً متصرف اولمقلى اشتريوز وسلحه قريب وطروسقو ويلو پوله قريه لرنده ومواقع مختلفه ده كاكن معلوم الحدود والقطعات اراضى

واملاك قضاء اجراء تقسيم وافرازيله حصه مصيده سنك كندوسنه تسليمي حقنده اقامه ايلديكي دعوانك مدعي عمومي وطابو مأموري حضوريله اولاً غيابة واعتراض على الحكم اوزرينه وجاهاً جريان ايدن محاكمه وتديقاني نتيجه سنده محال منازع فيباه اعزام قلنان اهل وقوف طرفندن معطي تقريرده مدعيه مزبوره ام كلثوم خانم حصه سنده بلوپوله قريه سي سنورنده اون آلتى قطعه ده اوتوز يدى دونم براولك و خليل آقا حصه سنده اون آلتى قطعه ده اوتوز يدى دونم وينه خانم حصه سنده اون آلتى قطعه ده كذا اوتوز يدى دونم وحافظ عيسى حصه سنده اون يدى قطعه ده اوتوز يدى دونم وعلى ومصطفى وامين وشفيقه وعصمت خانم حصه لرينه مشاعاً اون يدى قطعه ده اوتوز آلتى دونم اوج اولك وكذا اشتريوز قريه سنده اوتوز برقطعه ده يتمش طقوز دونم ايكي اولك مزبوره ام كلثوم خانم حصه سنده و اوتوز برقطعه ده سكسان بر دونم خليل آقا حصه سنده و اوتوز ايكي قطعه ده يتمش يدى دونم ايكي اولك حافظ عيسى حصه سنده اوتوز برقطعه ده يتمش آلتى دونم ايكي اولك پنبه خانم حصه سنده و اوتوز برقطعه ده يتمش طقوز دونم ايكي اولك مرقومون على ومصطفى وامين وشفيقه وعصمت خانم حصه لرينه قسمت عادله ايله افراز وتقسيم ايلديكي كوسترلمش اولسنة مبنى مجله نك بيك يوز آلتش ايكنجى ماده سي موجبجه هر برى حصه مفرزه لرنده مستقلاً تصرف ايتك اوزره ناملرينه طاوسندى اعطاسنه ومدعيه نك حصه ميعه سنده وقوع بولان مداخله نك منعه حكم ايلديكي آكلاشلمشدر .

ميزه مرقومه پنبه خانم طرفندن اعطا قلنان لايحه تميزيه ده منازع فيه عقار و اراضيدن اراضينك اولديني محله كيدلمكسزين كيزلى بر صورتده بايبلان تقسيم دفترينك محكمه جه معتبر طوئلى بولسز ومغاير قانون اولديني كبي عقارك دخى معينه ايديلوب ايلديكي كوسترليه رك مسكوت عنه براقيلمش وبوصورتله عقار و اراضى مذكوره نك امر تقسيمى موافق قانون اوليه رق اجرا قلنمش اولديغندن بحثله اعلام مذكورك تقضى طلب واستدعا ولنمشدر .

ايجابى مذاكره اولندقدده خصوص مدعا بوجه محرر بالرؤيه اعلام ربط ايدلمش ايسه ده مختلف قطعا ده واقع اولان اراضى مختلف الجنس اولق ملايسه سيله مجله نك بيك يوز اوتوز بشنجى و بيك يوز اوتوز سكسزنجى ماده لرنده بيان اولنديني اوزره بولنده متقاسمين راضى اولمادقلى حاليه قسمت جمع ايله تقسيم اولمق غير جائز وتلارك هر بر قطعه سي قسمت فرد ايله تقسيم اولمق مقتضى اولديني حاليه متقاسمينك رضالري اولديني كوسترلمكسزين قسمت جمع ايله تقسيم اولمقى بولسز ومغاير قانون بولنديغنه بناء اصول محاكمه حقوقيه قانونك ايكيزوز اوتوز ايكنجى ماده سي موجبجه اعلام مذكورك تقضيله قانون مذكورك ايكيزوز قرق دردنجى ماده سي حكمنه توفيقاً كيفيتك بالرؤيه اعلام ربطى ضمننده محكمه مذكوره اعاده سنده وزيرده مفرداتى مرقم اولوب طرفندن ايفا اولان ۳۴۲ غروش مصارف تميزيه نك ايلروده حقسز چيقه جق طرفه عائد اولسنة ۲۰ نيسان سنه ۳۲۷ تاريخنده اكثريله قرار ويرلدى .

محكمة تميز جزا دائرة مقرراني

محكمة تميز جزا دائرة سندن صادر اولان ۲ مایس سنه ۳۲۷ تاريخلى و ۵۱۸ نومرولى اعلام صورتيدر :

- ۱ — مشاركتى انكار ايدن ديكر متهمك مسئوليتيه اساس اتخا ايديلان اشتراك فعلنك اسباب ثبوتيه قانونيه سي مجرميت قرارنده كوسترلمش اولمى نقض حكى مستلزمدر .
- ب — بر فعلك فاعله جزا ترتيبى اوفعلك قانون جزا ايجانجه افعال ممنوعه دن بولنميه مشروط ايكن متمله اسناد اولنان فعلك مجرميت قرارنده كي طرز تصويرينه نظراً تحديد جزا قرارنده مدار تطبيق عد اولنان ماده قانونيه صراحتيله ناقابل تأليف بولنش اولمى موجب نقضدر .

در سعادت جنایت محکمه سندن اخيراً صادر اولان ۲۷ كانون اول سنه ۳۲۷ تاريخلى و ۱۹۰ نومرولى اعلام ايله متفرعاتى باش مدعى عمومىك مأموريت عليه سنك ۱۵ ربيع الآخر سنه ۳۲۹ و ۲ نيسان سنه ۳۲۷ تاريخلى و ۵۱۸ نومرولى تبليغنامه سيله محكمه تميز جزا دائرة سنده اعطا قلنمشدر .

اعلام مذكورك خلاصه مالى : انكتره دن غلطه امتعه اجنيه كمر كنه ورود ايدن يكرمى يدى قلم اشيانك معامله ومعايينه مقتضيه سنك حين اجرا سنده فساد قاريشد برة رق اوردينولرك ترجمه سنى تحريف واقعيير ومعايينه سنده حيله وصنعيه اعماليله بر قسمتك مقداري نقضان قيد ايتك صورتيله واردات رسوميه دن يكرمى طقوز بيك يديوز غروش اختلاس ايدرك اومقدار ضايعاته سيبيت ويردكلى ادعاسيله جنائيله اتهام اولنان مذكورك كمرك معايينه كاتبلرندن حسام الدين افندى بن اسماعيل و ابراهيم بن محمد ومايفاستو مأمورى مغردمچ ولد بغوص طاوغيان و كمرك سمسار لرندن اونيك آراميان ولدروپن افنديلرك و جاهاً اجرا قلنان محاكمه لرى نتيجه سنده بولرندن حسام الدين و اونيك افنديلرك محكوميتلرينه و ديكر لرلرينك برائتلرينه دائر مقدما ويرلن اعلامك عند التميز حكم جنائى جهتتك نقض ايله اعاده قلنمى اوزرينه اخيراً جريان ايدن محاكمه علنيه لرى نتيجه سنده مرقومان حسام الدين و اونيك افنديلرك برمنوال محرر سرق مال ميرى فعلنك فاعللى اولدقلى ثابت اولديغندن اولوجه لره مجرميتلرينه و حركت واقعه لرينه توافق ايدن قانون جزانك سكسان ايكي و سكسان دردنجى ماده لرى احكامنه توفيقاً بشرسنة مدته قلعه بند ايدمللرينه و مبلغ مختلسك ايكي مثلى اولان اللى يديديك بشيوز طسان ايكي غروش سكسز سانتيمك كنديلرندن بالتحصيل خزينه يه اعطاسنه ۲۷ كانون اول سنه ۳۲۹ تاريخنده حكم اولنديغندن عبارتدر .

محكوملردن حسام الدين افندى طرفندن ويريلوب بيان اوراقدده بولنان لايحه تميزيه مفادى ريختيم شركتتك كمركه اعطا ايلديكي مقبوضلر ايله كمرك انبار دفترلرينك عندالحاكمه تدقيق اولنهرق كندى قيدلريله توافق ايلديكي ومعلوماتنه مراجعت اولنان قطار جى صائم وكنديسييله برابر وظيفه دار اولان معايينه مأمورلرندن

نجم الدين و عثمان نوري و ابراهيم افنديلرک شهادتيله حقيقت حال اكلالشدني و مانيفاستو مأموري اولوب اصل مسئله ده بكانه متهم اولان مغرديج افندي راء ايتديكي حالده كنديسك محكوميتي جهته كيدلسي موافق معدلت قانون اولديغدن و سائر اعتراضاتدن بحثله حقه ده كي حكمتك تقضي طلبني متضمندر .

تبليغنامه مندرجاتي دخي حقيقتيه وصول ايجون نقاط لازمه حقه ده كي تدقيقات محكمه جه ايضا ايدش اولوب مابه الاتهامي اولان فعله جرأتلري وقوع جرم حقه ده مجرميت قرارنده مندرج ايضاحاته و سرود ولان ۱- باب موجهيه نظراً لايحه تميزيه ده مندرج اعتراضات غير وارد اولغله ردی و اصول و قانونه موافق اولان اعلام اخيرك تصديقي طلبني محتوادر .

اوراق دعوائك قرائت و مطالعه سندن صوكره تدقيقات تميزيه ايضا اولندوقده گرچه تبليغنامه ده اعلام مذكورك موافق اصول و قانون اولديغدن بحثله تصديقي طلب اولنقدمه ايسده اولبايه كي محاكمه ضبطنامه سيلاه اعلام ماللرندن مستبان اولديني اوزره اساس دعوي قيمتلي امته و آقشه يني حاوي اوله رق انككتره دن در سعادتده محرر الاسامي تجار نامنه كوندريلن كرمي اوج صندوق اشيا جنس و مارقه و نومرو لريلاه در سعادت كمر كنه داخل اولديني و اولوجهله ادخالات دفترينه ده قيد ايدليكي حالده اخيراً اوردينولر ك تغييرى صورتيله كمر ك رسمي ايضا قلنه رق اصل مالك رسم كمر كنه نظراً حقوق خزينه دن يكرمي سكر بيك يدى يوز طقسان آلتى غروشك سرقت ايدلش اولسندن عبارت اولوب عندالحاكمه متهملردن اونيك افندي مذكور يكرمي اوج صندوق اشيايك بروجه ادعا قيمتلي امته و اشيا اوله رق كلدبكي اولوجهله مال صاحب لردن استيفا ايتديكي رسم كمر كي تماماً تأديه و ايضا ايله مذكور صندوقلري اخراج ايدليكي اقرار اعتراف ايتش اولغله برابر مسئله ده اصل خزينه دولته مديو حكمنده بولان امته اصحابك و كيلى و يارسولى بولنديغدن دائ حكمنده بولان كمر ك اداره سته برآي تأديه مديونلر طرفندن تماماً و يراديكي بيان اولنان كمر ك رسمي اعترافي وجهله كندوسنك قبض ايتش اولسي ذمتنده خزينه قارشى بردين تحقق ايتيه جكني تضمن ايدن مدافعه سي مديونك رسولى ينده تلف اولان مبلغ مديونك مالندن الملق اوزره تلف اولش اوله جغه دائر اولان قاعده قانونيه ايله مدافعه و كيلى طرفندن تأييد اولنديني حالده اشبو مدافعه قانونيه قارشى مجرميت قرارنده متهم مرقومك مرسل اليه لرك و كيلى اوليوب رسولى بولنسي ذمتنده خزينه قارشى مذكور رسمك تقرر ايتسه مانع اوليوب چونكه بو خصوصه و كالتله رسالتك هيچ بر فريقي اولديغك بياني قاعده مذكور ك بو خصوصه عدم تعلقي جهتهله مدافعه و كيلنك مدافعه سنى رد و جرح ايدجك دلائلدن معدود بولنماش و متهم مرقومك مقبوضي اولديغني اعتراف ايدليكي مبلغ مدعاهك اساساً مشاركتي انكار ايتكمده بولان ديكر متهم حسام الدين افنديك مسئولته اساس اتخاذا ايديلن اشتراك فعلتك اسباب ثبوتيه قانونيه سي مجرميت قرارنده كوستريله مش و بر فعلتك فاعلنه جزا ترتيبى اوقعلك قانون جزا ايجانجه افعال ممنوعه دن بولنسيله مشروط ايكن متهمان مرقومه اسناد ايديلن

فعلك مجرميت قرارنده كي طرز تصويرينه نظراً تحديد جزا قرارنده مدار تطبيق عد اولنان ماده قانونيه صراحتيله ناقابل تأليف بولنش اولسي مخالف قانون و مستلزم نقض اولديغدن اصول محاكمات جزائيه قانونك اوچيوز اون دردنجي ماده سته توفيقاً اعلام مذكورك دخي اسباب محرره دن ناشي تقضيله احكام قانونيه دائره سنده ايفاي معامله اولنق اوزره اوراقتك محنه اعاده سته و ايكي يوز غروش اعلام خرچنك ايلروده حقسنر چيقه جق طرفدن تحصيلنه ۲ مائس سنه ۳۲۷ تاريخنده ا كثريله قرار و يرلدى .

محكمة تميز جزا دائره سندن صادر اولان ۲۴ مائس سنه ۳۲۷ تاريخلى و ۵۵۴ نومرولى اعلام صورتيدر :

۱- ميمرلر ك اوج ساعت طرفنده اقرارلرينك استماع ايدلسي ضرب و تضيقه دلات ايله جكي حقه ده كي مدافعه ك ردی و اقرارك طابعاً وقوعى حقه ده اسباب موجه ايرادنن ذهول ايدلسي نقض حكمتي مستلزمدر .

سلانيك ولايتي استيناف محكمه سي جنسايت دائره سندن اخيراً صادر اولان ۱۴ صفر سنه ۳۲۹ و ۳۱ كانون ثانی سنه ۳۲۶ تاريخلى و ايكييوز اون سكر نومرولى اعلام ايله اوراق متفرعه سي باش مدعى عمومليك مأموريت عليه سندن نقض طلبني حاوي ۱۷ ربیع الآخر سنه ۳۲۹ و ۴ نيسان سنه ۳۲۷ تاريخلى و بشيوز آلتش اوج نومرولى تبليغنامه ايله محكمه تميز جزا دائره سته اعطا قلنمشدر .

اعلام مذكورك خلاصه مالى اوچيوز يكرمي بش سنه سي تشرين ثاني سي طرفنده قره جه آ بادك بوليان قريه سنده دو ميا حسنك او طه سنده مسافرة مقيم سلانيكلي آشرد ولد ياقو فيلورتى يي ياتمقده اولديني او طه پنجره سندن بالذخول حامل اولدقلى بالطه لره باشنه اوره رق تعمداً قتل و اتلاف ايتدكندسكره اوزرنده بولنان نقودني اخذ ايدلكرى ادعا قلنمشندن طولاني جنايتله اتهام اولان قريه مذكور ه دن على بن بوشناق احمد و يوفه على بن حسن و حسين بن مصطفى ك محكوميتلرينه دائر مقدما و يريلان اعلامك عندالتميز اسباب قانونيه مبنى نقض و اعاده قلنسي اوزرينه اخيراً جريان ايدن محاكمه عليه لرى نتيجه سنده متهمون مرقوموندى يوفه على ايله بوشناق علميك پاره سته طمعاً مرقوم آشرد بالطه لره جرح و قتل و حسين بن مصطفى ك دخي تصور واقعه بالاشتراك آلت قتل اولان باطه سنى بوشناق على به اعاره و ترصد ايتك صورتيله قتل مذكور ه معاونت فعلنه جرأتلري شهودك مع القسم واقع اولان شهاداتى و ضبط ورقه سي و طيب راپورى مندرجاتى و دلائل سائر ايله ثابت اولديغدن اولوجهله مجرميتلرينه و حر كترينه توافق ايتسي اعتباريله بولنردن بوشناق على ايله يوفه علميك قانون جزانك يوز يتمش دردنجي ماده ستنك فقره اخيره سته توفيقاً اعداملرينه و حسينك يوز يتمش شنجي ماده سي حكمنه توفيقاً و آلت قتل اولان بالطه ي احضار و اعطا صورتيله مروتى و فعلك درجه

اهمیتی اسباب مشدده دن عد اوله رق اون سنه مدته کورکه قونلشنه ۱۵ کانون ثانی سنه ۳۲۶ تاریخنده حکم اولدیفندن عبارتدر .

تبلیغنامه ده دخی مدافعه شاهدلرندن حسن بن علینک مهم حسینیه اولان قرابتی سببیه معلومات قیلندن اوله رق افاده سنک استماعی لازمه دن ایکن عدم استماعنه قرار ویرلسی و محاکمه نك معلق اولدینی صوک جلسه زیری دخی علی الاصول هیئت حاکمه طرفندن امضاری ایله توثیق ایدلسی مقتضی ایکن امضا ایدلماش ومقتولک باشنده موجود بالطه جرحه لرینک هر بری باشلو باشنه سبب وفاتی اولوب اولمادیغنک وعقیب وقعه ده الله ایدیلان بالطه لرك هر برنده بیقاندیغنه دلالت ایده جک آثار ویاقانه مشابه لکه مشهود اولوب اولمادیغنک مقتونی معاینه ایتیش اولان طیبیدن علی الاصول استیضاحی لازمه دن ایکن بوجه تلر حقنده کی تدقیقاتک تعمیق قلمنامش اولسی ومتهملردن حسینک نفوس نظامنامه سی صراحتی دائره سننده اولمقسزین ناصیه حالنه نظراً تصحیح ایدیلان سنک محکمه جه ده معامله یه اساس اتخاذ اولنسی یولسر وقانونه مغایر اولدیفندن بخله اعلام اخیر مذکورک دخی نقضی طلب اولمشدر .

بالجمله اوراق دعوانک مطالعه سنندن صکره تدقیقات تمیزیه اجرا اولندقد طیب راپورنده مقتولک باشنده ووجه نده کی اوج عدد عمیق جروحانک تأثیریه ترک حیات ابتدیی کوسترلش اولمسنه نظرآ تبلیغنامه ده اشبو جرحه لرندن هر برینک باشلو باشنه سبب وفاتی اولوب اولمادیغنک لزوم تحقیقندن بخله سرد اوانسان اعتراض غیر وارد ایه ده جهات سائریه متعلق اعتراضات وارد اولدینی کی متهملرک مأمورین تحقیقیه جه اوج ساعت ظرفنده اقرارلرینک استماع ایدلسی ضرب وتضییقه دلالت ایله جکی مدافعه بیان اولمسنه قارشی مجرمیت قرارنده اقرار مذکورک مختار حسین واعضا کریم مواجهه لرنده ایراد قلندی کی کوسترلکده ایه ده مرقون حسین وکریم متهملرک ایلك استجوابلرنده بولندقلرینی وبعده چاغیرلقلرینی سویلرینه نظراً وکیل مدافعک مذکور اوج ساعته متعلق اولان مدافعاتنک ردی واقارارک طایعاً وقوعی حقنده اسباب موجب ایرادندن ذهول ایدلسی دخی مخالف قانون ونقضی مستلزم احوال دن اولقله اصول محاکمات جزائییه قانوننک اوچپوز اون دردنجی ماده سی حکمنه توفیقاً اعلام مذکورک نقضنه واحکام قانونیه دائره سننده ایفای معامله اولنقی اوزره اوراقنک بخله اعاده سننه وایکیوز غروش اعلام خرجنک ایلروده حقسنر چیقه جق طرفندن تحصیلنه ۷ مایس سنه ۳۲۷ تاریخنده قرار ویرلدی .

محکمه تمیز جزا دائره سنندن صادر اولان ۲۵ مایس سنه ۳۲۷ تاریخلی ۱۰۱۸ نومرولی اعلام صورتیدر:

۱ — بعض معاملات قانونیه نك ایفای ضمننده اوراق دعوانک مدعی عمومیلکه اعاده سنه دائر ویریلان قرار مقررات قطعیه دن معدود اولمادینی جهته تابع تمیز بولندیفندن واقع اولان ادعانک ردینه دائر .

ب — عفو قانوننک دردنجی ماده سی موجبجه ۱۰ تموز سنه ۳۲۴ تاریخندن مقدم وقوع اولان جرمک دخی تاریخ مذکور دن صکره ارتکاب اولنان جرم ایله برلکده اعاده وتوکیداً اجرای محاکمه سی قانوناً مقتضی بولندی حاله ذهول ایدلسی نقض حکمی مستلزمدر .

آمایشه سنجانگی بدایت محکمه سی جزا دائره سنندن اخیراً صادر اولان ۳ کانون ثانی سنه ۳۲۶ تاریخ ویز یکریمی اوج نومرولی اعلامک طورمش اوغلی اسماعیل وقره علییه متدائر اولان جهتنک تمیزآ تدقیقی حقنده محکمه مذکور مدعی عمومی معاونلکندن معطی برقطعه استدعایه ایله لایحه تمیزیه واوراق متفرعه سی باش مدعی عمومیلک مأموریت علیه سنندن ۱۳ ربیع الاخر سنه ۳۲۹ و ۳۱ مارت سنه ۳۲۷ تاریخ ودرتیوز سکسان یدی نومرولی تبلیغنامه ایله محکمه تمیز جزا دائره سننه اعطا قلمش ومذکور استدعایه نك مدت قانونیه سی ظرفنده ویرلدیکی بالتدقیق اکلاشلش اولقله بالقبول مطالعه اولندی .

اعلام مذکورک خلاصه مالی چورومک سرویشه قریه سنندن اولوقچی اوغلی محمدک خدمتکاری حسین اوغلی خلیلک معامله جبر وشدت اجراسیله حیوانانی وکوسه لر قریه سنندن اینجه قره اوغلی صائشک قیونتی سرفت ایلدکاری ادعا قلمسنندن طولایی جنایتله اتهام اولنان کوش حاجی کوی قضاسنک طنققا قریه سنندن کوچک علی اوغلی اسماعیل وچای قریه سنندن طورمش اوغلی دیکر اسماعیل ایله قره علینک محکومیتلرینه دائر مقدما صادر اولان اعلام عندالتمیز بعض اسباب قانونیه دن ناشی نقض واعاده قلمش ومرقومونک مدت محکوملرینک نصفی بالا کال قانون اخیر حکمنه توفیقاً تخلیه قلندقلری اکلاشلش اولقله مدعی معاونی حضوریه جریان ایدن محاکمه ده اشخاص مرقومه دن علی اوغلی اسماعیلک فعلی ۱۰ تموز سنه ۳۲۴ تاریخندن اول اولقله قانون اخیر مذکور موجبجه تکریر محاکمه سنه محل اولمادیغنه ودورمش اوغلی اسماعیله اسناد اولنان افعال دن برنجیسی ۱۰ تموز سنه ۳۲۴ تاریخندن اول وایکنجیسی اولان قیون سرقی ماده سی تاریخ مذکور دن مؤخر وهرایکسی بر ماهیتی حائر اولقله برنجی جرمک اصل وایکنجی جرمک فرع اعتباری وفرعک اصله تبعیتی قاعده سنه توفیقاً مرقومک دخی قانون مذکور دن استفاده سی طبیعی اولقله مرقوم حقنده ده اجرای محاکمه یه لزوم کوریه مدیکنه وفقط قره علینک محکومیتی استلزام ایدن جرم اغنام سرقندن عبارت اوله رق ۱۵ تموز سنه ۳۲۴ تاریخنده وقوعولمسنه کوره تکریر محاکمه سی لازمکلور ایکن سهواً دیکرلری میاننده صالیورلش اولدینی جهته تکرار اجرای محاکمه سی لزومنه وانجق مرقومک

محکمه توقیفخانه سنده موقوف اولدینی اکلایمغله حال فرارده بولندینی تحقق ایتدیکجه اجرای محاکمه سی قابل اوله میه جغندن معامله مقتضیه سنک ایفاسی ضمننده اورا قنک مدعی عمومی معاونلیکنه تودیغه ۲۳ کانون نانی سنه ۳۲۶ تاریخنده قرار ویرلدیکندن عبارتدر .

مذکور معاونلیکک لایحه تمیزیه سنک خلاصه مفادی دخی دورمش اوغلی اسماعیلک تعدد ایدن جرائندن بریسی ۱۰ تمور سنه ۳۲۴ تاریخندن مؤخر ایقاع ایدلمش و محاکمه سابقهده تقریق ایدلمیه رک یکدیگرینه سبب شدت عدولتمش اولغله عفو عالیدن مستثنا اولان جرم جرم مقدمه سبب شدت طوتمسی کیفیتی جرم مقدم قانون اخیر ایله معفواولمق لازم کلسه بیله جرم اخیرک وقوعیه قانون مذکورک دردنجی ماده سی موجبجه جرم اولک دخی اعاده وتوحدیاً اجرای محاکمه لری قانوناً منتضی بولندینی حالده برمنوال محرر اتخاذ قرار اولدغندن وقره علیتک دخی محکمه جه تکریر محاکمه سی تقررایلمش و بناء علیه مرقوم حال سابقه ارجاع ایدلمش اولغله مرقومک توقیفی اسبابنه توسل ایدلمک اوزره بامذکره مأموریتنه بیان کیفیت ایدلمک لازم کلور ایکن اورا قنک اعاده سنه قرار ویرلمسی مغایر قانون بولندیغندن بحکله قرار مذکورک نقضی استدعائی محتویدر .

اوراق دعوی بعدالمطالعه قرار تمیزیه دن طولانی تدقیقات تمیزیه اجرا اولدقدده سالف الذکر تبلیغنامه ده دخی بیان اولدینی اوزره اعلام مذکورک مرقوم علییه عائد اولان جهتی بعضی معاملات قانونیه نک ایفاسی ضمننده اوراق دعوانک مدعی عمومیملکه اعاده سنه قرار ویرلمش ا لمسندن عبارت بولمنسه کوره اشبو قرار تابع تمیز اولان مقررات قطعیه دن معدود اولدینی جهته مذکور تمیز استدعایه سنک مرقومه عائد اولان جهتک ردینه و طورمش اوغلی اسماعیله تعلق ایدن جهته کلنجه لایحه تمیزیه ده درمیان اولنان اعتراضات ۸ اگستوس سنه ۳۲۵ تاریخلی قانون اخیرک دردنجی ماده سی مندرجاتیه قرار تمیزیه به نظرآ وارد و نقضی مستلزم اسبابدن بولنش اولدیغندن اصول محاکمات جزائییه قانوننک اوچیز اون دردنجی و اوچیز اون طقوزنجی ماده لرینه توفیقاً اعلام اخیرمذکورک مرقومه عائد اولان جهتک نقضه واحکام قانونیه دائره سنده ایفای معامله اولتمق اوزره اورا قنک محکمه اعاده سنه وایکی یوز غروش اعلام خرجنک ایلروده حقسنر چیه حق طرفدن تحصیلنه ۳ مایس سنه ۳۲۷ تاریخنده قرار ویرلدی .

محکمه تمیز جزا دائره سندن صادر اولان ۱۳ مایس سنه ۳۲۷ تاریخلی و ۱۱۳۶ نومرولی اعلام صورتیدر:

۱ - جرائم صحیه قانوننک حاوی اولدینی احکام جزائییه نک تطبیقی ایچون علت ساریه ظهوری و مجازات قانونیه نک درجانی اوراق مطبوعه ایله اعلان اولتمق منتضی اولدیغه دایر .

بغداد ولایتی استیناف محکمه سی جزا دائره سندن تنظیم واعطا اولنان ۲۹ صفر سنه ۱۳۲۹ و ۱۵ شباط

سنه ۳۲۶ تاریخلی و یوز یتمش ایکی نومرلی اعلام حکمنک تمیزاً تدقیقی حقنده محکمه مذکور مدعی عمومیملکندن ویریلان استدعایه ایله اوراق سائر دعوی باش مدعی عمومیملک مأموریت علیه سندن رد استدعایه متضمن ۲۰ ربیع الآخر سنه ۳۲۹ و ۶ نیسان سنه ۳۲۷ تاریخلی و آلتیوز اوئوز ایکی نومرولی تبلیغنامه ایله محکمه تمیز جزا دائره سنه اعطا قلمش ولدی التدقیق مذکور استدعایه نک مدت قانونیه سی ظرفده ویرلدیکی آکلایمغله اولغله باقبول تدقیقات تمیزیه ایفاسه ابتدار اولندی .

اعلام مذکورک خلاصه مالی اوچیز یکریمی آلتی سنه سی تشرین اولنک ایکنجی کیجه سی ابوجسره نقطه نه موضوع قرائته خطی ممنوعیت واقعه خلافته اوله رق تجاوزله شفته قریه سنده اون ما کنه سنه کیدرک عملیه سیله اختلاط ایدلیکی ادعا قلمسندن دولایی جنایتله اتهام اولنان بقال جاسم بن محمودک اجرا قتلان محاکمه علیه سی نتیجه سنده تطبیقی علت ساریه نک ظهوری اوزرینه مجازات قانونیه درجانتک نشر واعلانیه منوط اولدینی اوچنجی ماده سنده مصرح بولنان جرائم صحیه قانوننک بوکره نشر واعلان ایدلمش اولسی و متهم مرقومک مذکور قوردونی مرور ایتمنک اجرا آتیه فعلاً مخالفت صورتیلده واقع اولمامسی جهتیله مرقومک عدم مسؤولیتنه ۲۶ کانون نانی سنه ۳۲۶ تاریخنده قرار ویرلدیکندن عبارتدر .

محلی مدعی عمومیملکک لایحه تمیزیه سنده دخی مرقوم جاسمک ممنوعیت واقعه خلافته اوله رق خفياً قرائته خطی تجاوزله خنطه طارتمق ایچون شفته قریه سنده واقع اون ما کنه سنه کیدوب ما کنه عملیه سیله اختلاط ایدلیکی کندوسنک اقراری و میان اوراقده بولنان مخبره اوراقی مندرجاتیه ثابت اولمش ایکن عدم مسؤولیتنه قرار ویرلمسی مخالف قانون اولدیغندن بحکله اعلام مذکورک نقضی استدعا اولنمشدر .

کافه اوراق دعوانک مطالعه سندن صکره ایجاب کیفیت مذاکره اولدقدده مذکور اعلام مندرجاتندن منضم اولدینی اوزره ابوجسره موقعه قرائته وضع اولنمی اوزرینه مبحوث عنه جرائم صحیه قانوننک حاوی اولدینی احکام جزائییه اعلان اولنماش و قانون مذکورک اوچنجی ماده سی « علت ساریه نک ظهوری اعلان و اخبار ایدلدکدن صکره لیان و تحفظخانه لر لازم کلن شهر وقصبه و قریه لرده اشبو قانوننک حاوی اولدینی احکام جزائییه اوراق مطبوعه ایله جمله یه اعلان قلدور و ذکر اولنان جزالر مطلقاً علت ساریه نک ظهوری و مجازات قانونیه نک درجانی اعلان اولدقدن صکره حکم و اجرا قلنه بیلور » دیه محرر بولنش اولغله و قبل الاعلان وقوعه کلان بوکی جرائم اربابنک مسؤولیت قانونیه سنه محل کوریه مامسنه وشو صورتله قرار تمیزیه اسباب موجبیه مستند و تبلیغنامه ده بیان اولدینی و جهله لایحه تمیزیه محتویاتی غیروارد بولدیغه بناء مارالذکر تمیز استدعایه سنک بر موجب طلب ردینه ۸ مایس سنه ۳۲۷ تاریخنده قرار ویرلدی .

محكمة تميز جزا دائره سندن صادر اولان ۱۳ مایس سنه ۳۲۷ تاريخی ۱۱۳۳ نومرولی اعلام صورتدر :

۱ — شهود مستمعه دن هر برینه عائد افاده وشهادتک عیناً محاکمه ضبطنامه سیله اعلامه درج وتحریری لازمه دن اولدینی حالده برشاهدک دیکرینک افاده وشهادتی دائره سنده ایفای شهادت ایلدیکی بیانیله اکتفا اولنه رق بولزوم قانونی نظره آلتامش اولاسی موجب نقضدر .

ب — فعل قتلک صورت وشکل ایقاعی حقنده تعمیقاً تحقیقات اجراسیله حاصل اوله جق نتیجه کوره اسباب موجب قانونیه توضیح وایراد ایدلک صورتیله اتخاذ قرار اولنسی مقتضی ایکن بوندن ذهول ایدلسی نقض حکمی مستلزمدر .

قیر شهری سنجانی بدایت محکمه سی جزا دائره سندن تنظیم واعطا قلنان ۱۵ تشرین ثانی سنه ۳۲۶ تاریخ وآلتی یوز سکسان درت نومرولی اعلامک تميزاً تدقیق حقنده محکمه مذ کوره مدعی عمومی معاونلکسندن معطی استدعا نامه ايله اوراق سائرہ دعوی باش مدعی عمومیلک مأموریت علیه سندن نقض طلبی متضمن ۱۴ ربیع الآخر سنه ۳۲۹ و ۱۱ نیسان سنه ۳۲۷ تاریخ ویدی یوز یدی نومرولی تبلیغنامه ايله محکمه تميز جزا دائره سنه اعطا اولنش ولدی التدقیق استدعا نامه مذ کورک مدت قانونیه سی ظرفنده ویرلیدی کلاشلمش اولغله بالقبول اوراق دعوی مطالعه اولندی .

اعلام مذ کورک خلاصه مندرجاتی اوچیز یکریمی الی سنه سی تموزبیک اون آلتیجی کیجه سی ساعت اوچ راده لرنده قیر شهرینک یاغمورلی بیوک اوبه قریه سندن ملا احمد اوغلی عمر چاوشی سارق ظنیله جرح وقبل ایلدیکی ادما قلنم سندن دولای جنایتله اتهام اولنان یاغمورلی یکی بیان قریه سندن حاجی عثمان حفیدی احمدک اجرا قلنان محاکمه علیه سی نتیجه سنده متهم مرقومک خطاء قتل مذ کورک فاعلی اولدینی ثابت اولغله حرکتی جنجهیه بالتزویل قانون جزانک یوز سکسان ایکنجی ماده سنه تطبیقاً سنه مدته حبسنه ۱۵ تشرین ثانی سنه ۳۲۹ تاریخنده حکم اوتدیغندن عبارتدر .

مذ کور معاونلکک لایحه تميزیه سنده قیر شهرندن حرکت ایدرک کوبلرینه کیتمکده ایکن یولک اوراده بولنسی جهتیله یاغمورلی یکی بیان قریه سندن کچن مقتول عمر ايله رفقاسی قاتل احمدده موجودیتی درمیان اولنان بشیوز لیرایه یقین برپاره نک سرقت مقصدیله حرسز فرض اولنسه بیله تلافیسی ممکن بولنان مال ایچون بر شخصک قتل غیر جائز بولنش وشهودک اتفاق افاداتیله احمد ايله عمر بیننده برکونا خصومت اولماسنه وبناء علیه مدار اتهام اولان جرح وقتلک نزدنده موجود بولنان کلی برپاره نک اخذوسرقت اولنور قورقوسیله توهماً ایقاع ایلدیکی غیر قابل انکار بر صورتده مثبت اولنسه نظراً حد ذاتده متهم احمدده مرقوم عمری طوغریدن طوغرییه قتل ایتمک قصد وفکری موجود دکلسه ده قتل ايله نتیجه لن بر فعلک مقرون صحت اولیان وهمه تبعاً ایشلنسی فاعلنک تهوین جزاسی ایچون هیچ بروقت بر سبب قانونی ومنطقی تشکیل

ایده میه جکی بدیی بولنش اولدینی حالده محکمه مذ کوره جه قتل مذ کورک مجازات تأدیبیه یی مستلزم حرکتدن ع یله اولوجهله محکوم ایدلسنده اصابت اولدینی کبی کندی افادات مستمعه لری ضبط واعلامه درج وتتمیق اولنقسزین برنجی قسم محاکمه شاهد قیل اوغلی ابراهیمک وجمعه اوغلی محمدک ایکنجی قسم محاکمه ده عثمان اوغلی خلیل وعلینک شهاداتی وجهله ادای شهادت ایلدکاری یولنده تزییر قلنسی مغایر اصول اولدیغندن بختله اعلام مذ کورک نقضی استدعا قلنمشدر .

اوراق دعوی مطالعه اولندقدن صکره تدقیقات تميزیه اجرا قلندقدن شهود مستمعه دن هر برینه عائد افاده وشهادتک عیناً محاکمه ضبطنامه سیله اعلامه درج وتحریری لازمه دن اولدینی حالده اولباده کی محاکمه ضبطنامه سیله اعلام مألرینه نظراً برنجی قسم محاکمه استماع اولنال شهوددن خلیل اوغلی ابراهیمک شاهد جمعه اوغلی محمدک وایکنجی قسم محاکمه ده دخی عثمان اوغلی خلیلک دیکر شاهد علینک افاده وشهادتلی دائره سنده ایفای شهادت ایلدکاری بیانیله اکتفا اولنه رق بولزوم قانونی نظره آلتامش وفعل قتل مذ کورک صورت وشکل ایقاعی حقنده دخی تعمیقاً تحقیقات اجراسیله حاصل اوله جق نتیجه کوره اسباب موجب قانونیه توضیح وایراد ایدلک صورتیله اتخاذ قرار اولنسی مقتضی ایکن بوجهت مهمه دن دخی ذهول ایدلش واولباده کی لایحه تميزیه عطفاً وجهات مبسوطیه بناء تبلیغنامه ده سرد اولنان اعتراض دارد و بجا کورولش اولدیغندن اصول محاکمات جزائییه قانوننک اوچیز اون دردنجی ماده سنه توفیقاً اعلام مذ کورک نقضه واحکام قانونیه دائره سنده ایفای معامله اولنق اوزره اوراق دعوانک حملنه اعاده سنه وایکی یوز فروش اعلام خرچنک ایلروده حقسز چیه جق طرفدن تحصیلنه ۱۴ مایس سنه ۳۲۷ تاریخنده متفقاً قرار ویرلیدی .

عدلیه نظارت جلیله سندن ویریلان امر اوزرینه تحت محاکمه آلنان مأمورین عدلیه حقنده مرجع قانونیلردن اتخاذ اولنوب نظارت مشارالیهجه قبول ایدیلان مقررات

محکومیت

مقدما تحت محاکمه آلنان اشمه قضاسی بدایت محکمه سی اعضا سندن مستنطق اسماعیل افندیکنک اوچ ماه مدته حبسنه دائر صاروخان سنجانی بدایت جزا محکمه سندن صادر اولوب آیدین مدعی عمومیلککنک ۲۴ شباط سنه ۳۲۹ تاریخلی تحریراتیله مرسل اعلامک امور جزائییه جه بالتدقیق موافق قانون اولدینی کورولمشدر .

.*

منع محاکمه

مقدما تحت محاکمه آلنان صیدا قضاسی مدعی عمومی معاونی عبدالله ومستنطق عبداللطیف ومستنطق

معاونی مصطفیٰ افندیلردن عبداللطیف ومصطفیٰ افندیلرک منع محاکمه لرینه ومدعی عمومی معاوئی عبدالله افندیلرک عدم مسئولیتنه دائر بیروت هیئت اتهامیه سندن صادر اولان مضبطه واوراق متفرعه سنک امور جزائیه جه بالتدقیق موافق قانون اولدینی آکلاشلمشدر .

**

منع محاکمه

مقدما تحت محاکمه آلان مرمریس قضاسی بدایت محکمه سی مدعی عمومی معاونی وکیلی پولیس حسین صدقی افندیلرک منع محاکمه سنه دائر اولوب آیدین مدعی عمومیلکندن کوندریلان هیئت اتهامیه مضبطه سی امور جزائیه جه بالتدقیق موافق قانون اولدینی کورولمشدر .

**

برائت و محکومیت

مقدما تحت محاکمه آلان مرفقه قضاسی بدایت محکمه سی جزاریسی حسن فهمی افندیلرک صارقندیلق فعلندن برائته وثابت اولان ضربدن دولایی کندوسندن بر ایرا آلهرق مضروف تلغراف مأموری رحمی افندییه اعطاسنه دائر کلیولی بدایت جزا محکمه سندن صادر اولان حکمک موافق قانون اولدینی امور جزائیه جه بالتدقیق آکلاشلمشدر .

**

عدم مسئولیت

مقدما تحت محاکمه آلان ارکلی جزاریسی اسماعیل توفیق افندیلرک عدم مسئولیتنه دائر قونییه مرکز بدایت جزا محکمه سندن صادر اولان حکم علیه امر تحریری اعطاسنه محل کوریه مدیکی امور جزائیه جه بالتدقیق آکلاشلمشدر .

**

برائت

مقدما تحت محاکمه آلان قیصری اجرا مأموری بکر شفیق افندیلرک بالحاکه برائته دائر قیصری سنجانی بدایت جزا محکمه سندن صادر اولوب یوزفاد استیناف مدعی عمومیلکندن ارسال اولتان اعلامک موافق قانون اولدینی امور جزائیه جه بالتدقیق آکلاشلمشدر .

قانونی

ملاحظات جزائیه

« جنحه و قباحته متعلق اعلاماتک تمیزاً تدقیقنه اساس اتخاذ اولنق ایچون یالکز تمیز دعوی ایدلیکنی محوی استدعایانه اعطاسی کافیمیدر؟ اسباب تمیزییه حاوی لایحه ویرلسی اقضا ایتمیزی؟ جنحه موادنده تدقیقات تمیزییه اعلام ابتدائیک نقایصنه سرایت ایلمی؟ »

جنحه و قباحته متعلق اولوب قانوناً قابل تمیز مقررانک اصول تمیزییه سنی مین بولتان اصول محاکمات جزائیه قانوننک اوچبوز یکریمی یدنجی ماده سبیله مواد متعاقبه سی صراحتلرندن اکلاشلدینی اوزره تمیز استدعاسنده بولنه جق محکوم علیه ایل مدعی شخصی ومدعی عمومینک ایفاسنه مجبور اولدقلری شرائط تمیزییه دن برینی اسباب تمیزییه یی حاوی اوراق ولایحه اعطا ایتملری تشکیل ایده یور . یعنی تمیز دعوانسک اسبابی مستدعی تمیز طرفندن درمیان ایدلمک سائر شرائط تمیزییه کی دعوانک محکمه تمیزییه تدقیقی ایچون شرط قانونی اولدیغندن یالکز حکم واقعک قانونه مغایرتندن بخله استدعایانه اعطاسی تدقیقات تمیزییه اجراسنه اساس اوله ماز . حالویه ایکن اصول محاکمات جزائیه قانوننک سالف الذکر اوچبوز یکریمی یدنجی ماده سنده « محکوم علیه ومدعی شخصینک تمیز استدعاسنی موجب اولان اسبابی حاوی لایحه ویره بیله جکدر » صراحتنه بعض ارباب تدقیق طرفندن لایحه نك اعطاسنده مستدعی تمیزک حق اختیاری اولدینی معناسی ویریلور و محکوم علیه لایحه تمیزییه ویرمیش اولدینی صورتده دخی تدقیقات تمیزییه بالایفا نقض وتصدیقه متعلق مقررات اعطاسی لازم کله چکی درمیان ایدیلیور .

شمدی شو مطالعه نك قانونه درجه مطابقتی تعیین ایده بیلیمک ایچون ماده مذ کوره عباره سنی تحلیل ایدلم . ماده ده تمیز استدعاسی ویرلدیکی صروده ویاخود اندن صکره مرر ایدن اون کون مدت ظرفده اعطا اولنه جفنگ تصریح ایدلمسی لایحه نك لزوم اعطاسنه دلیل قطعی اولوب « ویره بیله جکدر » تعیرینک ایسه محل اعطاده کی تخیری مین یعنی لایحه یی مستدعی تمیز محکمه باش کاتنه دخی ویره بیله جکنی متضمن اولوب بوندن هیچ بوجهله اسباب تمیزییه یی بیانه مجبورت اولمادی معناسی چیقماز . حتی بو مجبورتک دیکر بر برهان جلیسی محکوم علیه اولانلرک عرفحالرینی واعلام ایله تمیز استدعالرینک اسباب موجب ورقه سنک

« لایحه نك » صورتلری طوغریجه محكمه تمیز قلمنه اعطا ایدیهلجهکیرینه داتر بولسان اوچیوز اوتوزنجی ماده صراحتیدر .

دیمک اولیورکه اصول محاکمات جزائیہ قانونی تمیز استدعاسنی تسهیل مقصد معدلتکاریسنه بناء تمیز عرفحال ولایحه لری حکمی ورن محكمه قلمنه ویاخود صورتلری طوغریجه محكمه تمیز قلمنه ویره بیلیمک شقارنده محكوم علیه لری غیر براقش واشبو ماده نك عدلیه نظارتجه اوراقك اخذندن یکریمی درت ساعت ظرفنده محكمه تمیزه کوندریله جکینه داتر اولان فقره اولاسنی تعقیب ایدیلان کیفیت تودیعی نظارتك اوراقی کوندرن مأموره بیلدیره جکی حقنده کی فقره ایلده ا- باب موجه لایحه نك محكمه تمیزه سرعت ایصالی اسبابی استکمال وتأمین ایتشدیر یوقسه مستدعی تمیزی اسباب تمیزیه بیانندن وارسته قیلاماشدر بناء علیه جنجه وقباحت موادنده مستدعی تمیز اولان طرفك لایحه تمیزیه سی علی الاصول طرف دیگره تبلیغ اولنهرق اندن جواب الندقدن ویاخود لایحه جوابیه ویرلماش ومدت قانونیه سی دخی حلول ایتش اولدینی اکلشلدقندن صکره اوراق موجوده ولایحه تمیزیه اوزرینه تدقیقات اجراسنه ابتدار اولنهرق مستدعی تمیزك درمیان ایلدیکی اسباب مستلزم نقض کورلدیکی تقدیرده یعنی کرک اصول محاکمه ججه مفسوخیت حکمی مستلزم خطیئندن وکرک نقایص تحقیقات ومعاملات نقطه سندن درمیان اولنهرق اسباب نقضیه شایان قبول اولور ایسه اعلام تمیزه نقض ومحكمه سنه اعاده اولنق لازم کلور . بوراده ابروجه نظر دقه الهجق ایکی مسئله ده کوریلور (۱) مستدعی تمیزك درمیان ایلدیکی اسباب خارجنده اولهرق محكمه تمیزجه اعلام میزیده مستلزم نقض اسبابه تصادف اولنورسه اشبو اسبابك مستدعی تمیز طرفندن درمیان اولنان اسبابه علاوه سی جائز اولورمی؟ (۲) مظنون علیهك حقوق مدافعه سنه متعلق اولهرق محكمه جهرعایتی لازم کلان مراسم قانونیه نك عدم اجرایی هر حالده اسباب نقضیه جمله سندن اولهرق درمیان اولنهرق بیلورمی؟ محكمه تمیزجه اعلام تمیز بیده کوریلان سائر نواقصك مستدعی تمیز طرفندن درمیان اولنان اسبابه علاوه نك علی الاطلاق جوازی تسلیم اولنهماز چونکه لایحه تمیزیده درمیان اولنان اسباب خارجنده کی نواقصه مستدعی تمیز طرفندن عدم نقض نتیجه سی دیگر طرفه بعضاً حق مکاتب اوله بیلور . مثلاً بر جنجه دعواسندن استینافاً برات ایدن شخص علیه مدعی عمومی ویا شخصی طرفندن واقع اولان تمیز استدعاسی اوزرینه لایحه تمیزیده محرر اعتراضات جهات سائریه عائد اولدینی حالده محاکمه استینافیه ده مدعی عمومی ویا شخصی طرفندن واقع اولان مطالبدن بری اوزرینه ده بیان رأی و مطالعه اولنمادینی آکلشلسه شو نقصانك مدعی عمومی ویا شخصی طرفندن درمیان ایدیلان اسباب نقضیه تمیز محكمه سنجه علاوه سی جائز اولهماز . مستدعی تمیز طرفندن درمیان اولنان اسباب نقضیه خارجنده بعض اسبابه تصادف اولنورسه او نقطه دن دخی نقض اعلام اولنهرق بیلیمک تمیز دعوانك محكوم علیه طرفندن وقوعه کلسی ویاخود مدعی عمومی طرفندن محكوم علیه لهنه تمیز دعوی اولنسی حاللرنده واقع

اوله بیلور حتی محكمه نك صورت تشککله نجه نقصان ویا دعواده مرور زمان وقوعی ویاخود محكمه نك عدم صلاحیت و وظیفه سی کی مسائل محكمه تمیزجه نظره آنور . دیگر طرفك حقوق مدافعه سنه تعلق ایدن نقایصك اسباب نقضیه میاننده درمیان اولنهرق بیلوب اولنهرق بیلیماسی بحثه کلنجه بونده دخی تفریق مسئله ایدنك اقتضا ایدر شوبله که مظنون علیهك صرف حقوق مدافعه سنه تعلق ایدن خصوصات مدعی عمومی طرفندن مظنون علیهك جزاء محکومیتی اعلامنك تمیزاً تدقیقی استدعا حالده سبب نقض اولهرق درمیان ایدیهلجه جکی بدیهی اولوب فقط برات قراری علیه سبب نقضیه دن اولهرق استعمال ایدلما لیدر مثلاً عندالاستیناف براتنه قرار ویریلان مظنون علیهك محاکمه استینافیه ده صوک-وزی استماع اولنماسی مدعی عمومی ویا شخصی طرفندن تمیزاً سبب نقض اولق اوزره درمیان ایدیلورسه مظنون علیهك صرف کندوسنك استحصا براتنه تعلق ایدن شو حق مدافعه سی ولو استعمال ایتدیرلماش اولسه دخی مادام که برات ایتشدیر شو حالده قرار براتك بویه مظنون علیهك حق مدافعه سنی تأمین ایچون موضوع اولان اصول محاکمه عدم رعایت سببیه اخلال ایدلمسی عادتاً حق مدافعه نك کندو علیه استعمالی دیمک اولوب بو ایسه مقصد قانونه منافیدر والحاصل جنجه وقباحت موادندن طولانی محکومیت جزائییه ویا برات وعدم مسئولیتی متضمن اعلامنك حق تمیزی حائر اولان طرفینجه تمیزاً تدقیقی استدعا اولدینی حالده بوجه محرر تدقیقات تمیزیه ایفاسی ایچون مطلقاً استدعا ولایحه ایله اسباب تمیزیه درمیان اولنسی اقتضا ایدر .

تدقیقات تمیزیه نك اعلام ابتدائییه سرایتی بحثه کلنجه : جنجه دعوالرنده صوک درجه ده ویرلش احکام قطعیه نك قابل تمیز اولدینغه داتر اصول محاکمات جزائییه قانوننك اوچیوز اون اوچنجی ماده سی صراحتیه و جنجه بدایت محكمه سی اعلامنك درجه اولاده ویرلش اولنسنه نظراً تدقیقات تمیزییه اساس اولهمیه جکی درکار اولوب آنجق محكمه استینافده اعلام ابتدائی علیه دن اولهرق مستأنف طرفندن درمیان اولنان اسباب استینافیه نك یعنی بدایت محكمه سنده درمیان ایدوبده نظر دقته النمدینی بیانیه استینافاً سرداولنان اعتراضاتك اسباب تمیزیه جمله سندن اولق اوزره محكمه تمیزه عرض اولدینی حالده اعتراضات واقع تمیزاً موضوع بحث ایدیه بیلور ایسه ده بوضوئله واقع اولان تدقیقات تمیزیه بدایت محكمه سی قراری اوزرینه جریان ایتیوب محكمه بدایت اعلامنه تعلق ایدن اعتراضات استینافیه نك محكمه استینافیه جه نظره النمامسی نقطه سنه معطوف اولورکه ینه تمیزاً موقع تدقیقه وضع اولنسی لازم کلان اعلام صوک درجه ده ویرلش استیناف محكمه سی اعلام قطعی سیدر اشته حکم قانون بویه اولدینی حالده بدایت محكمه سی قراری علیه استینافاً درمیان اولنان اعتراضك نظره النمدیغندن بحثه تمیز وقوعه بولمسزین بدایت اعلامنده کوریلان بعض نواقصك طوغریدن طوغرییه تدقیقه نواقص مذکورده نك استیناف محكمه سنجه نظر تدقیقه النمامسی مستلزم نقض عد ایتك صوک درجه ده ویرلماش اولان اعلام ابتدائی مندرجاتی حقنده دخی تدقیقات تمیزیه

دائرة سنك اسباب قانونیه مستند اولمقسنزین توسیعی دیمك اولدیغندن شوصورتده حل مسئله اصول محكمه موافق دكلدر .

باش مدعی عمومی

ممدوح

قوانین اجراییه نك مقایسه سی

۵ - ترجیح بینہ وتخلیف

۱ - داین مدیونك یسارینی ومدیون اعسارینی ادعا ایتدكرنده اكر بوتعارض وقت واحده ومطاق صورتده وقوعبولور ایسه - انسانده اصل اولان اعسار اولمسنه مبنی - یسارینه سی ترجیح اولنور .

فقط مدعینك یساری ادعاسنه قارشو مدیون حادثاً عسرینی ادعا ایدر ایسه اعسارینه سی تقدیم اولنور بوجهته داین - دین قارشولنی موجود وسوز مدعی به عائد اولان برخی قسمدن ویا سوز مدیونه عائد اولان قسم اخیردن اولدینی صورتلرندن قطع نظر - علی الاطلاق مدیونك یسارینی ومدیون اعسارینی بیان ایتدكرنده داینك بینہ سی ترجیح اولنور فقط داین ثمن مبیع اوله رق محكوم بهك تحصیلی واثبات اقتداره حاجت قلمدان مدیونك حبسنی طلب ایلدكده مدیون مبیعك هلاكی وبوصورتله فقر وعجز حادثی ادعا ایسه بینہ اعسار حادثی ادعا ایدن مدیونه عائد اولدینی کبی نوع محكوم به داینك اثبات اقتداره مجبور اولدینی قسم اخیردن اولدینی مثلاً داین استهلاكات بدلی اوله رق محكوم به برمبلغك تحصیلی حکمنی حاوی اعلامك اجراسنی طلب ومدیونك برماهدنبرو ارثاً مال انتقالی صورتیه یسارینی ادعا واقامه بینہ ایتك ایستدكده مدیون داین تصدیق فقط بعدالیسار عسر حادثی ادعا ایسه كذاك مدیونك بینہ سی تقدیم اولنور .

۲ - تخلیف - مدیون داینه = محكوم به دین كرك سوز داینه عائد اولان قسم اولدن طولایی وكرك مدیونك اعسارینی اثباتدن اظهار عجز ایتسی حالده = معسر اولدینی بیلمدیکنه یمین ویره بیلور وداین یمیندن نكول ایدر ایسه مدیون اطلاق اولنور ویمین ایدر ایسه مدیونك حبسی تأبید ایدیلیر .

۶ - نصاب وكیفیت ثبوتیه

۱ - اقتدار برهاناً یعنی ایکی مخبر عادلک اخباریه تحقق ایدر .

۲ - مخبرلر مدیونك حالاً اقتدارینی بیلدكرنی بیان ایتلری لازمدر یوقسه جماع واستطلاع اوزرینه اخبارلری مقبول اولماز بوصورتله مخبرمدیونك مالا وعروضاً دینی تأدییه واستقراض اعتبارواقتدارینی ویا صنعت صاحبی ایسه اول صنعتی اجرا صورتیه بورجی ویره بیله جكنی بیلدكرنی بیان ایدر .

۳ - اقتدارك اثباتنده سبب یسارك بیانی لازم دكلدر بناءً علیه مدیونك هیچ بر شیئی اولمدینی بیانیه قارشو داینك فلان ماله مالك در یولنده اقامه ایده جکی مخبرلرک بوصورتله اولان اخبارلری منكرك لهنه اوله رق شایان قبول اولمامغله اشبو اخبارك ضمناً یساری تضمن ایتك حسیله علمنده اولان جهتی دخی قبول اولماز اما شاهدلرک علی الاطلاق اقتداره شهادتلی کرچه دین مقداری ویا دها زیاده ماله مالکیته شهادت ایسه ده منكرك لهنه معین بر ماله صراحتیه شهادت اولمیوب صریح اولان یسار قسمی منكرك علمنده اولان جهتدر .

۴ - بعد الحبس طرفین یسار واعسارده اختلاف ایتدكرنده بونده لفظ ونصاب شهادت شرط اولدینی کبی خصمین مواجهه سنده دخی استماعی شرطدر بناءً علیه داین مدیونك برماهدنبرو بالارث یسارینی ادعا ومدیونك بوندن صكره اعسارینی حادثاً دعوی ایتدكرنده - نفی یساره عائد اولماق حسیله - اعسار حادث دعواسنك استماعنده نصاب ولفظ شهادت ایله حضور خصم شرطدر احوال مبسوطه ابتداءً مدیونك حبسی وموخرآ عند التنازع اعسار ویسارك صورت وكیفیت ثبوتی حقه در . فقط شرعاً بعدالحبس حاكمه بخش اولنان برنوع صلاحیت ده واردر که بوصلاحیتك اساسی حقوق حریت افرادك امر محفوظیتی ، حكومتجه دخی برقاندھا تحت التزامده اولدینی ارايه ایدر . بوقیلدن حکامه بخش اولنان صلاحیت بوجه آتی در .

۱ - بعدالحبس مدیون مشكل الحال یعنی یسار واعساری غیر معروف ایسه حاكم رأی وتقدری قدر برمدته - که بومدت بر آیدن آزدن بدأ ایله التي آیه قدر اوله بیلور - مدیونك اعسار بینہ سی استماع وسیلانی اخلا ایدر والتي آیه قدر اعسارینی اثبات ایتمیوبده ترمردی ظاهر اولور ایسه حبسنی ادامه ایدر . فقط مدیون ظاهر الفقر ایسه مرور مدته باقمقسنزین ومتعاقباً بینہ سی قبول ایدر .

۲ - بعدالحبس حاكم مدیونك حالی ارباب ثقه دن تحقیق ورأینه موافق کلور ایسه بر مستورك خبریه اکتفا ایدرك تخلیه ایدر . ورأینه موافق کلز ایسه بر خبر عدل ویا ایکی مخبرك اخباریه تخلیه ایلر .

۳ - بنوع اخبارده لفظ شهادت شرط اولمدینی کبی داینك حضوری ده شرط دكلدر .

۴ - مخبرلر مدیونك فقرینی ازاله ایده جك مال وعروضی اولدینی بیلمدكرنی ویا مدیونك مفلس معمر اولوب تحقیقات مرعیه وعلنیه لرنده البسه سندن بشقه مالی اولدینی بیلمدكرنی اخبار ایتلری کافیدر .

۷ - مدت حبس - بیان سالفه دن آكلاشلدیغنه کوره مدت حبس ایکی نوعدر . بر نوعی بعدالحبس مدیوندن اعسار بینہ سی استماع ایده بیلمك ایچون تقدیر اولان مدت دن عبارتدر که بونك تعینی رأی حاكمه عائد اولوب مدیونك دین وتدین دن پروا ایدوب ایتدیکنه کوره تقدیر اولنور . بوده برکوندن التي آیه قدر دیگر نوعی ایسه بومدته مدیون اعسار وافلاسنی ادعا واثبات ایتز وحاكم نرندنه مدیونك فقر وعجزی حقه در قناعت حصوله کلز ایسه تأبید حبس دن عبارتدر .

تفصیلات مشروحہ دین و ماہیت عمومیہ مسائل دین مستبان اولدیغه کوره معاملات اجراییه شرعیه ده حکمک اقراره وانکاره مستند اولدیغه کوره اجرا و مدیونک حبسندہ استعجال و تانی ایدمک و حکمک انکاره مقارنتی حالده مدیونک حبسندہ استعجال ایدمک و مدیونہ اولاً تأدیہ دین و اظهار مال حقندہ تفہیمات اجرا و تأدیہ دین و اظهار مال ایدمکی و ماطله سی و قوعی حالده یوقاروده تقریق و تفصیل قلندی اوزره دین ، قارشولنی مدیونده موجود اقسامدن ایسه سوز داینه عائد اوله رق داین اثبات اقتدار ایدمک اوزره مدیونک حبسی خارجندہ یعنی دین ، سوز مدیونہ عائد ایکنجی قسمدن ایسه داین اثبات اقتدار ایدمک اوزره مدیونک حبسی طلب ایدمک و فقط مدیون بعد الحبس بوجسک اساسی تأدیہ اولیوب تضییقاً یعنی اظهار مال مقصدیله اجرا قلندی جهته بعد الحبس مدت مناسبه ظرفنده حاکم مدیونک عسرویسری حقندہ تحقیقاته و داینک مواجهه سی اولقسزین استماع اخباراته حائز صلاحیت اولدیگی کبی مدیون دخی بوصره ده اعسارینی اثباته صالح اولغله نزد حاکمه مدیونک عسرینه قناعت حصولی و یا خود مدیونک عسرو فقرینی اثباتی حالده تخلیه و عکسی حالده حبسی تمديد ایدمک صورتندہ معاملات جاری اولوب شو جریانه نظراً بزم معاملات اجراییه مزده حکمک اقرار و انکاره مقارنتی حالده تعجیل و تانی جهتی حقندہ احکام استنباط اولمیوب واقعا بویله بر معامله استنباطندہ محل اولدیگی کبی مدیونہ عائد بروجه محرر اجرا قلنه کلان تنبیہات و تکلیفات دخی مع زیاده تبلیغات تحریریه ایله ایفا قلنمقدہ و بوبابده برشی اقتباسنه محل کوریه مامکده ایسه ده ایضاحات واقعه دن کلاشلورکه قانون اجرای شرعیه مدیونک حبسی تأدیہ اجرا قلنمیوراشبو حبس تدبیر زجرینسک تطبیقی آنجق مدیونی تأدیہ دین ایچون اظهار مال اجبار مقصدیله تضییقاً اجرا قلنمقدہ در حتی معاملات جاریه ده مدیونک وقیح ولین یعنی دین و تدین دن پروا ایدر مقوله دن اولوب اولدیغه و حکمک انکاره مقارن اولسنه کوره مدیونک حبسندہ استعجال اولنق و مدت حبس همان رأی حاکمه مفوض اولق و بعد الحبس حاکمک رأساً تفتیشات و تحقیقات اجرا و مدیونک فقر عسرتی ظهورنده بر شاهد مستور و یا عادلک اخباری اوزرینه تخلیه یه صلاحیتی بولنق و مدیونک دخی بعد الحبس اعسارینی ادعا و اثباته صالح اولق بولنده متداول اولان احکام هپ اصل مشروحک تفرعاتندن در .

حقیقت حالده دخی حبسک مدیونده تأدیہ دینه قارشو وجودی ملحوظ اولان مالک اظهاری مقصدیله اجرایی بر نظریه مقبوله اولوب بزم قانون اجرایه دخی بونظریه نک اساس اتخاذ قلندیگی مدیونک قابل حجز مالی موجود ایکن حبسه جواز و برلما سی کبی احوال دن استنتاج قلنمقدہ ایسه ده احکام قانونیه موضوعه بونظریه مقبوله نک تمامی تطبیق و محفوظیتی تأمین ایدمک صورتده ترتیب قلنش اولمقدن بعد بزم قانون اجرایه مدیونک ثبوت اقتداری اوزرینه طقسان برکون بر مدت حبس تعیین قلندیگی حقندہ بر ماده قانونیه موضوعه در بوطقسان برکون حبسک اظهار مال اساسی اوزرینه تضییقاً و قوعبولدیگی و مدیونک ظهور فقری حالده قبل الا کمال المدت تخلیه جوازی حقندہ هیچ برکونا احکام قانونیه موجود دکل دریا لکنز مدیون مقسطاً تأدیہ دینی تأمین حالده بر ماده قانونیه اولدیگی حالده مقصد حبس دن استدلالاً تخلیه معامله سی پابلقدہ در

شوالده طقسان برکوندن عبارت مقطوع اولان حبس اصولی کویا مدیون حقندہ تأدیہ تطبیق و تجویز اولدیگی ارايه ایتیمکده در دین آزادلسون چوق اولسون حکم اقراره انکاره مستند اولسون مدیونک فقری عجزی ظاهر اولسون اولسون و قوعبولمقدہ اولان اطلاق تطبیق حبسک تأدیگی اولدیگی کویا ستریور حالبو که مقصد واضع بودکدر . بویله بر مقصد اولدیگی کبی بویله بر فکر تطبیق دن بر فائده ده تصور اولنه ماز شوالده بونضیق تضییق بلا فائده اولور بوجهته مدیونک حبسی خصوصندہ اساس مشروح قبول ایدیلنجه مواد قانونیه نک دخی بواصلک بحق تظاهرینه آلت و واسطه اوله جق صورتده ترتیبی لزومی تبارز ایدر قانون اجرای شرعی ده ایسه بوبابده متداول اولان احکام متفرعه اصل مزبورک محفوظیت و تأمین تظاهری مؤدی بر صورتده مرتبدر چونکه انده حبس ایکی نوع در بری اعدادی که تضییق ایله اظهار مال ایتیمی احضار و اعداد ایدر و دیگری ایدی که تحقق معانده اوزرینه حبس تطبیق اولنور و حبس اعدادی مدیونک مالی وار ایسه اظهار ایتیمی ملحوظ اولان بر مدت ایله مقیددر مذکور ایکی نوع حبس دن حبس تأبیدک تطبیق و هاله خاطره کران کلور و او یله در فقط بوجسک تأبیدک مدیونہ بخش اولان حق مدافعہ دن بشقه بعض اقواله کوره آنجق مدیونک اقتدارینی اقرار حالده جزای تعند اولق اوزره تطبیق اولنوب قواعد مدافعہ واقعه ایسه بویله بر حالک وقوعنه امکان براقر مع مافیہ حبسک اساسنه نظراً حبس تأبیدک اخذ و اقتباسندہ مجبورت یوقدر بوندن بشقه یوز غروش بر دین ایچون طقسان برکون حبسک تطبیق ده طوغری دکل در فی الواقع حبسک مطلوبک ارلغنه چوقلغنه کوره ترتیبی بوجسک تأدیگی اولدیگی جوازی ایهام ایدر ایسه ده هر حالده آز مقدار دینه قارشو طقسان برکون مدت حبسک تطبیقندہ عدالت یوقدر بونک ایچون دینک آزانی چوقلغنی و حکمک اقراره انکاره مقارن اولسی و مدیونک سرت و یوموشاق یوزلیلیکی احوال مشدده دن اولق اوزره حبس ابتدائیک بر هفته دن بر آیه قدر و بو مدت ظرفنده مدیونک عسری تحقق ایدر ایسه اشبو حبس مدتک اوچ ماه و یا آلتی ماهه قدر تمیدی صورتندہ تعدیلات عاجزانه مطالعه اولنمقدہ در .

در سعادت استیفاف حقوق و تجارت محکمه سی اعضا سندن

ع . طلعت

اجانبک ممالک عثمانیه ده حائز بولندقلری امتیازات عدلیه

(مابعد)

روسیه دولتی قانونرینه کورده ده اختلاف دار مانع ارث اولمادیغندن ، بر روسیه لیک عثمانلی اولان اقرایی ده حصه مصیبه ارثیه سنه نائل اوله بیلور . بیک بشیوز روبله یه قدر رسم قسمت اولمیوب اندن یوقاریسی ایچون

استيفاء ايديلور. بوراده برروسك وفاتي اوزرينه ورثه قونسولاتويه مراجعتله مورثلرينك موتى اخباره مجبور طوتيلور. وارثلردن ماعدا اصحاب مطلوبده وارايسه وصى تركنى اشبو اصحاب مطلوب تكليف ايدر.

ممالك عثمانيه ده وفات ايدن برروس طرفندن ترك ايديلان اموال غير منقوله حقنده روسيه قونسولاتولى عدلى قوميسيونلرينك كنديلرينى وظيفه دار عد ايدوب ايتيه جكلرى مسئله سى برمدت مشكوك قالمشدر. بعض قرارلر ايله مذكور قوميسيونلر اموال غير منقوله نك صورت تقسيمى امرنده كنديلرينى وظيفه دار كوستر مشلر ايسه ده دفتر خانه جه بحق اول صورته معامله اجرا ايدلميكندن، بوقرارلر بالطبع اجراسز قالمشدر. بونك اوزرينه اشبو عدلى قوميسيونلر تبديل اجتهاد ايديلر. وذا تا بوقوميسيونلرك مقرر اتى سفير طرفندن تصديق ايدلمكجه مرعيت اكتساب ايدمىوب حالبوكه ۱۹۰۲ سنه ميلاديه سنده روسيه نك در سعادت سفيرى بلا وصيتنامه وفات ايدن برروس تبعه سنك اموال متروكه غير منقوله سنه متعلق اوله رق قدس شريف عدلى قوميسيونك ويردىكى قرارى تصديق امتناع ۱۹۰۶ تاريخنده بيروت عدلى قوميسيونى برروس تركه سنه داخل اموال غير منقوله حقنده كى منازعاتى حل وفصلدن استنكاف وكنديسنك وظيفه دار اولمادىغى اعلام ايتدى.

اما وفات ايدن روسك وصيتنامه سى موجود ايسه اول وقت عدلى قوميسيونلر اموال غير منقوله دن دولايده كنديلرينى وظيفه دار عد ايديلورلر. وشوقدر كه بويابده موسيو ماندلستامك دخى قبول ايتدىكى وجهله، قوانين عثمانيه ي تطبيق ايله مكلف طوتيلورلر.

فرانسه قونسولاتو محكمه لرى دخى وفات ايدن فرانسك وصيتنامه سى موجود اولدىغى تقديرده اموال غير منقوله دن دولايده كنديلرينى وظيفه دار عد فقط اموال غير منقوله ي تاثير ايدمى جك وصيت ايتدىنى صورتده انجق متوفانك اقرباسى كيملردن عبارت بولنديغنه متدائر علم وخبر اعطاسيله ا كتفا ايلورلر. متوفانك دايىلرى مياننده تبعه اجنيه موجود ايسه بونلر فرانسه قونسولاتوسنده اقامه دعوى ايدرلر؛ اما تبعه عثمانيه دن اولاء اله جقلولر محاكم مختلطه يه مراجعتله تركه نك شخصيت معنويه سى علمنده اقامه دعوى وحكم استحصال ايلرلر.

ممالك عثمانيه ده وفات ايدن برايتاليا نيك كرك وصيتنامه سى اولسون و كرك اولماسون، ايتاليا قونسولاتو محكمه لرى انك تركه سنى تحرير وتسويه وتركه يه متعلق اوله رق اقامه قلنسان دعوايى رؤيت واستماع ايدرلر. تركه ده هم منقول وهمده غير منقول اموال بولنديغى تقديرده بلا تفريق ايتاليا قانونلرينى تطبيق واول وجهله تقسيم ايلرلر؛ شوقدر كه آنلرك اموال غير منقوله حقنده كى تقسيمات دفتر خاقانى اداره لر نجه نظر اعتباره آلتماق نتيجه سنده بعض وارثلره وبريلان حصه ايتاليا قانونلرك احكامنه مغاير دوشرسه اشبو كيفيت اموال منقوله دولاييسيله تعديل وتسويه قلنور. يعنى اموال غير منقوله ده ايتاليا قانونه كوره از حصه آلان وارثه اصابت

ايتاليان نقصان اموال منقوله دن جبر واتمام ايديلور. متوفانك اموال منقوله سى موجود اولمادىغى تقديرده، انفاذ قرارى تأمين ايدمى جك شيك فقدانى حسييله، قونسولاتو محكمه لرى صرف اموال غير منقوله نك تقسيمه كنديلرينى وظيفه دار طانيايلورلر.

آلمانيا قونسولاتو محكمه لرى نظرنده بلا وصيت وفات ايدن ايله وصيتنامه سى موجود اولدىغى حالده وفات ايلن المانك متروقاتى بيننده فرق عظيم واردر؛ چونكه برنجى صورتده كنديلرينى وظيفه دار عدايمدكلى حالده ايكنجى تقديرده وظيفه دار بيلرلر. بر المانيا نيك وصيتنامه سنك معتبر اولوب اولمادىغى حقنده بر قرار اعطاسى قونسولاتو محكمه لر بنه عايددر. شايد بر المان اموال غير منقوله سى حقنده قوانين عثمانيه يه مغاير بروصيته بولمىش ايسه بوكى وصايايى تنفيذ ايلرلر. وارثلرك تابعيته باقلميه رق قونسولاتو محكمه سنجه تركه ده ديونات آسويه ورعتمانلى وارث ايله تركه مياننده ظهور ايدن دعواده محاكم عثمانيه نك وظيفه دار بولنديغى قبول ايديلور. بلا وصيت وفات ايدن بر المانك اموال غير منقوله سنه متعلق اولمى اوزره قونسولاتولرك ايفا ايتدىكى معامله ده احكام شرعيه وقوانين موضوعه يه نظراً وارثلر وحق انتقال اصحابى كيملردن عبارت بولنديغى ميين بر علم وخبر اعطاسنه انحصار ايلر.

اوستريا قونسولاتولى محكمه لرى دخى اموال غير منقوله ايچون وارثلر كيملردن عبارت اولديغنه متدائر علم وخبر اعطاسيله ا كتفا ومع ذلك اموال غير منقوله حقنده ثلث دن زياده يي بيله شامل اولسه، كندى قانونلرينه موافق كوردكلى وصيتنامه لرى تصديق واندن متولد دعاوى يي وكذلك تركه ي قارشو اقامه اولنان آله جق دعوايى رؤيت ايلورلر.

يونانستان ايله عقد ايديلان ۲۰ مارت ۱۹۰۱ تاريخلى قونسولوسلق مقاوله نامه سى ايسه طرفين شهنشدر وقونسولوسلرينه متقابل برحق وصلاحيات بخش و اموال منقوله حقنده متوفانك منسوب اولدىغى دولت وغير منقولات ايچون ده بولنديغى محل قوانينك تطبيقى تأمين ايلمكده در. فى الواقع مذكور مقاوله نامه نك اون سكزنجى ماده سنده دينليوركه: «تبعه دولت عليه دن برى يونانستانده ويا تبعه يونانيه دن برى ممالك شاهانه ده وفات ايتدىكى تقديرده متوفاهاننى قونسولوس مأمورينك دائره مأمورىتى داخلنده بولنور ايسه اوقونسولوس ورثه يه لاجل الارسال متوفانك خلفاته وضع يد ايدمى جكدر. محلنده قونسولوس مأمورى بولنديغى تقديرده اورانك حاكم عايدى تركه نك دفتريله اثماني بركونه رسم طلب ايتمكسزين اك يقين قونسولوس مأمورينه ارساله مجبور اوله جكدر. اموال غير منقوله يه توارث ماده سى اموال مذكور نك بولنديغى مملكت قوانيننه تابع اوله جكدر. املاك تركه لر بنه دائر اولان هر كونه مطالب ويا اختلافاتك رؤيتى منحصرأ مملكت مذكور محاكمه عايد اوله جكدر. احد طرفين تبعه سنك وفاتيله ديكر طرف ممالك سنده براقدرلى اموال منقوله يه كلنجه تبعه مرقومه كرك حين وفاتلر نده مملكت مذكورده يرلشمىش ويا يالكز سياحت طريقه اوراده

بولتش اولسون و كرك باشقه یرده وفات ایتش بولنسون ، وراثت ویا هبه نامیله درمیان اولسان مطالب و مدعیات متوفانك منسوب اولدینی مملكتك مأمورین ویا محاکم عائدہ سی طرفدن مملکت مذکورہ قوانینی موجبہ رؤیت اولنه جقدر .

دولتمزله صربستان حکومتی ارہ سندہ منعقد ۲۶ شباط ۱۸۹۶ تاریخلی قونسولسلق مقالہ نامہ سنك ۳۱،۳۰،۲۹، ۳۳،۳۴،۳۵،۳۶ نجی مادہ لری تركہ و وصایت خصوصانہ متعلق اولق اوزره متقابل برطاقم احكام وضع وتعیین ایتکده در ؛ شویله که :

اموال غیر منقولہ توارث مادہ سی اموال مذکورہ نك بولندقلری مملکت قوانینی موجبہ رؤیت اولنه جقدر ؛ املاك تركه لرینہ دائر اولان هر كونه مطالب ویا منازعاتك رؤیتی صلاحیتی منحصر آ مملکت مذکورہ محاکمہ عائد اوله جقدر . طرفین عاقدین تبعہ سنك وفاتلریله دیگر طرف ممالکینده بر اقدقلری اموال منقولہ کلنجہ ، تبعہ مرقومہ گرك حین وفاتلرنده مملکت مذکورہ ده قطعاً ویا موقتاً مقیم بولمش و كرك بشقه یرده وفات ایتش اولسونلر ، توارث ویا خودوصیتہ مستند مطالب متوفانك منسوب اولدینی مملكتك محاکم ویا مأمورین عائدہ سی طرفدن مملکت مذکورہ قوانینی احكامنجہ رؤیت وتسویہ اولنه جقدر .

طرفین عاقدین تبعہ سنندن برینك دیگر طرف ممالکینده وفاتی وقوعنده مأمورین محلیہ کیفیت وفاته واقف اولور اولماز محل وفاته الیقین بولنان جنرال قونسولوس و قونسولوسی و قونسولوس وکیل ویا قونسولوس مأمورینہ اخبار کیفیتہ مجبوردرلر ؛ بولردخی ایشہ الاول خبردار اولدقلری تقدیرده مأمورین محلیہ قارشو اویولده معاملہ ایدہ جکلدر . متوفانك منسوب اولدینی دولتک جنرال قونسولسلری و قونسولسلری و قونسولوس وکیللری ویا قونسولوس مأمورلری ورثہ دن برینك غائب ویا صغیر ویا تصرف قولیسندن ممنوع بولندینی تقدیرده معاملات آتیہ بییدرپی اجرایہ مباشرت ایتک حقی حائردرلر : (۱) قونسولوسلر ده حاضر بولندینی حالده قوانین محلیہ توفیقاً متروکات تحت تمهیرہ آلدور ؛ بعد مسافہ دن طولانی یکدیگرہ اخبار کیفیت قابل اوله مازہ یکریمی درت ساعت ظرفنده خبردار ایتک شرطیله اولجه استخبار ایدن طرف ایقای معاملہ به ابتداء ایدر . فک مهر معاملہ سنده دخی عین صورته حرکت ایدیلور (۲) بلارسم متروکاتك بر قطعه دفتری Inventaire تنظیم قلدور (۳) هر ایک طرف مأمورینی حاضر اولدینی حالده مشارع الفساد اولان اشیا بیع وفروخت اولنور (۴) متروکات امین بر محله وضع وحفظ ایدیلور . متوفانك اوراتی یاننده آله جغفی مشعر برسند ظهور ایدر سه محتویاتی تحصیل اولور . بوصیرده وراثت ویا وصیتہ دائر تحدت ایدن مطالبه و مدعیات یا قونسولوس ویا خود برکیمسه نك تبعہ محلیہ دن اولسنه کرده قونسولوسله برلکده مأمورین محلیہ طرفدن انك قوانین شخصیه سنه توفیقاً فصل رؤیت ایدیلور . (۵) اگر درمیان ایدیلان مطالب دین ، رهن ، امانت ، غصب واسترداد اموال کبی خصوصانہ متدائر ايسه ، او حالده قونسولوسلرله مأمورین محلیہ بوکی اشخاصه التي آتی تجاوز ایتماک اوزره بر مهمل اعظا وشومدت ظرفنده او اشیا یی متوفانك منسوب اولدینی مملکت کوندر مکدن توقی ایدر سه ؛ نهایت محاکم

محلیہ طرفدن قوانین محلیہ توفیقاً بومثللو دعوالر رؤیت ایدیلر ك حکم قطعیه اقتران ایلدکن ، والحاصل بوتون بوایلشکلر منقطع ومتوفانك هر خصوصده وفات ایتدیکی محل مأمورینی ایلہ علاقہ سی زائل ومتقی اولدقن صوکره باقی اموال اشیا ونقود کافه قونسولوسلرہ تودیع و آنلر طرفدن ده متوفانك عائلہ ویا اقرباسنه ویرلک اوزره مملکت ته تسیر اولنور .

تبعہ دولت علیه ن بری صربستانده و صرب تبعہ سنندن بری ممالك عثمانیه ده منسوب اولدینی دولت قونسولوسخانہ سی بولنمیان بر محله وفات ایدر سه مأمورین عائدہ محلیہ قوانین مملکت ته توفیقاً متوفانك ترك ایلدیکی اشیاك بردفترینی تنظیمه ابتدار ایدہ جك و سفارته یا خود تركه سنك آچلدینی محله الیقین بولنان قونسولوس مأمورینہ سرعت ممکنه ایلہ اخبار کیفیتہ مجبور اوله جقدر ؛ مع مافیہ تركه مذکورہ نك آچلدینی محله الیقین بولنان قونسولوس بالذات کلیر ویا وکاله بر مأمور کوندرر ايسه تركه حقنده کی مطالب و مدعیات بر طرف اولدقن صوکره متبای اشیا کندوسنه تودیع قلدور .

صرب تبعہ سنندن برینك ممالك عثمانیه ده ویا مقابله تبعہ دولت علیه دن برینك صربستانده ترك ایلدیکی اموال منقولہ هر ایک مملکت ده متروکات ومخلفات اوزرینہ طرح ایدیلان رسومك droit de succession هیچ برینہ تابع اولیه جقدر .

طرفین عاقدین تبعہ سنندن بری دیگر طرف اراضی سننده کشاد اولنان بر تركیه علاقہ دار بولنور ايسه مأمورین محلیہ تركه نك کشادینی الیقین بولنان قونسولوسه بلا تأخیر اخبار ایدہ جکدر .

طرفین عاقدیندن برینك سفینه سننده وفات ایدن دیگر طرف یولجی وکیجیلرینہ عائد نقود و اشیا متوفانك منسوب اولدینی مملکت مأمورلرینہ تسلیم اولنق اوزره او حکومت قونسولوسنه کوندریله جکدر .

تبعہ دولت علیه دن صربستانده و صرب تبعہ سنندن ممالك عثمانیه ده وفات ایدن برکیمسه ولد صغیر ترك ایدر ویا خود صربستانده مقیم تبعہ دولت علیه دن ویا ممالك عثمانیه ده متمکن صرب تبعہ سنندن برینہ وصی tuteur تعییننه لزوم کورینور سه متوفانك ویا اوشخصك منسوب اولدینی قونسولوس آنک قوانین شخصیه سنه توفیقاً وصی نصب وتعیین ایدر ؛ اما اوراده قونسولوس بولندینی ویا اوزاق محله اولدینی صورتده محلی مأمورین عائدہ سی دائره مأموریتلری داخلنده بولنان جنرال قونسولوسی و قونسولوس وکیل ویا قونسولوس مأموری و بولنرك فقدانی حالنده الیقین بولنان جنرال قونسولوسی و قونسولوس وکیل ویا خود قونسولوسی مأموری ایلہ بالاتفاق وصایتہ متدائر معاملہ بی ایضایه صالح اوله جقدر .

۷ محرم سنه ۱۲۹۱ تاریخنده خارجیه نظارت مزله سفارت ایرانیه بینند رلش دیرلان مقالہ نامہ نك دردنجی مادہ سنك فقره اخیر سنندن مستفاد اولدینی وجهله ممالك عثمانیه ده وفات ایدن تبعہ ایرانیه تركه لرینك - بالطبع منقولاته متعلق اولق اوزره - تحریر و تقسیمی ایران شهنرلرینہ عائددر ؛ چونکه فقره مزبورده ممالك محروسه ده وفات ایدن تبعہ ایرانیه نك تركه لرینہ وضع ید ایلہ آنلره متعلق معاملات تحریریه وسائر نك

اجراسی ایران شهیندر و شهیندر وکیلارینه عائد اوله جغندن ، تبعه دولت علیه جانبندن ترکه علیه اقا اوله جق دعاوی عائد اولدقلری محاکم و مجالسده نظامی وجهله رؤیت اوله جقدر . « دینیلور .

تجارت بحریه محکمه سی اعضاسندن

جمالربین وهراندا صادره

قانون جزانك ۲۲۹ نجی ماده سی

قانون جزامزده موجود بوماده غایت مختصر وساده کورنمکله برابر تطبیقاتنده برحقو مشکلات وترددی موجب اولدیغندن بوبابده برایکی سوز سویلکی مناسب کورددم .

بومادهده موضوع بحث اولان جبر آسند آلق ویا امضالتمق جرمی (extorsion de signature ou de titre) سرقت فصلنده محرر اولسنه و سرقت کبی ماله معطوف و متوجه بولنسنه نظراً اسباب مشدده لی برسرقت عد ایدیه کلشدر . حالبوکه بوجرم سرقت اولقندن زیاده بوجرم مستقل (sui generis) عد ایدلسی دهازیاذه نظریاته موافق کورلمکدهدر . زیرا جبر ایله آلتان شی برمال دکلددر ، بر تعهدی ناطق سنددر ، بوندن بالفعل استفاده آتیا اوله جغندن قیمت و مزیتی بر درجه یه قدر مشکوکدر ، علی الخصوص که سند ویا امضایی ویرن ایچون بومدت ظرفنده ضرر مادیدن کندوسنی قورنارامق اوزره برطاقم وسائط وطرق قانونیهیه مراجعت امکانی واردر .

دیگر طرفدن بومادهده موضوع بحث اولان فعلده جبر جرمك شرائط اساسیه سندندر ، حالبوکه استعمال جبر ایله بریسنك مالی سرقت ایتمکده ، جبر جرمك شرائط اساسیه سندن اولیوب احوال مشدده دندر . بناء علیه برمالی سرقتده جبر استعمال ایدلمش ایسه جزا تشدید اولنور ، اولامش ایسه عادیاً سرقت جزایی تعیین اولنور . حالبوکه بویله امضا و تحویل آلمقده اگر جبر استعمال ایدلامش ایسه اساساً جرم موجود اولماز ، فرانسه محکمه تمیزی اوللری جبراً سند آلق و امضالتمق فعلی اسباب مشدده لی برسرقت عد ایدرایدی ، فقط ۱۸۵۲ تاریخندن صکره اجتهادینی تبدیل ایله بوجرم مستقل عد ایتمکه باشلادی .

مشاهیر جزائیوندن (Chauveau et Helie) بوفعلك سرقت اولسی رأیندهدر ، بالعکس Garraud محکمه تمیزك اجتهادی وجهله بر جرم مخصوص اولدینی مطالعه سندندر . [۱]

[۱] ایٹالیا علمای حقوقندن (Zanardelli) دخی بوفعلك بوجرم مستقل اولسی رأیندهدر و جبراً وقوعولان سرقت (rapine) ایله جبراً سند ویا امضا آلق (extorsion) فعلی آره سنده بفرق اولق اوزره جبراً وقوعولان سرقتده مقصود اولان مال همان الیه ایدیه جکی حالبوکه سند و امضا آلمقده اصل استفاده مقصوده نك استحصالی برزمانه محتاج اولدینی بیان ایدر .

بومادهده موضوع بحث اولان جرمك سرقت ویا بوجرم مستقل اولسی حقنده موجود اولان اختلاف صرف نظری بر اختلاف دکلددر ، بالعکس تطبیقاتنده بوبابده تحدت ایدیه جک بر خیلی اختلافك حلنه مدار اوله جق بر ماهیتدهدر .

مثلاً بویله جبراً سند ویا امضا آلق فعلی اگر سرقت ایسه بر زوج زوجیه سندن فروع اصولدن جبراً برسند ، برتمه دنامه آلور ویا امضالور ایسه ۲۱۶ نجی ماده حکمنه توفیقاً جزا کورمن ، یوق اگر بوجرم مستقل ایسه ولوکه زوج و زوجیه و اصول وفروع آره سنده واقع اولمش اولسون جزا تعیین اولنمی ایجاب ایدر . بزجه دیگر بر نقطه نظر دن دخی حائر اهمیتدر . شویله که اگر بوفعل بر جرم مستقل ایسه صراحت مخصوصه مفقود اولدیغندن تشبیه جزا تعیین ایدیه مین ، [۱] یوق اگر سرقت ایسه ۲۳۰ نجی ماده نك ذیلی موجب تشبیه جزا تعیین ایتمك ممکن اولور .

بوفعلك بوجرم مستقل عد ایدلسی عاجزلرنجه دخی موافق کورلمکدهدر . بوجرمك حصولی اوج شرطك وجودینه وابستهدر .

۱ : قانونك عبارده سی وجهله جبر و زور استعمال ایتمك ۲ : جبر و زور بر آدمك الندن دین ویا مقبوض سندی آلق ویا بویله برسند امضا ویا مهرباصدیرمق مقصدیه وقوعبولق ۳ : قصد جرمی بولنقدر . بوشرطلرك ماهیتی آکلاشیله بیلمك ایچون بوجه آتی بر نبذه ایضاحات ویرمك ضروریدر .

برنجی شرط : جبر و زور دیمکله اسباب معافیت شخصیه دن اولان مجبوریته بحثده کی اگر اه مقصود دکلددر بلکه برکیمسه نك نفسه ویا ثروتنه فی الحال اولدجه اهمیتلی بر ضرر ایراث ایدیه جکی حقنده بر خوف بر تأثیر القا ایدیه بیله جک بر فعل دیمکدر .

جبر ایستتر ضرب و جرح کبی ماوی اولسون ایستتر تهدید و اخافه کبی معنوی اولسون مساویدر . بوجبرك سند ویا امضانك آلتدینی اثنا ده وقوعی ده شرطدر . اگر جبر و تهدید بر سند اعطا ایتمك ویا امضالتمق اوزره اولجه واقع اولمش ایسه او حالده قانون جزانك ۱۹۱ نجی ماده سی احکامنه تماس ایدر . علمای حقوق جبر هدفك رضاسی اولما مقدر دیو تعریف ایدر لر ، اشبو تعریفه کوره برکیمسه بریسنك الندن بر سند آلق ویا برسندی امضا ویا تمهیر ایتدیرمك ایچون آتی سرخوش ویا اینوتیزمه ایتسه و اول صورتله الندن برسند آله ویا امضا ایتدیرسه عجیباً جبراً آلمش دیه بیلور مین ؟ قانونمترك استعمال ایتدیکي عباراته نظراً بزجه بونی جبر عد ایتمك براز مشکلددر ظن ایدرم .

[۱] واقعا اخیراً قانونیت کسب ایتمکده اولان قانون جزا لایحه سنده تشبیه حقنده کی احکام بر شکل اخر اکتساب ایتش و فرانسه ده اولدینی کبی مواد جنائیه ده صراحت مخصوصه بولنسنه دخی متشبهه جزا تعیین اولنمش اولدیغندن آرتق بفرق ولیه بقدر .

Garçon واقعا برکیمسه بر شخصك سر خوشلغندن استفاده ایدرك سند آلمش وامضا ایتدیرمش اولمی — هر قدر اول شخصك قوه محاکمسی تام املق اعتبارله رضایی خلافتده اوسند اعطا ویا امضا ایتش نرض اولنسه دخی — جبر — ایتك قابل دکل ایسه ده مجرد اول شخصك الدن سند املق وامضا ایتدیرمك ایچون فاعل آنی سر خوش ایتش ایسه جبر اولسنی طبیعی کورمکده در .

ایکنجی شرط : جبر و شدت برسند آلمق ویا مهر وامضا وضع ایتك ایچون استعمال ایدلمش اولمیدر . مثلاً برکیمسه جبر و تهدید ایلر کندو منفعتنه اوله رق شوقدر ایرا دخی ناطق برسند تنظیم ایتدیرمی ویا خود کندوسنك تنظیم ایتدیکی برسندك زیرینه امضا ویا مهر وضع ایتدیرمی کی فقط عجباً برمدیون داینه ویرمش اولدینی دین سندینی جبر و تهدید ایلر استرداد ایدرک اولور ایسه بوماده موجبجه تعیین مجازات قابلمیدر ؟ یوقسه جبر و تهدید ایلر آلان سند زیرنده هر حاله جبر و تهدید هدف اولان کیمسه نك امضایی بولمق ایجاب ایدر ؟ واقعا بعض مؤلفلر بویاکنجی شق دائر سنده بیان رأی ایدیورلر . فقط دیگر بعض علمای حقوق برمدیونك کندی امضایی حاوی برسندی جبراً استرداد ایتسی ده بوماده تماس ایدر جکینی بیان فقط مدیونك جبر و تهدیدی اوزرینه سند داین طرفندن تسلیم ایدلمی شرط اولدینی علاو ایدیورلر . زیرا اکر مدیون جبر و تهدیده سندی بالذات کندوسی آلور ایسه احواله soustraction بولنور . و بناء علیه سرقت اولمش اولور .

بوجرمك تمامیتی ایچون امضائك وضعی ویا سندك تسلیمی کافی اولوب استعمال و بالفعل اضرار شرط دکلدر . حتی برسندك زیرینه جبراً امضا ویا مهر وضع ایتدیردکن صکره ولوکه سند برسیده فاعلك یدینه یکمالمش اولسه ینه جرم تمام اولمش اولور .

شوقدر وارکه امضا اولنان تحویل ویا آلان سند قانونده مصرح اولان خصوصاتی حاوی اولمی لازمدر ، قانونمز بوبابده « دین تحویل » و « مقبوض سندی » ذکر ایدیور . فقط بونك خارجنده برطاق سندات موجوددرکه بونلرک اهمیت بلمکه مقبوض و دین سنداتندن زیاده اولور . مثلاً بیعنامه ، وصیتنامه هبئی الخ حاوی سندات کی بونلری خارجه بر افاق هیچ بر صورتله موافق مصالحت و عدالت دکلدر . فقط قانونمز یالکز « دین تحویل » و « مقبوض سندی » دیه تصریح و تحدید ایلشدر .

بوماده نك مأخذی اولان فرانسه قانوننك ۴۰۰ نجی ماده سنده « تعهدی تملیکی و برای ناطق سندات واوراق الخ » دینلمشدر . تعهد و تملیکی ناطق تعبیرلر ایسه اولدقچه واسع بر معنایی افاده ایدر جکی اشکاردر . ایتالیا جزا قانوننك ۴۰۹ نجی ماده سنده « قانوناً حکمی حائز برسند » تعبیری کی دهها عام و شمولی بر قیده تصادف اولنور .

کرک بزم قانونمز و کرک فرانسه قانوننك بوبابده استعمال ایتش اولدقلى تعبیرلردن مستبان اولدینی اوزره

اعطا ویا امضا اولنان سند امضایی وضع ویا سندی اعطا ایدرک مالا محرومیتی ومنفور اولسنی مستلزم اوله بیله جک ماهیتده اولمی شرطدر . بناء علیه جبر و تهدید ایلر برکیمسه نك ناموس و اعتبارینی کسر ایدر جک برورقه بی امضاتلق ویا املق بوماده ده بیان اولنان جرمی تشکیل ایتز . مثلاً برکیمسه بر شخصی تهدید و جبر ایدرک فلان چو جوق ویا قادین حقنده فعل شنیع اجرا ایتدیکی و فلان با کره نك بکری ازاله ایلدیکنی مین بر امضا برورقه املق ویا غیر مسلم بر زوج زوجه سنی تطلیق ایدر بیلیمک ایچون اول صورتله زوجه سنی یدندن فلان شخص ایلر مناسبات غیر مشروعه ده بولندیغه دایر بر اعترافنامه املق کی . زیرا بویا اوراق برکیمسه بی مالا اصرار ایدر جک بر تعهدی ویا ابرایی شامل دکلدر . شوقدر وارکه جبر و تهدید ضرب و جرح و تشهير سلاح کی بر جرم مستقل تشکیل ایدر سه بوجرا ثمدن طولانی فاعل تعقیب و مجازات اولنور .

ایتالیا قانوننك بالاده ذکر ایتدیکنمز مطلق عبارته سنه استناداً ایتالیا محکمه تمیزی بویله جبراً زوجه سندن بر اعترافنامه آلان بر زوجی بوماده موجبجه جزا کورمسی ایجاب ایدر جکینی اجتهاد ایتشدر . واقعا ده بویولده بر اعترافنامه نك قانوناً بر حکمی بر مرعیتی اولدینی موضوع بحث اوله ماز .

النان ویا امضا ایتدیریلان سندك امضایی وضع ویا سندی اعطا ایدن حقنده مالا محرومیتی و متضرر اولسنی مستلزم اوله جق صورتده بولنمی یعنی جبر و تهدید ایدن کیمسه ویا بر شخص ثالث حقنده برحق تأمین ایدلمش ویا برحق ازاله ایدر جک بروشقیه حکمسز براقه جق ماهیتده بولنمی شرط اولدیغه نظر آ برکیمسه مثلاً بر شخص برابر انا مه اعطا ویا امضایی ایچون جبر و تهدید ایدرک یدندن برسند آله و فقط بوسند هیچ بر حاله ابرانامه دینله جک مزیتده و بناء علیه قانوناً برکونا حکم و مرعیتی حائز بولنسه عجباً ینه بوجرم وجود بولمش اولور می ؟

ابرانامه اولمق اوزره النان سند ابرا نامه اولدینی و بناء علیه قانوناً برکونا مرعیتی اولدینی تقدیرده میدانده جبر و تهدید اولنان شخصی اضرار ایدر جک بر فعل قالیوب مجرد فاعلك بعض افعال خارجیه مستند بر قصد جرمیسی قالیور . حالبوکه جرم وجود بولمق ایچون مجرد قصد و نیت کافی اولیوب اثرک دخی حاصل اولمی شرطدر . ذاتاً ایکنجی شرط اولمق اوزره جبر و تهدید ایلر آلان سند دین ویا مقبوض سندی خلاصه بر تعهدی برحق مثبت ویا خود برحق ازاله سنی موجب برسند اولمی ایجاب ایدر جکینی بیان ایتشدر .

شوقدر وارکه بوقاعده بی سوء استعمال ایتاملی مثلاً بر محجور یدندن بویولده سند آلنسه هر قدر قانوناً اول کیمسه نك (محجور اولمی حسیله) مالا متضرر اولیه جنی و محکمه جه سندك بطلاننه حکم ایدر جکی طبیعی ایسه ده جرم ینه موجود اولور ، بوحکمسنلک فاعلك یداختیارنده اولیان بعض اسباب خارجیه دن ایلر ویه کلشدر . فاعل سندك مرعیتنه اعتقاد ایدرک و امین اوله رق المشدر .

نته کیم برمدیون کندی امضایی حاوی سندینی جبر و تهدید ایلر دائنندن استرداد ایتدکن صکره داین

وسائط ودلائل سائر ايله حقى اثباته واستحصالة مقتدر اولسه وبصورته سندك الخمسندن ضرر اولسه دخی مديون يته بومادهده بيان اولنان جرمى ايشلمش عد اولنور .

حالبوكة ابرانامه دبو النان سند اساساً ابراي حاوى بولماز ايسه جرم موجود بولماديغنه قائل اولمليز .
نته كيم حامله برقدينه اسقاط جنين ايچون معالجه ويريلوب او معالجه اسقاط جنينى موجب اولميه جق بر ماده اولديغى تقديرده ميدانده اسقاط جنين جرمى بولمليور . زيرا برنجى شقده استحالة مطلقةدر impossibilité absolue ايكنجيده ايسه بالنسبه impossibilité relative در .

بوراده مهم برسؤال دها وارد خاطر اوليور . بر كيمسه عجا بويله بردين ويامقبوض سندی امضاييتدير ميوب آچيق بر كاغده امضا ايتديرسه بوماده موجبجه بر جرم تشكيل ايدرمي ؟

فرانسه محكمه تميزينك اجتهادينه كوره آچيق بر كاغده امضاييتدير مك آچيق امضا (blanc seing) بر كونا تعهدى حاوى ويا بر حقتك ازاله سنى موجب اولمديغنه و بناء عليه قانوناً بر كونا قيمت ومزيتى اولميه جفته بناء بومادهده بيان اولنان extortion جرمى تشكيل ايتز ايسهده بويله آچيق بر كاغده امضا وضع ايتدير مك طبيعى ايلروده اوزرينه بر تعهدى ويا ابراي ناطق عبارات طولدير مق خصوصى فاعلك يد اختيارنده اولميان اسباب مانعه حيلولتيله فعله چيقنامش اولور ايسه تشبث نام ديمك اوله جغندن فاعلى متشبث اولق اوزره بوماده موجبجه جزا كورمسي ايجاب ايدر .

فرانسه محكمه تميزينك آچيق امضا حقنده كي بواجتهادى قبول ايدجك اولور ايسهك بزجه بويله جبر وتهديد ايله آچيق بر امضا آلوب يقاسنى اله ويران كيمسه به بوماده موجبجه - قانون حاضر مزه نظراً - جزا تعيين ايتك ممكّن اوله ماز . زيرا واقعا مرقشك تشبثه ۳۰ نجى مادهك ذيلنده جزا تعيين ايدلمش ايسهده آنفاً اعطا اولنان ايضاحاته نظراً بوجرمى بر جرم مستقل عد ايتك ايجاب ايتديكندن وتشبثى حقنده صراحت قانونيه مفعود بولنديغندن متشبثى تجزيه ايتك قابل اولماز . فقط قانونيت كسب ايتمكده اولان قانون جزاك ۴۶ نجى ماده معدله سي موجبجه جنايتلرده صراحت مخصوصه بولمسه وحتى متشبثلره جزا تعيين اولنه جغندن ماده مذكوره قانونيت كسب ايلدكده بزجهده جزا تعيينى قابل اوله جقدر .

۳ : قصد جرمى : قصد جرمى جبر وتهديد ايله ماده قانونيهده مذكور سنداقى المق وامضا ويا تمهيد ايتدير مكدر . بوبابده سائق جرمه (mobile) باقيلماز . بناءً عليه بردائن مديوننده اولان اله جفتى توثيق وتأمين مقصديله مديونندن جبر وتهديد ايله دينى ناطق برسند السه Garçon ك رآينه كوره يته بومادهده محرر extortion جرمى ايقاع ايتمش اولور .

مكتب حقوق معلملرندن

دعوى وكلى

ديران

[۳۸] نومرولى جریده عدلیه محتویاتی

— قسم رسمی —

صفحه
نومرولى

- توجيهات عدليه — (۱) —
تبليغات عموميه — (۱) —
مأمورين عدليهك عهده لرينه مودوع وظائفى قوانين ونظامات موجوده
ايله اوامر ومقررات مبلغه احكامنه توفيقاً ايضا ايتلري لزومنه دأثر . ۱۹۶۴
(۲) مفردات دفتر لرينك هراى نهايتنده مأمورين ماليه به توديع ايدلسنه دأثر . ۱۹۶۶
(۳) رزى به متعلق موادك تعقيبى ضمننده مذكور اداره دن اعطا اولنان ورقه لرك تمغا رسمه تابع اولدق لرينه دأثر . ۱۹۶۶
محكمه تميز هيئت عموميه سي مقرراتى (۱) مجرميت قرار لرينك هانكى نوع اكثريله اتخاذ قلنديغك تصریح ايدلمسى لزومنه دأثر . ۱۹۶۷
محكمه تميز استنداعا اثره سي مقرراتى — (۱) هيئت اتهاميهك وظيفه سي ايشده جرم موجود اولوب اولماديغك ومظنونلري محكمه به سوجه كافى اسباب ودلائل بولنوب بولماديغك تعيينندن عبارت بولنديغنه دأثر . ۱۹۶۹
(۲) محاكم استينافيهك مقررات ابتدائيه بي قبل الفسخ رأ - آ اعطاي حكمه صلاحيتدار اولماديغنه دأثر . ۱۹۷۱
(۳) امنيتى سوء استعماله متعلق افعال جرميه دن دولايى تعقيات قانونيه اجراسى ادعاى شخصى وقوعنه متوقف بولنديغنه دأثر . ۱۹۷۲
(۴) درجه ثابتهده اجرا قلنان نتيجه تدقيقاتده مظنونك قاسنى تماماً قينندن چيقارمق صورتيله تشهير سلاح فعلنه جرائق مرتبه ثبوت واصل اولمليه تشبث درجه سنده قالدیغنه دأثر اولار ادعالك ردی حقنده ويرلان قرارك موافق اولديغنه دأثر . ۱۹۷۵
محكمه تميز حقوق دائره سي مقرراتى - (۱) مرسين تجارت محكمه سندن قابل استيناف اولق اوزره صادر اولان اعلامك مرجع استينافى اطنه تجارت محكمه سي اولديغنه دأثر . ۱۹۷۷
(۲) مرور زمان دعواسنك على الاطلاق قابل استيناف بولنديغنه دأثر . ۱۹۷۹
(۳) مفلس حقنده ايرى ايرى محكمه لردن ابلاس فراي ويرلش وهرايكي محكمه دن مستقل اوله رق سندن بكار تعيين ايدلش بولنديغنه كوره بر محكمه دن انتخاب ايديلان سندن بكار ديكر محكمه ده كي افلاس معامله سندن دولايى اتخاذ ايديلان مقرراته قارشو اعتراض الغيره حق اولديغنه دأثر . ۱۹۸۱
(۴) مختلف قطعاتده كي اراضى مختلف الجنس اولديغندن مقاسمين راضى اولماديغلى حالده قسمت جمع ايله تقسيمى جائز اولمايوب ترلار لك هر برى قسمت فرد ايله تقسيم اولنق مقتضى اولديغنه دأثر . ۱۹۸۳

محكمة تميز جزا دائره سى مقرراتى - (۱) بر فلك فاعلنه جزا ترتيبى اوفلك قانون جزا ايجاجه افعال ممنوعه دن

۱۹۸۵

بولنسيه مشروط اولديغه دائر .

(۲) مهم وكيلىك مدافعه سنك زدى واقراك طايماً وقوعى حقنده اسباب

۱۹۸۷

موجبه ايرادنن ذهول ايدلى مسئلم نقض اولديغه دائر .

(۳) بعض معاملات قانونيه نك ايفاسى ضمانده اوراق دعوانك مدعى عموميكه

۱۹۸۹

اعاده سنه دائر ويريلان فراو مقررات قطعيه دن معدود اولاديني جهتله

تابع تميز بولناديغه دائر .

(۴) جرائم صبه قانونك وحاى اولدينى احكام جزائيه نك تطبيق واجراسى

۱۹۹۰

ايجون عاٹ ساربه نك ظهورى ومجازات قانونيه نك درجائى نشر وعلان

ولتمق مقتضى اولديغه دائر .

(۵) شهود مستمع دن هر برينه عائد افاده وشهادت عينا محاکمه ضبط نامه سيله

۱۹۹۲

اعلامه درج وتحريرى لزومه دائر .

ماورين عدليه دن تحت محاکمه آلا نك اشمه قضاسى بدایت محكمه سى اعضاسندن مستطق اسماعيل افنديك

برائت، محكوميت ولزوم محاکمه قرارلرینه حبسنه ومصرفه قضاسى بدایت جزائيسى حسن افنديك صارقندلىق

دائر — فعلندن برائنه ضربدن دولاي برلرا آله رق مضروبه اعطاسنه صيدا

قضاسى مدعى عمومى معاوانى عينا افنديك عدم مسئوليتنه ومستطق

عبداللطيف ومعاوانى مصطفى افنديك منع محاکمه لرينه مرمريس قضاسى

بدایت محكمه سى مدعى عمومى معاوانى وكيلي پوليس حسين صدق افنديك

منع محاکمه سنه واركللى جزا ريشى اسماعيل توفيق افنديك عدم مسئوليتنه

۱۹۹۳

وقيصرى اجرا مأمورى بكر شفيق افنديك برائنه قرار ویرلديك دائر .

قسم غير رسمى —

۱۹۹۵

باش مدعى عمومى ممدوح بك افنديك

۱۹۹۸

استيناف اعضاسندن ع . طلعت افنديك

۲۰۰۱

تجارت بحريه محكمه سى اعضاسندن جمال الدين وهراند

۲۰۰۶

آ - ادور بكارك

دارالفنون عثمانى حقوق شعبه سى قانون جزا معلمى دعوى وكيلي

ديران افنديك

ملاحظات جزائيه

قرائين اجرائيه نك . قايسه سى

اجانبك ممالك عثمانيه ده حائز ارلدقلى

امتيازات عدليه

قانون جزائك ۲۴۹ نجى ماده سى

اعلان

بك اوغلى متصرفانى اطلبالغندن متقاعد ميرالاي ترهان كويچى افنديك صمايه جوارنده ات يمزده شمندوفر جاده سنده اللى بش نومرولى خانه ده مستأجر آ ساكن ايكن مذكور خانه دن چيقه رق نه طرفه كيتديكى مجهول بولنان مكتب طبيه عثمانيه مأمور ايكن اخيراً تقاعد ايديلان طيب قائم مقاملرندن حليم بك عليه بدل صلحدن الاجنى اولان يكرى ايبى عدد عثمانلى ليراسنك تحصيلى حقنده محكمه دن استحصا ايلديكى فى ۳۱ مائس سنه ۳۲۷ تاريخ ويديوز اون اوچ عددلى اعلام وجاهيك مدعى عليه اقامتكاهنك بوكره مجهول اولسندن ناشى كندوسنه تبليغى قابل اوله ماش ومدعى مومى اليه دخى اعلاناً تبليغات اجراسى طلبنده بولنش اولغله مذكور اعلامك برقطعه صورت مصدقه سى محكمه ديه انخانه سنه تعليق ايداش اولغله اصول محاكات حقوقيه قانونك يوز قرق طقوزنجى ماده سى منظوقجه اعلان كيفيته ايتدار قلندى .

اصحاب املاك كن محمد نجيب افنديك بك اوغانده تپه باشنده قبرستان سوقاغنده ۱۸ نومرولى اپارتمان تحتده كى دكانده مقيم جامجى احمد حسن افندى ذمتده كى بحسب الكيفاله محكوم به مطلوبك اس تيفاسى ضمانده بك اوغلى بدایت محكمه سى برنجى حقوق دائره سى قراريله حجز ايديلان وحجزك تصديقه دائر قرار ويريلان مختلف الجنس قرق طقوز پارچه جامك اشبو جزيرانك اون دردننجى صالى كوني زوالى ساعت طقوز بچق راده لرنده دكان مذكور پيشگاهنده بالمزايده فروخت اولنه جغندن طالب اولانلرك بدل مزايده لرینی برلكده آله رق مأمورى مواجهه سنده حاضر بولملرى دائره مذكورده دن اعلان اولنور .

بك اوغلنده طوغرى يولده طوقاتليان اوتلى قارشوشنده شكرى پاشا خاننده مقيم وتپه باشنده « فارا » اپارتمانده ايبكى نومروده مقيم ترزيلك وقاشجيلق ايله مشغل ايكن اليوم اقامتكاهى وزرده بولندينى مجهول بولنان بولتيكى نيقولانيديس افنديك ۹ جزيران سنه ۳۲۷ تاريخندن اعتباراً اعلان افلاسنه ومصالح افلاسيه سنك رؤيت وتسويه سى ضمانده اعضاى محكمه دن بدروس قره يان افنديك ژوز قوميسر ودعوى وكيللرندن محمود حازم افنديك موقت سنديك تعيينلرينه ومغازه سيله دپولرنده كى اموال تجاريه واشياى زائده بيتيه سنك تمهيرينه واوراق ودفاترينك جلبنه وكفالت مصدقه ارانه ايدمه ديكي تقديرده حبس وتوقيفه وبوبابده كى قرارك موقه اجراسنه تجارت بحريه محكمه سندن قرار ويرلش اولديغندن قانوننامه تجارتك يوز تيشنجى ماده سى موجبجه دائمى سنديكلرى انتخاب اولتمق اوزره اصحاب مطلوبك اشبو بيلك اوچيوز

يکرمی یدی سنه سی جزیرانک یکرمی بشنچی جمعه ایرتسی کونی بعد الزوال ساعت ایکی راده لرنده محکمه نك افلاس معاملاته مخصوص اوطه سنه کلری لزومی اعلان اولنور .

لیغور کساریدیس افندینک قاضی کوی املاک تحصیلدارلرندن زهدی بک ذمتده تجارت بحریه محکمه سنک اعلامیه محکومیه مطلوبی بولان اون بش لیرانک مع فائض ومصارف محاکمه تأمین استیفاسی ضمننده مدیون مومی الیهک شایعاً عهده تصرفنده بولان چارشوی کیرده صحافنده کاش مکرر قرق درت و قرق الی و قرق سکرز نومرولریله مرقم برباب دکانک جزو فروختی قرار الله الشمس اولغله ر موجب قرار مذکور دکانده مدیون مومی الیهک متصرف اولدینگی نصف حصه سنک الی حصه اعتباریه بر حصه سی ایله دروننده مستقر تجارت ایله اخذ واعطاسی اولیان صحاف کدکنک نصف حصه سنک الی حصه اعتباریه بر حصه سی تاریخ اعلان اعتباراً اون بش کون، صکره موقع مزایده وضع ایدیه جکندن اشتراسنه طلب اولانلرک ودها زیاده معلومات المق استیانلرک محکمه تجارت اجرا داره سنه مراجعت ایتملی لزومی دائرة مذکورده دن اعلان اولنور .

اوقاف هایون حقوق مشاورلکی طرفندن قرتال زراعت بانکه سی ایله سابق تفکیکندن نوح اغا علیلرینه اقامه اولسان محلول اولوب بلا بدل ومغایر قانون اوله رق مومی الیه نوح اغایه تفویض اولسان قرتالده کاش مع بعضه برباب خانه مومی الیه نوح اغا طرفندن مذکور بانکیه استقراض اولنان مبالغه مقابله سننده رهن ایدیش ومبالغه مستقرضه نك عدم تسویه سنندن ناشی مذکور بانکیه طرفندن بالمزایده فروخت ایدیلکده بولنش اولدینندن بوبابده کی مداخله نك منعیه مذکور خانه قیدینک اوقاف نامنه تصحیح قیدی دعواسنک اجرای محاکمه سی شهر تموزک دردنجی بازار ایرتسی کونی ساعت سکیزده مقرر بولنش ومرقوم نوح اغانک اقامتکاهی مجهول اولسی حسیه اولبابده کی دعوتیه ورقه سی اصول محاکمه حقوقیه قانوننک آلتنجی ماده سی موجب محاکمه دیوانخانه سنه تعلیق ایدیش اولدینندن مومی الیه نوح اغا یوم مذکورده بالذات حاضر بولندیغی ویاخود مصدق بر وکیل کوندرمدیکی تقدیرده محاکمه نك غیاباً اجرا قلنه جنی اعلان اولنور .

در سعادتده چارشوی کیرده دعا میداننده صحافلر جاده سننده کاش دکاننده قاش تجارتیه مشغول رسلان رهوانچی افندینک ۱۱ جزیران سنه ۳۲۷ تاریخندن اعتباراً اعلان افلاسنه ومصالح افلاسیه سنک رؤیت وتسویه سی ضمننده اعضای محکمه دن بدروس قره یان افندینک ژور قومیسر ودعوی وکیللرندن اربسدا کی قصابیان افندینک موقت سنندیک تعیینلرینه ومغازه سیله دیولرنده کی اموال تجاریه واشیای زائده بیتیه سنک تمهیرینه واوراق ودفاترینک جلبنه وکفالت مصدقه اراثه ایدمدیکی تقدیرده حبس وتوقیفنه وبوبابده کی قرارک موقه اجرا سنه تجارت بحریه محکمه سنندن قرار ویرلش اولدینندن قانوننامه تجارتک یوز یتیمچی

ماده سی موجب محکمه دائمی سنندیکلری انتخاب اولنقی اوزره اصحاب مطلوبک اشبو بیسک اوچیوز یکرمی یدی سنه سی جزیرانک یکرمی یدنجی بازار ایرتسی کونی زوالی ساعت اوچ راده لرنده محکمه نك افلاس معاملاته مخصوص اوطه سنه کلری لزومی اعلان اولنور .

استانبول ولایتی دعوی وکیلی ایوب صبری بک طرفندن ۸ شباط سنه ۳۲۶ تاریخنده در سعادت بدایت محکمه سی ایکنجی حقوق داره سنه اعطا قلنان عرفخالد قباطش حوض وریختمنک اوچیوز یکرمی ایکی سنه سی ملتزی مصطفی عاصم افندینک بدل التزامک تأخر تأدیه سنندن متراکم کدشته اوله رق اونبر بیسک التیوز قرق غروش ولایت مشارالیه بوری اولدینندن اصل مومی الیه حقنده حق مطالبه سی محفوظ قالمق اوزره مبلغ مذکور کفیلی اولوب قبا صقالده یکرمی درت نومرولی خانه ده مقیم سلطان حامی جوارنده قرق درت نومرولی دکانده مانیفاتوره تجارتیه مشغول بولان عثمان نوری افندینک تحصیل حقنده اقامه ایدیلکی دعوا دن طولانی تنظیم اولوب محل مذکورده ارسال قلنان ورقه دعوتیه ظهرینه مومی الیه عثمان نوری افندینک اقامتکاهی مجهول اولدینغه دائر محله مذکورده امامی طرفندن شرح ویرلش اولغله مذکور ورقه دعوتیه ایله استدعا صورتی اصول محاکمه حقوقیه قانوننک یکرمی التنجی ماده سی موجب محکمه دیوانخانه سنه تعلیق اولنورق اشبو اوچیوز یکرمی یدی سنه سی تموزینک یکرمی برنجی پنجشنبه کونی الاتورقه ساعت اوچ بچق وسطی ساعت ... راده لرنده محاکمه نك رؤیتی مقرر بولنش اولدینندن یوم ووقت مذکورده مرقوم عثمان نوری افندینک بالذات محکمه مذکورده کلدیکی ویا وکیل مصدق کوندرمدیکی حالده معامله غیابیه اجرا قلنه جنی معلوم اولمق اوزره کیفیتک اعلاننه ابتدار قلندی .

بقال دیمترینک مارنیک بنت کرویپ ذمتده مطلوبنک استیفاسی ضمننده مدیون مزبورده نك عهده سننده اولوب مومی الیه نامنه وفاء مفرغ وفروختی محکوم اولان پانغالتیده الماطغی جاده سننده ۵۴ نومرولی وقف برباب خانه سی لدی المزایده اوچیوک غروش بدل ایله طالبی عهده سننده تقرر ایتیش اولغله تاریخ اعلانن اعتباراً اوتوز برکون ظرفنده یوزده بش ضمیله طالب اولانلرک یوزده اون نسبتده کی پی اچهلرینی استصحاباً مراجعت ایملری و اوتوز برنجی یعنی شهرتموزک اون آلتنجی جمعه ایرتسی کونی وسطی ساعت درتده املاک مذکورده پیشگاهنده مأموری مواجهه سننده حاضر بولنملری دائرة مذکورده دن اعلان اولنور .

خارجیه نظارت جلیله سی امور تجارت فرانسوزجه باش کاتبی حسن نظمی بکله برادری امور حقوقیه مختلطه قلمی خلفاسندن اسماعیل بکلرک انکلتزه دولت فخریه سنک در سعادت جنرال قونسولاتوسی اعلامی ایله زینب خانم ذمتده که معلوم المقدار مطلوبلرینک استیفاسی ضمننده در سعادت سروری محله سننده نورعثمانیه جاده سننده عراقیه جی حاجی جعفر چلی وسایمان اغا وقلارندن تحتانی وفوقانی ۱۹ اوطه ومطبخ وقیووبانچینی

مشمول یکریمی ایکی نومرولی کارکیر براب خانه بوندن اقدم لدی المزايدة عهده لرنده تقرر ایدن داین مومی الیهما اشتراک نیکول ایتش اولملریله اموال غیر منقوله نیک فروختی حقنده کی قانون احکامنه توفیقاً یکیدن مزایده سی تقرر ایتش اولمغه مذکور خانه ایله اولجه جز ایدلمش اولان در سعادته صمان ویران ثانی محله سنده اوزون چارشو جاده سنده کلیدخانی آلت قاتنده طقوز نومرولی بر مغازه ایله در سعادته یواشجه شاهین محله سنده اوزون چارشو جاده سنده طانبوره جی خانی قپوسی اتصالیده کائن ۱۴۰ نومرولی بر باب قینه جی مغازه سی و محل مذکورده طمروق سوقاغنده ۳۳ نومرولی اوچ قاتدن عبارت الی اوطعی محتوی کارکیر بر باب خانه ورستم پاشا محله سنده خاصر جیلر جاده سنده ۶۲ نومرولی کذلک بر باب توتونچی دکانی ایله بوغاز ایچنده اینجیر کوبنده کوی باشی سوقاغنده ۳۹ نومرولی دستان افوقندن درت اوطه بر مطبخ و ۳۶۰ زراع باغچه یی مشتمل بر باب اخشاب خانه تاریخ اعلاندن اون بش کون صکره بالمزایده فروخته تشبث اولنه جغندن طالب اولوب بوندن زیاده معلومات المق ایستیانلرک بک اوغلی اجرا دائره سینه مراجعت ایملری اعلان اولنور.

بکقوز قضا سینه تابع اوکومجه قیه سندن حاجی حسین افندی ایله دعوی وکیلی حمدی بکک بوزخالی قریه سندن بکر اوغلی ادهم اغا ذمتنده بر قطعه اعلام نظامی موجبجه اله جقوری اولان مبالغ معلومه نیک تأمین استیفاسی ذمتنده مدیون مرقومک حصه شایعه اوله رق عهده تصرفنده بولنان و مقدما تحت جزه الثان بوزخالی قریه سنده دکرمن دره موقعنده اوچ دونم چاللیق و کوالی چارنده بش دونم مقداری تارلا و کولیده چتی قور یسنده اوچ دونم چاللیق و چایر موقعنده بش دونم تارلا و بوغاز ایچی موقعنده ارتوز دونم چاللیق و کول التنده درت دونم تارلا و اسکی کوالی جوارنده الی دونم چاللیق واکرتیلک موقعنده درت دونم تارلا و قرق باش موقعنده بش دونم چاللیق و قریه دروننده صرف ملک بغچه و قریه دروننده بر باب خانه مع بغچه نیک نصف حصه سی وینه قریه دروننده کی بر باب قهوه خانه مع بغچه نیک نصف وثلث حصه لری بالمزایده اون بر بیک غرو شده داین حسین افندی عهده سنده تقرر و قرارداد موقته سی مومی الیه نامه کشیده قلمش اولدیغندن یوزده بش ضمیمه طالب اولانلرک بکقوز اجرا دائره سینه مراجعت ایملری اعلان اولنور.

عائشه خانم ایله محمد و احمد و قهرمان و مصطفی اغار و راضیه ملک و وهیمه خانم لک مهائیه تصرف لری اولبابده کی اعلام شرعی ایله محکوم بولنان املاک و عقارات معلومه نیک بر موجب حکم اعلام طرفه تسلیمی مزبوره عائشه خانم طرفندن با استدعا طلب ایدلمش و مومی الیه من محمد و احمد و قهرمان اغار تلبیغات لازمه اجرا قلمش ایسه ده دیکر لرینک اقامتگاه لری مجهول بولنمسته بناء کندولرینه تلبیغات اجرا ایدله مدیکندن اجرا قانوننک یکریمی طقوزنجی ماده سی موجبجه مذکور اعلام صورتیه اخبار نامه نیک تبلیغ مقامته قائم اولیق اوزره کیفیت در سعادت اعلامات شرعیه اجرا دائره سندن اعلان اولنور.

نیش دفتر داری زاده مصطفی افندی وقفی متولیتی سعادتلو بکر بک افندی نیک طناشک مخدومی یوزکی ذمتنده اسکدار بدایت محکمه سی حقوق دائره سی اعلام له اجاره وقفیه دن آلا جنی اولان مبالغ تأمین استیفاسی ذمتنده چنک قریه سنده صویولی جاده سنده اون اوچ نومرو ایله مرقم ایوالق باغچه سی دیکله مغروف بوستانده ارثاً و انتقلاً متصرف اولدیغی سکر حصه ده مجوز بولنان بر حصه سی تاریخ اعلاندن اعتباراً اون بش کون صکره بالمزایده فروخته تشبث اولنه جغندن طالب اولانلرک و دهها زیاده معلومات ایدنک ایستیانلرک اسکدار اجرا دائره سینه مراجعت ایملری اعلان اولنور.

ازینه قیه سندن پابوشچی میقاتل قلا یحیانه با اعلام محکوم به دینی بولنان ایواجق قضا سنیق قوزلی قریه سندن و زراعدن حاجی ملازم محمد اغا مخدومی عبدالقادرک عهده تصرفنده اولوب اجرا دائره سی معرفتیه تحت خجزه آلدر بلان قریه مذکورده دروننده کائن یمینی یساری یول ارفه سی ملازم محمد اغا منزلی وجهه سی یول ایله محدود تخمیناً در تیوز زراع مربع مع قهوه خانه بر باب یاغ منکسینه سنک اوچ سهمین بر سهم حصه شایعه سی وینه قریه مذکورده نیک میدان ایچی موقعنده کائن شرقاً احمد اونباشی و شمالاً احمد اونباشی و سلیمان ترلاری و غرباً حاجی یم اوغلی احمد ترلا سی جنوباً طریق عام ایله محدود درت دوم مع اشجار بر قطعه زیتونلک بر بیک یکریمی سهم اعتباریه درت یحق سهم حصه شایعه سی تاریخ اعلاندن اعتباراً اون بش کون صکره بالمزایده فروخت اولنه جغندن طالب اولانلرک ایواجق اجرا دائره سینه مراجعت ایملری اعلان اولنور.

عائشه خانم ایله کریمه سی صفیه خانمک زین العابدین افندی نقود موقوفه سینه دینلری اولان مبالغ معلومه مقابلنده مرهون و فروختی محکم بولنان باب عالی قرینده لالا خیرالدین محله سنده یدی نومرو ایله مرقم رحیه خاتون و فتنه مقاطعه لو و ابنیه سی ملک اولوب تخمیناً یوز یتش ارشون عرصه اوزرینه مبنی طرف تختانیسی کارکیر و اوست طرفی اخشاب اوله رق ایکی قاتدن عبارت درت اوطه و بر صوفه و بر بالقونی مشتمل معلوم الحدود بر باب خانه نیک تاریخ اعلاندن اعتباراً اون بش کون صکره بالمزایده فروخته تشبث اولنه جنی اعلامات شرعیه اجرا دائره سندن اعلان اولنور.

حسین شفیع افندی نیک مقدما بک اوغلنده و نیک زقاغنده بلانومرو آپارتمانک درت نومرولی دائره سنده مقیم ایکن الیوم اقامتگاه ی مجهول مادام اودوقسیا ذمتنده آله جنی اولان اون سکر عدد لیرای عثمانینک دعوی عرض حالنک معامله قیدی سی تاریخ اولان ۱۵ مارت ۳۲۷ تا یخندن اعتباراً مع قاض و یوز التمش الی یحق غروش مصارف محاکمه سیله برابر تحصیلنه دائر بک اوغلی بدایت محکمه سی برنجی حقوق دائره سندن صادر اولوب تبلیغات لازمه سی اعلاناً ایضا قلنان ۹ نیشان ۳۲۷ تاریخ و ۱۳۶ نومرولی اعلام غیابی حکمنک

اجراسی دائن مومی الیه طرفدن با استمداء طلب ایدلش اولغله اجرا قانوننک یکریمی طقوزنجی مادهسی موجبجه طقسان بر کون مدته تنظیم قلنان اخبارنامه محکوم علیه تبلیغ ایدلش عد اولنق ومدت مذکوره ظرفنده اثبات وجود ایتدیکی صورته تسویه دیندن امتناع ایتش عدیه حکم اعلامک اجرا قلنه جنی معلوم اولق اوزره دائره اجرا دیوانخانه سنه تعلیق قلندیکی کبی اوراق حوادثله دخی کیفیت تبلیغ اعلان اولنور .

متوفی پتراکی نو میدیس مخدومی غلطه ده ایلادی خاننده الی نومرولی اوطه ده مقیم تجارتدن استفانوس نو میدیس افندیکن درسعادته بالقی بازارنده نو شهر خاننده طقوز نومرولی اوطه ده مقیم و صرافقه متوغل ایکن الیوم اقامتگاهلری مجهول اولان قسطنطن خرسو توریدی و شریکی خرملبو خرسو فوریدیس افندیلر علیله رینه متوفی مورث و پدرینک اوچ قطعه امره محرر سندله الاجنی بولنان یوز الی عدد عثمانلی ایراسیه دوت غروشک تحصیلی حقنده اقامه ایلدیکی دعوی اوزرینه جریان ایدن محاکمه غیاییه نتیجه سنده مبلغ مدعا بیدن مدعینک قرقده اون دوت سهم اعتبارله حصه مصیبه شرعیه سی بولنان اوتوز یدی لیرای عثمانی و بر بحق غروشک یمندن نکوله تعلیقاً مع فائض و مصارف محاکمه تحصیلنه دوت تجارت بحریه محکمه سندن صادر اولان ۲۹ مایس سنه ۳۲۷ تاریخ و یوز اون طقوز نومرولی اعلام غیایینک ایکی قطعه صورت صدقه سی محکوم علیهما قسطنطن خرسو فوریدیس و شریکی خرملبو خرسو فوریدیس افندیلرک اقامتگاهلری مجهول بولنسندناسی کندولرینه تبلیغ اولنق اوزره اصول محاکمه حقوقیه قانوننک یوز قرق طقوزنجی ماده سی حکمنه توفیقاً محکمه دیوانخانه سنه تعلیق اولندیکی کبی اوراق حوادث واسطه سیله دخی اعلانه ابتدار قلندی .

التنجی دائره بلدی و کیلی سعیدنک جانبندن بک اوغلی بدایت محکمه سی برنجی حقوق دائره سنه اعطا اولنان عرض حالده بک اوغلنده تقسیم جوارنده قزغنجی یقوشنک اوست باشنده سلیم ملجمه پاشانک متصرف اولدینی قوناغک مشتملاتندن اولان محله بلارخصت انشا ایدلش اولان اخوردن طولایی تذکره خرجی و جزای نقدی اوله رق بیک ایکیوز اون غروشک مومی الیه دن مع فائض و مصارف محاکمه تحصیل طلب اوله رق مدعی علیک دخی حال فرارده اولسندن ناشی اعلاناً واقع اولان تبلیغات اوزرینه دعوتیه اجابت ایتیار مدعی علیک غیابنده سبق ایدن محاکمه نتیجه سنده مذکور بیک ایکیوز اون غروشک مع فائض و مصارف محاکمه تحصیلنه حکمی حاوی صادر اولان ۲۶ مایس سنه ۳۲۷ تاریخلی و ۳۷۷ عددلی اعلامک صورت مصدقه سی اصول محاکمه حقوقیه قانوننک یوز قرق طقوزنجی ماده سی حکمنه توفیقاً تبلیغ عد اولنق اوزره محکمه دیوانخانه سنه تعلیق اولندیکی کبی اوراق حوادثله دخی اعلان کیفیتیه ابتدار قلندی .

بانکر موسیو قسطنطینک رائف اغا زاده حسین بک ذمتنده برنجی تجارت اعلامیه الاجنی اولان مبالغه تأمین تسویه سی ضمنتده محجوز اولان و فروختی مقرر بولنان بشکطاشده کوی ایچنده اورته بغیچه جاده سنده واقع یکریمی دوت نومرولی تخمیناً یوز اون ارشون اوزرینه مبنی دوت قانده الی اوطه برچانی آراسی

و علی التخمین الی ارشون بغیچی و دروننده فرنک طلومبه لی برقوبوی و مطبخ و مشتملات ساتره یی حاوی و شهری اوچیوز الی غروش ايجارلی کارکیر برباب خانه نک تمامی بوندن اقدام موقع مزایده یه قونیه لر ق عثمانلی لیراسی یوز غروش حسابیه اون ایکی بیک غروشده طالبی عهده سنده قالمش اولغله تاریخ اعلاندن اوتوز برکونه یعنی کله جک شهر حزیران رومینک یکریمی یدنجی صالی کوننه قدر یوزده بش ضمیمه اشتراسنه طالب اولانلرک ودها زیاده معلومات المقاسیانلرک بدل مزایده نک عشرینه مساوی پی ایچ سیله برابر درسعادت محکمه تجارت اجرا دائره سنه مراجعت ایللری و یوم مذکورده ساعت طقوزه قدر مذکور املاک پیشگاهنده و فرداسی کونی دخی دائره اجرا ده حاضر بولنلری دائره مذکورده دن اعلان اولنور .

استانبولده بالقپازارنده طاشجیلرده قوری چشمه اتصالنده کائن بلا نومرو دکانده مقیم یورطه تجارتیه مشغول نو شهرلی یوان ولد استفانک ۸ حزیران سنه ۳۲۷ تاریخندن اعتباراً اعلان افلاسنه و مصالح افلاسیه سنک رؤیت و تسویه سی ضمنتده اعضای محکمه دن جمال بکک ژوژ قومیسر و دعوی و کیلرلندن علیکسانیان افندیکن موقت سندیک تعینلرینه و مغازه سیله دپولرنده کی اموال تجاریه و اشیای زائده بیتیه سنک تمهیرینه و اوراق و دفاترینک جلبنه و کفالت مصدقه ارائه ایده مدیکی تقدیرده حبس و توقیفه و بوبابده کی قرارک موقه اجرا سنه محکمه جبه قرار ویرلش اولدیغندن قانوننامه تجارتک یوز یتیمنجی ماده سی موجبجه دائمی سندیکلری انتخاب اولنق اوزره اصحاب مطلوبک اشوبیک اوچیوز یکریمی یدی سنه سی حزیرانک یکریمی اوچنجی پنجشنبه کونی زوالی ساعت اونبر راده لرنده محکمه نک افلاس معاملاتنه مخصوص اوطه سنه کللری لزومی اعلان اولنور .

چارشوی کبیرده قالب اچیلر باشنده ۱۴۷ و بغیچه قپوسنده تراموای جاده سنده ۱۵ نومرولو تحافیه مغازه لرنده ساکن ایکن ۱۶ شباط سنه ۳۲۶ تاریخنده تجارت بحریه محکمه سنجه افلاسنه حکم اولنش اولان بوسنه لی اسماعیل حق افندی ذمتنده آله جنی اثبات و یا موقتاً قبول و قید ایتدیرمش اولان آله جقلولرک قانوننامه تجارتک ۲۱۱ و آتی ولی ایدن ماده سی موجبجه مفاس طرفندن تکلیف اولنه جق قوتقورداتونک مذاکره سی ایچون اوچیوز یکریمی یدی سنه سی حزیرانک اون سکزننجی جمعه ایرتسی کوننده محکمه مذکورده نک افلاس اوطه سنه کللری اعلان اولنور .

